

4. DISCIPLINA 2.
MONASTICA 137
EXHORTATIONIBVS
DIGESTA

In Regulam primitiuam Fratrum Discalceatorum Ordinis Beatissimæ Virginis Mariæ de Monté Carmelo.

Per

R. P. F. IOANNEM A IESV MARIA,
*Carmelitam Discalceatum
Calaguritanum.*



ROMAE, Apud Iacobum Mascardum. MDCXV.

Superiorum Permissu.

STANDARD

OF THE

LIBRARY OF THE

U. S. DEPT. OF AGRICULTURE

WASHINGTON, D. C.

1911



U. S. DEPT. OF AGRICULTURE

F R. Ferdinandus à S. Maria , Præpositus
Generalis Carmelitarum Discalceato-
rum Congregationis S. Eliæ , concedi-
mus , vt liber hic de Disciplina Monasti-
ca , à R. P. F. Ioanne compositus , typis
mandetur , si placuerit Reuerendissimo D.
Vicesgerenti, & Reuerendissimo Patri Ma-
gistro Sacri Palatij . Datum Romæ 26.
Septembr. 1614.

138

Fr. Ferdinandus à S. Maria Præpositus Gen.

*Imprimatur , Si videbitur Reuerendiss. Patri
Magistro Sacri Palatij Apostolici ,*

Cæsar Fidelis Vicesgerens ,

EX commissione Reuerendissimi Patris Fratris Hyacinthi Petronij Romani Sac. Pal. Apost. Mag. vidi ac diligenter perlegi librum R. P. Fr. Ioannis à Iesu Maria Carmelitæ Discalceati, cui titulus est de Disciplina Monastica, & nihil inueni quod Catholicæ Fidei, vel bonis moribus aduersetur, immo etiam cen-
seo huiusmodi opus ad communem religiosorum vtilitatem, typis omnino dignum, in-
quorum fidem his manu propria subscripsi.
Datum Romæ die 6. Nouembris 1614.

**Fr. Vincentius Candidus Sac. Theol. Magister &
Conuentus S. Mariæ super Mineruam Almæ
Vrbis Prior.**

Imprimatur,

**Fr. Gregorius Donatus Romanus Lector, & Re-
uerendissimi P. Fr. Hyacinthi Petronij Roma-
ni Sac. Palat. Apost. Magistri Socius.**

ADMODVM R. P. N.

FR. FERDINANDO 139

A S. MARIA,

Carmelitarum Discalceatorum Congregationis Sancti Eliæ Præposito Generali .

FRATER IOANNES SAL.



RCANAM Congregationis nostræ Structuram , cum per triennium præessem , contemplatus , nonnulla concepi , quæ per exhortationes in regule textum digesta , omnibus quidem perfectionis Monasticæ cupidis , sed Prælatis potissimum , qui per hebdomadas singulas , in patrum confessu ex more concionantur , prodesse possent. Hæc , ut dixi , concepta in Seminario nostro Quirinali , quò valetudinis gratia secessi , modicum otij nactus exaravi : tibi que , cui prælationis iure debentur , nuncu-

pare constitui . Non flosculos respersi , non
ornatum varia eruditionis adiunxi , sed
quod (mea quidem sententia) validissimum
(Christianarum concionum robur est , rationes
efficaces ad themata selecta pertractanda ,
contexere studui , quibus animos ad nostram
Disciplinam retinendam , & perficiendam
flecterem . Laborem ergo meum boni consule ,
ac si perspicaci visu tuo exploratum probes ,
qua nam ratione in lucem edi possit , pro sin-
gulari qua præstas , prudentia decerne . Cle-
mentissimus Deus te , ad navis nostræ cla-
uum , quem tenes , feliciter regendum , quod
impensè opto , incolumem seruet , ac inuictis
viribus armet .


LECTORI.



SELECTA Disciplinae Monasticae capita, quae Monachis exemptum à mundi servitute vitae genus ducentibus, cordi esse debent, per exhortationes multiplices, vario themate à textu regulae nostrae petito, digessi. Methodus haec est, ut habito thematis delectu, verbis aliquot exordij loco praemissis, mox rationes, quoad fieri potest, efficaces, quibus intellectus illustretur, & voluntas impellatur, ad propositum hortandum, dehortandumve subtexam. Denique insto, ut tradita doctrina ad praxim deriuetur, ac in hunc modum singulas exhortationes absolvo. Ego concionum membra compegi: ijs autem, qui labore hoc uti volent, non erit difficile, aliqua Scripturae sacrae effata, sanctorum sententias, similitudinem, aut exemplum aliquod intertexere, si orationem exornare, &

amplificare placuerit, quod aduersa mea va-
letudo non tulit. Precor Clementissimum
Deum, afflet spiritu suo lectores omnes; sed
Prælatos præsertim conciones habituros. Si
enim spiritus flauerit, doctrina solida neruo-
sis rationibus fulta subnixi pectora (credo
equidem) dura mulcebunt.





1511

I N D E X
P A R S P R I M A
DE PROLEGOMENIS.



Ramonitio. Cap. 1. pag. 1

Exhortatio ad Regula existimationem & custodiam.

Cap. 2. 1

Exhortatio ad regula scopum di-

gnosendum, & petendum. Cap. 3. 9

Observatio. Cap. 4. 18



P A R S S E C V N D A .

De Disciplina monastica erga textum regulæ.

T <i>Itulus, & textus primus .</i>	19
<i>Observatio thematum , quæ è titulo , & primo textu duci possunt , ad exhortationes solitas .</i>	20
<i>Exhortatio de primitiui status perfectione, ad quam aspirandum est . Cap. 1.</i>	20
<i>Exhortatio de Beatissimæ Virginis titulo , ac tutela . Cap. 2.</i>	26
<i>Exhortatio ad solitudinis amorem è primo textu regula petita . Cap. 3.</i>	32
<i>Exhortatio de institutorum monasticorum varietate, & instituti proprii usu . Cap. 4.</i>	38
<i>Textus secundus .</i>	44
<i>Observatio thematum .</i>	45
<i>Exhortatio ad obedientia votum explendum . Cap. 5.</i>	45
<i>Exhortatio ad votum castitatis explendum . Cap. 6.</i>	53
<i>Exhortatio ad votum paupertatis explendum . Cap. 7.</i>	60
<i>Textus tertius .</i>	65

I N D E X.

<i>Observatio thematum .</i>	65
<i>Exhortatio de bono cœnobiorum , quæ ad nostram disciplinam apta , & commoda extruuntur . Cap.8.</i>	66
<i>Exhortatio de varietate cœnobiorum , in quæ monachi distribuuntur . Cap.9.</i>	72
<i>Textus quartus .</i>	77
<i>Observatio thematum .</i>	78
<i>Exhortatio de bono cella separata . Cap.10. pag.</i>	78
<i>Exhortatio de ratione cella instruenda . Cap.11.</i>	83
<i>Textus quintus .</i>	88
<i>Observatio thematum .</i>	88
<i>Exhortatio de disciplina in cœnaculo , seu refectorio observanda . Cap.12.</i>	89
<i>Exhortatio de cura rerum Priori creditarum non usurpanda . Cap.13.</i>	95
<i>Exhortatio de perpetuo orationis studio . Cap.14.</i>	99
<i>Textus sextus .</i>	105
<i>Observatio thematum .</i>	106
<i>Exhortatio de honorum canonicarum dignitate , & fructu . Cap.15.</i>	106
<i>Exhortatio de modo officium diuinum persol- uendi . Cap.16.</i>	110
<i>Textus septimus .</i>	115

I N D E X

Obſervatio thematum .	115
Exhortatio de bene vita communis . Cap. 17.	115
pag.	115
Exhortatio de recurſu ad Priorem pro rebus neceſſarijs . Cap. 18.	121
Textus octauus .	125
Obſervatio thematum .	126
Exhortatio de diuina erga nos in infimis quoque rebus providentia . Cap. 19.	126
Exhortatio de modoſto uſu animalium ad uenturam . Cap. 20.	131
Textus nonus .	134
Obſervatio thematum .	134
Exhortatio de legitima miſſa celebratione , & miniſtrantium officio . Cap. 21.	135
Exhortatio de modo ſacrum celebrandi , & audiendi , ad eius fructum percipiendum . Cap. 22.	139
Textus decimus .	144
Obſervatio thematum .	144
Exhortatio de diſciplina in patrum conſeſſu , ſive capitulo obſeruanda . Cap. 23.	145
Exhortatio de correptione humiliter ferenda . Cap. 24.	150
Textus undecimus .	155
Obſervatio thematum .	155
Exhortatio de bono ieiunij . Cap. 25.	155

Ex-

I N D E X.

<i>Exhortatio de causa iusta ieiunium omittendi.</i>	
<i>Cap. 26.</i>	159
<i>Textus duodecimus.</i>	164
<i>Observatio thematum.</i>	164
<i>Exhortatio de exercitio mendicandi.</i>	Cap.
<i>27.</i>	165
<i>Exhortatio de bono exemplo extra domos nostras prebendo.</i>	Cap. 28.
	169
<i>Textus decimustertius.</i>	173
<i>Observatio thematum.</i>	174
<i>Exhortatio de bono, quod in tentationibus paratur.</i>	Cap. 29.
	175
<i>Exhortatio de studio virtutum.</i>	Cap. 30.
<i>pag.</i>	179
<i>Exhortatio de familiari usu verbi Dei.</i>	Cap.
<i>31.</i>	183
<i>Exhortatio de otio vitando.</i>	Cap. 32.
	187
<i>Textus decimusquartus.</i>	191
<i>Observatio thematum.</i>	192
<i>Exhortatio de observatione silentij.</i>	Cap. 33.
<i>pag.</i>	192
<i>Exhortatio de lingue lapsibus.</i>	Cap. 34.
<i>pag.</i>	196
<i>Textus decimusquintus.</i>	200
<i>Observatio thematum.</i>	201
<i>Exhortatio de humilitatis cultu.</i>	Cap. 35.
<i>pag.</i>	201

Ex-

Exhortatio de actibus ad humilitatem parandam opportunis. Cap. 36. 205

Textus decimus sextus. 210

Observatio thematum. 210

Exhortatio de bono Prælati deferendo. Cap. 37. 211

Exhortatio de supererogationis operibus. Cap. 38. 216

217

217

217

217

217

217

217

217

217

217

217

217

217

217

217

217

217

217

217

217

217



PARS PRIMA. DE PROLEGOMENIS.

Præmonitio. Cap. I.



PRÆLATVS, qui in cœtu monachorum, è regulæ textu in partes digesto, vt mos est, doctrinam moralem elicere constituit, rectè aget, si prolegomena nonnulla præmittat, quibus animos ad tantæ rei æstimationem excitet. Duo verò imprimis capita duabus exhortationibus expendet iuxta exempla subiecta, quæ non ad quippiam præscribendum, sed ad indicandum rerum pondus, & ad extimulanda ingenia Prælatorum, vt meliora ipsi excogitent, proponere, ac persequi decebit.

Exhortatio ad regulæ æstimationem, & custodiam. Cap. II.

COgitanti mihi de dignitate regulæ, in cuius textum aliquid promere constitui, subit imago quædam Christi stateram dextra tenentis, operaq. nostra, iuxta syncerum regulæ, quam profitemur, sensum trutinantis, quæ quidem imago regulæ ipsius, vt rei planè grandis æstimationem ingenerat. Re ergò altè perpensa, multæ succurrunt rationes, quæ ad regulam plurimi faciendam, animoq. altè imprimendam satis appositæ,

& veris monachis omninò suggerendæ videntur.

Ratio prima . Ipsum nimis vulgatum , vix tamèn, vt par esset, expensum regulæ nomen rei significatæ dignitatem aperte prodit. Si enim norma architecti , qua regiæ aulæ partes diriguntur, tanti fit, vt quicquid contra , vel præter illam extruatur, eo ipso tanquam ineptum , ac deforme à bonis censoribus improbetur, totusq. fabricæ decor in ipsam referatur ; quid de regula morum , extra quam quicquid eius professores attentent, obliquum est, & cui Domus Dei decor ascribitur, sentiamus ? Res profectò excelsa, & pulchra est, quæ viuos lapides in Dei templum consentientes, proportionem mira coaptat, & honestat.

Ratio secunda . Status proprii æstimatio, nemini nisi deliro fortasse alicui , potest non cordi esse. Porro status cuiq. suus, non temere sed iusta præmeditatione tādē electus, bonum quoddam honestum videatur oportet, non enim pictor, aut sculptor feligit id vitæ genus , quod ei dedecori vertatur, imò id præsertim arripit, quod honorificum, & lucri ferax existimat. Cum ergo monachus discalceatus, consultatione præuia , genus vitæ quoddam, regulæ à sublimitate, & exacta, perfectione commendatæ addicū optauerit, necesse est, vt permagni faciat, quod ei coram Deo Angelis, & hominibus dignitatem tantam, honoremq. conciliat . Sanè ipse regulæ primitiæ titulus tam speciosus , & virorum sapientum præconijs exornatus est, vt rebus quoque humano more perpenſis, cordatus quisq. monachus cum vniuersis mūdi honoribus anteferre debeat. Quo

qui-

quidē ex capite, quodammodo cogitur, ne vllō actu parum decoro, qui sapientibus viris displiceat, se tanta regulæ degenerē professorem exhibeat. Verūm grauiora meditemur.

145

Ratio tertia. Quot sententiæ in regula proferruntur, tot sunt prudentissima consilia, ad vitam apostolico more instituendam, quod per se quidē notum, & communi sermone celebratum est. Si ergo ad insistendum vestigijs apostolicis, mundo nos renunciasse fatemur; quomodo regulam nostram, velut apostolicam doctrinam, ac proinde vt rem pretiosissimam nō æstimemus? Profecto, quam despicabilia sunt mundi consilia, quibus vita humana vitiatur, tam sunt pretiosa illa, quibus expurgatur, & cælesti puritate perficitur. Norunt hoc veri mundi contemptores, qui disciplinæ monasticæ laude olim claruerunt, quos pauci aliquot, ætate nostra, in regulæ custodia equare conati sunt.

Ratio quarta. Altiùs caput efferamus, obseruemusq. singulas regulæ præscriptiones totidem Diuinę ipsius Maiestatis oracula esse, vt ex origine spectetur regulæ dignitas, & maiestas. Mihi certē perspectū est, vos de re hac interrogatos cōfessione multa responsuros, capita regulæ, effata esse Dei per regulæ ipsius conditorē, & Summum Pontificem confirmatorem loquentis, humanęq. sapientiæ longē procūldubio antecellere, & qui aliter censeret, inter instituti sui desertores reponi debere. Si ergo regulæ capita dracula cælestia sunt, quomodo cum modica eorum æstimatione professio nostra cohæreat? aut quomodo non

plurimus honor à Carmelitâ Discalceato ei deferatur ?

Ratio quinta . Rationes allatz quantumvis nervosæ lentum forte aliquem parum vrgebunt ; quod virtutis honestatem , ac Dei ipsius magnitudinem tenuiter agnoscat . Optandum certè , ut in præsentî cœtu nemo eiusmodi cæcitate laboret . At si quis adsit , consideret saltem , quod sub alia metaphora initio indicauimus , regulâ hanc lineam quandam esse , quâ Christus æquisissimus iudex , & internorum affectuum cognitor mensurus est vitam , quâ ducimus regulæ ipsi à nobis sponte alligatam . Meditetur quàm debeat æstimari linea hæc , ad quam , si cœnobitica disciplina exigatur , in vniuersi mundi theatro monachus à Christo ipso laudandus , & inter inuictos milites recensendus , vel à contrario , æternò anathemate , à consortio sanctorum arcendus est .

Obfer-
uatio.

Hactenus produximus rationes , quibus intellectus ad regulæ æstimationem instruitur , & voluntas incipit emolliiri . Nunc voluntas ad præxim acriùs vrgenda est , iuxta prudentem bonorum concionatorum vsum , qui in postrema concionum parte , affectum potissimum excitare , ac inflammare nituntur : qua certè methodo in alijs omnibus exhortationibus utemur .

Audistis , Patres , contextum rationum , quibus euincitur , regulam nostram , non sem aliquam vulgarem , sed egregiam , eximiam , ac planè celestem esse , eiq. venerationem plurimam deberi . Quid ergo vobis modò videretur , si è medio confectu hoc , aliquis disciplinz regularis impatiens

exur-

exurgeret, diceretq. non vsque adeò extolli debere regulæ dignitatem, nolletq. se illam tam religiose colere. Conspiraretis, credo equidem, in sententiam hanc, monachum scilicet eiusmodi, societate vestra omninò indignum esse, neque iudicio sanè pollere. Qui enim rem honestissimam divino splendore lucentem minimè, aut tepidè amandam, & laudandam existimat, in dementiam aliquam incidisse videtur.

Nunc ergo vos introspicite ipsos, & exploret conscientiam vnusquisq. suam, an regulam nostram, quam cordis centro deberet insculpere, tanti pendat, ac decet. An eam sæpe, & cunctantè relegat. An selectæ illæ sententiæ breuitate, multa perstrictæ videantur ei oracula cælestia. An verba syncerè interpretetur, timeatq. ad extraneos sensus detorquere. An pro cuiusq. capiti observatione vellet, si oporteret, occumbere. Si enim hisce caret argumentis, iniquus æstimator est: nec sanè conscientia propria ei zelum suggeret adeò feruidum, vt delirum monachū illum, qui in medio cœtu hoc, regulam (vti posuimus) vilipenderet, sine remorsu vehementèr carpere, vel damnare queat. Si enim se nō corripit ipsum, quare illum redarguit? Respondebit fortassè, non esse parem vtriusq. culpam, sequè non esse adeò impudentem, vt regulam non magni facientiam clamitet. Verùm quid si non clamitet ipse, quandoquidè ipsius opera vociferantur? Constat quidem se nosse Deū, cui regulæ observationem promisit, factis autem negat, dū lentescit, & à sensu sacrarū præscriptionum longè recedit.

P A R S S E C V N D A .

De Disciplina monastica erga textum regulæ.

T Itulus, & textus primus .	19
Observatio thematum , quæ è titulo , & primo textu duci possunt , ad exhortationes solitas .	20
Exhortatio de primitiui status perfectione, ad quam aspirandum est . Cap. 1.	20
Exhortatio de Beatissimæ Virginis titulo , ac tutela . Cap. 2.	26
Exhortatio ad solitudinis amorem è primo textu regula petita . Cap. 3.	32
Exhortatio de institutorum monasticorum varietate, & instituti proprii usu . Cap. 4.	38
Textus secundus .	44
Observatio thematum .	45
Exhortatio ad obedientia votum explendum . Cap. 5.	45
Exhortatio ad votum castitatis explendum . Cap. 6.	53
Exhortatio ad votum paupertatis explendum . Cap. 7.	60
Textus tertius .	65

I N D E X.

Observatio thematum .	65
Exhortatio de bono cœnobiorum , qua ad nostram disciplinam apta , & commoda extruuntur . Cap.8.	66
Exhortatio de varietate cœnobiorum , in qua monachi distribuuntur . Cap.9.	72
Textus quartus .	77
Observatio thematum .	78
Exhortatio de bono cellæ separata . Cap. 10. pag.	78
Exhortatio de ratione cellæ instruenda . Cap. 11.	83
Textus quintus .	88
Observatio thematum .	88
Exhortatio de disciplina in cœnaculo , seu refectorio observanda . Cap. 12.	89
Exhortatio de cura rerum Priori creditarum non usurpanda . Cap. 13.	95
Exhortatio de perpetuo orationis studio . Cap. 14.	99
Textus sextus .	105
Observatio thematum .	106
Exhortatio de horarum canonicarum dignitate , & fructu . Cap. 15.	106
Exhortatio de modo officium diuinum persolvendi . Cap. 16.	110
Textus septimus .	115

<i>Obferuatio thematum .</i>	115
<i>Exhortatio de bona vita communis . Cap. 17.</i>	
pag.	115
<i>Exhortatio de recurſu ad Priorem pro rebus neceſſarijs . Cap. 18.</i>	121
<i>Textus octauus .</i>	125
<i>Obferuatio thematum .</i>	126
<i>Exhortatio de diuina erga nos in infimis quoque rebus prouidentia . Cap. 19.</i>	126
<i>Exhortatio de modeſto uſu animalium ad ueturam . Cap. 20.</i>	131
<i>Textus nonus .</i>	134
<i>Obferuatio thematum .</i>	134
<i>Exhortatio de legitima miſſa celebratione , & miniſtrantium officio . Cap. 21.</i>	135
<i>Exhortatio de modo ſacrum celebrandi , & audiendi , ad eius fructum percipiendum . Cap. 22.</i>	139
<i>Textus decimus .</i>	144
<i>Obferuatio thematum .</i>	144
<i>Exhortatio de diſciplina in patrum conſeſſu , ſive capitulo obſeruanda . Cap. 23.</i>	145
<i>Exhortatio de correptione humiliter ferenda . Cap. 24.</i>	150
<i>Textus undecimus .</i>	155
<i>Obferuatio thematum .</i>	155
<i>Exhortatio de bono ieiunij . Cap. 25.</i>	155

I N D E X.

<i>Exhortatio de causa iusta ieiunium omittendi .</i>	
<i>Cap. 26.</i>	159
<i>Textus duodecimus .</i>	164
<i>Obseruatio thematum .</i>	164
<i>Exhortatio de exercitio mendicandi . Cap.</i>	
<i>27.</i>	165
<i>Exhortatio de bono exemplo extra domos no-</i>	
<i>stras prabendo . Cap. 28.</i>	169
<i>Textus decimustertius .</i>	173
<i>Obseruatio thematum .</i>	174
<i>Exhortatio de bono , quod in tentationibus pa-</i>	
<i>ratur . Cap. 29.</i>	175
<i>Exhortatio de studio virtutum . Cap. 30.</i>	
<i>pag.</i>	179
<i>Exhortatio de familiari usu verbi Dei . Cap.</i>	
<i>31.</i>	183
<i>Exhortatio de otio vitando . Cap. 32.</i>	187
<i>Textus decimusquartus .</i>	191
<i>Obseruatio thematum .</i>	192
<i>Exhortatio de obseruatione silentij . Cap. 33.</i>	
<i>pag.</i>	192
<i>Exhortatio de lingue lapsibus . Cap. 34.</i>	
<i>pag.</i>	196
<i>Textus decimusquintus .</i>	200
<i>Obseruatio thematum .</i>	201
<i>Exhortatio de humilitatis cultu . Cap. 35.</i>	
<i>pag.</i>	201

Ex-

Exhortatio de actibus ad humilitatem parandam opportunis. Cap. 36. 205

Textus decimus sextus. 210

Observatio thematum. 210

Exhortatio de bonore Prælati deferendo. Cap. 37. 211

Exhortatio de supererogationis operibus. Cap. 38. 216

272

274

275

277

278

279

280

281

282

283

284

285

286

287

288

289

290

291

292



PARS PRIMA. DE PROLEGOMENIS.

Præmonitio. Cap. I.



R AELATVS, qui in cœtu monachorum, è regulæ textu in partes digesto, vt mos est, doctrinam moralem elicere constituit, rectè aget, si prolegomena nonnulla præmittat, quibus animos ad tantæ rei æstimationem excitet. Duo verò imprimis capita duabus exhortationibus expendet iuxta exempla subiecta, quæ non ad quippiam præscribendum, sed ad indicandum rerum pondus, & ad extimulanda ingenia Prælatorum, vt meliora ipsi excogitent, proponere, ac persequi decebit.

Exhortatio ad regulæ æstimationem, & custodiam. Cap. II.

C Ogitanti mihi de dignitate regulæ, in cuius textum aliquid promere constitui, subit imago quædam Christi stateram dextra tenentis, operaq. nostra, iuxta syncerum regulæ, quam profitemur, sensum trutinantis, quæ quidem imago regulæ ipsius, vt rei planè grandis æstimationem ingenerat. Re ergò altè perpensa, multæ succurrunt rationes, quæ ad regulam plurimi faciendam, animoq. altè imprimendam satis appositæ,

& veris monachis omninò suggerendæ videntur.

Ratio prima. Ipsum nimis vulgatum, vix tamèn, vt par esset, expensum regulæ nomen rei significatæ dignitatem aperte prodit. Si enim norma architecti, qua regiz aulæ partes diriguntur, tanti sit, vt quicquid contra, vel præter illam extruitur, eo ipso tanquam ineptum, ac deforme à bonis censoribus improbetur, totusq. fabricæ decor in ipsam referatur; quid de regula morum, extra quam quicquid eius professores attentent, obliquum est, & cui Domus Dei decor ascribitur, sentiamus? Res profectò excelsa, & pulchra est, quæ viuos lapides in Dei templum consentientes, proportionè mira coaptat, & honestat.

Ratio secunda. Status proprii æstimatio, nemini nisi deliro fortasse alicui, potest non cordi esse. Porro status cuiq. suus, non temerè sed iusta præmeditatione tādè electus, bonum quoddam honestum videatur oportet, non enim pictor, aut sculptor feligit id vitæ genus, quod ei dedecori vertatur, imò id præsertim arripit, quod honorificum, & lucri ferax existimat. Cum ergo monachus discalceatus, consultatione præuia, genus vitæ quoddam, regulæ à sublimitate, & exacta perfectione commendatæ additū optauerit, necesse est, vt permagni faciat, quod ei coram Deo Angelis, & hominibus dignitatem tantam, honoremq. conciliat. Sanè ipse regulæ primitivæ titulus tam speciosus, & virorum sapientiam præconijs exornatus est, vt rebus quoque humano more perpenſis, cordatus quisq. monachus cum vniuersis mûdi honoribus anteferre debeat. Quo
qui-

quidẽm ex capite, quodammodo cogitur, ne vllò actu parum decoro, qui sapientibus viris displiceat, se tanta regulæ degenerẽ professorem exhibeat. Verũm grauiora meditemur.

Ratio tertia. Quot sententiæ in regula proferruntur, tot sunt prudentissima consilia, ad vitam apostolico more instituendam, quod per se quidẽm notum, & communi sermone celebratum est. Si ergo ad insistendum vestigijs apostolicis, mundo nos renunciasse fatemur; quomodo regulam nostram, velut apostolicam doctrinam, ac proinde vt rem pretiosissimam nõ æstimemus? Profectò, quam despicabilia sunt mundi consilia, quibus vita humana vitiatur, tam sunt pretiosa illa, quibus expurgatur, & cælesti puritate perficitur. Norunt hoc veri mundi contemptores, qui disciplinæ monasticæ laude olim claruerunt, quos pauci aliquot, ætate nostra, in regulæ custodia equare conati sunt.

Ratio quarta. Altiùs caput efferamus, obseruemusq. singulas regulæ præscriptiones totidem Diuinę ipsius Maiestatis oracula esse, vt ex origine spectetur regulæ dignitas, & maiestas. Mihi certè perspectũ est, vos de re hac interrogatos cõsensione multa responsuros, capita regulæ, effata esse Dei per regulæ ipsius conditorẽ, & Summum Pontificem confirmatorem loquentis, humanęq. sapientiæ longè procùldubio antecellere, & qui aliter censeret, inter instituti sui desertores reponi debere. Si ergo regulæ capita dracula cælestia sunt, quomodò cum modica eorum æstimatione professio nostra cohæreat? aut quomodò non

exurgeret, diceretq. non vsque adeò extolli debere regulæ dignitatem, nolletq. se illam tam religiose colere. Conspiraretis, credo equidem, in sententiam hanc, monachum scilicet eiusmodi, societate vestra omninò indignum esse, neque iudicio sanè pollere. Qui enim rem honestissimam diuino splendore lucentem minimè, aut tepidè amandam, & laudandam existimat, in dementiâ aliquam incidisse videtur.

Nunc ergo vos introspicite ipsos, & exploret conscientiam vnusquisq. suam, an regulam nostram, quam cordis centro deberet insculpere, tanti pendat, ac decet. An eam sæpe, & cunctantè relegat. An selectæ illæ sententiæ breuitate, multa perstrictæ videantur ei oracula cælestia. An verba syncerè interpretetur, timeatq. ad extraneos sensus detorquere. An pro cuiusq. capiti, obseruatione vellet, si oporteret, occumbere. Si enim hisce caret argumentis, iniquus æstimator est: nec sanè conscientia propria ei zelum suggeret adeò feruidum, vt delirum monachû illum, qui in medio cœtu hoc, regulam (vti posuimus) vilipenderet, sine remorsu vehementèr carpere, vel damnare queat. Si enim se nō corripit ipsum, quare illum redarguit? Respondebit fortassè, non esse parem vtriusq. culpam, seque non esse adeò impudentem, vt regulam non magni facien-
dam clamitet. Verùm quid si non clamitet ipse, quandoquidè ipsius opera vociferantur? Confitetur quidem se nosse Deû, cui regulæ obseruationem promissit, factis autem negat, dū lentescit, & à sensu sacrarû præscriptionum longè recedit.

An Athenienſibus, vel Lacedæmonijs profuit illa tam exacta ſuarum legum æſtimatio ad cæleſte regnum perquirendum? Potuit ne labor ille cuſtodie legum impenſus auctores ſuos ab interitu præſeruare? Minimè quidem? Si ergo leges illæ ſteriles tantoperè æſtimatæ, & obſervatæ ſunt, quanto ſit æquius, vt leges noſtræ, quibus ad æternam felicitatē via ſternitur, à vobis magni fiant, & fidiffima cuſtodia vigeant? Profectò monachi nomen indignè uſurpat, qui vbi de regulæ apicibus agitur, illorum quemq. non tenaciſſimè retinet, & velut ſacri cuiuſdam textus notam, ſeu litteram vnam expūgere, locouè mouerè formidat.

Hæc fuit maiorum noſtrorum laus, quos non tam litteratura, ſacrarum concionum fama, principum uè gratia, quàm fida legū obſervatio fecit inſignes: quibus ab ipſo monaſticæ diſciplinæ tyrocinio penitùs impreſſum fuit, vt legum noſtrarum æſtimationem, atque cuſtodiam vt amplum patrimonium acciperent, & ad poſteros, perruptis omnium mundi aduerſitatum repagulis, non integrum modo, ſed cumulatam quoque tranſmitterent. Hi fuerè parentes noſtri, quos qui non ſtrenuè imitatur, genus negat, fidem monaſticam abiurat.

Immortales Deo gratias ago, quòd hæredes legitimi tanti patrimonij nonnullos habemus leonibus fortiores. Quos ego vbi tacitus commemoro, tanti facio, vt eos Congregationis noſtræ firmamenta vocem. Cur autem non vocem? Cur non prædicem? Debentur ſanè illis celiberrima præconia, multaq. iure optimo rependitur grati-

testamento patrum nostrorum, & B. Virginis, Fundatricisq. nostræ Teresiæ disciplinæ, quam instaurata primitiua regulæ obseruatione condidit, tota animi contentione, spe cumulata mercedis erecti congruite.

Exhortatio ad regulæ scopum dignoscendum, & petendum. Cap. III.

PRudens quisq. cuiusuis disciplinæ professor instituti proprii finem prænosse curat, vt laborem in scopum certum dirigere, & quæ fini dissimilanea sunt, reijcere valeat. Quæ quidem in re, quæ pondus habet immensum, dolendum est, Patres, quam grauitè tû ab alijs, tum à plerisq. monasticæ disciplinæ professoribus erretur. Multi quippè, qui curiosa sectantur, nihil nō cognoscere satagunt, astrologiæ, architecturæ, artis poeticæ libros euoluunt, vt variâ ad conciones, vel priuata colloquia syluam conferant; qui tamen de instituto proprio, sineq. ad quem se tendere profitentur, rogati vix quicquam exploratum se habere demonstrant, quod planè mirū est. Quid enim admiratione, & reprehensione dignius, quàm viator, qui iam iter inchoauit, nescire quò tendat? Profectò ignoratio hæc tam est rudis, & hominis ingenio dissimilanea, vt cum ratione naturali, & vniuersorum philosophorum moralium sententia pugnet. Si enim summa consensione tradiderunt, finem esse actuum moralium principium, hoc est, omnem actum deliberatum finis alicuius gratia ita produci, vt primum, quod ab homine concipitur,

pitur, finis ipse sit, in quem omne studiū, laborq. omnis appositè fertur. Quæ quidem doctrina, quamvis à nemine traderetur, tam est per se perspicua, ut in dubium reuocari nequeat. Nullus enim nauta, agricola, mercator, navigationē, sationem, mercimonium attentat, nisi prius finem aliquem honoris, lucri, aut voluptatis sibi præfigat. Cùm ergo regulæ nostræ labor in finem seu scopum certum dirigatur, non absque culpa, & stupiditate à vobis ignorari, aut parùm oculatè considerari posset. Exploremus igitur finem, hunc, ut in eum studia nostra collimemus.

Statuo, vòs ex maiorum nostrorum doctrina, & varia lectione nosse, instituti nostri finē duplicem esse, alterum potiozem, qui est contemplatio, alterum minus principalem, qui est actio, ità ut vita quā ducimus ex duplici parte mixta, & contexta sit, inæquali tamèn pondere, cùm in contemplationem diutius, & sollicitius quàm in actionem incumbat. Hoc ergo statuo, cùm in ipso constitutionum prologo satis expressum sit, & tam sæpè legatur. Neque fert animus de fine minus principali verba facere, & an ordini nostro cozuus, vel posterius annexus fuerit, hoc loco differere. Impendam ergo tempus hoc modicū potiori fini pensitando, eiusq. dignitatē demonstrare conabor.

Et primùm sanè, quòd contemplatio finis nobis potior sit, ex toto regulæ contextu palàm deducitur, cùm ibi quicquid ferè præcipitur, ad recessum, orationem, silentium, solitudinemq. pertineat: quæ quidem capita, apèrta vitæ contemplatiuæ signa sunt, quæ viris, qui seculi iugum excus-

cusserunt, & in solius Dei amplexus aspirant, mirificè congruunt. Quod certè argumentum è regulæ textu spontè natum, cum ad principalis scopi, seu finis nostri demonstrationem, & confirmationem validissimum sit, argumenta alia conglobare, & rei luculentæ lumen afferre superuacaneum existimo. Nostis quid contemplatio sit, actus videlicet intellectus in æterna spectacula, intenti, & admiratione suspensi. Huc ergo aspirandum vobis est, per fidissimā regulæ custodiam, ut licet in terris mortali corpore prægrauati moreremini, spiritus, velut pennis euectus, in cælis versetur, & subtili æternorum bonorum contemplatione, ac pura voluptate inde orta delectetur, quod subiectis rationibus breui suadebo.

Ratio prima. Contemplationis studium adeò per se honorificum est, ut quamuis nullo quis vinculo astringeretur, deberet sponte illud arripere, eique impensè vacare. Quid enim honorificentius, quàm Diuinæ Maiestati assistere, cū rerum omnium conditore verba facere, summo, ac sempiterno bono arctè adhærere? Porro inter homines nihil solet à mundi sectatoribus auidius expecti, quàm principū obsequijs proximè destinari, coram eis detecto capite versari, ab eorum conspectu nunquàm recedere, ut satis ex moribus palatinis, & ambitione palam grassante perspicitur. Quod si hæc tanquam nimis humana segnitè moueant, attollite mentis oculos in Dei ciuitatem, in supernam Ierusalem, cuius dispositione hierarchica, & pulcherrima partium concinnitate late mini. Ascendite ab infimo primæ ad summum ter

riæ hierarchiæ angelicæ ordinem, ibique spiritus seraphicos, in quodam velut Angelorum vertice consilêtes, & Diuinæ Maiestati proximè assistentes animo concipite. Inferiores certè spiritus mundi administrationi, hominumq. custodiæ destinantur: at Seraphim tanquàm nobilissimi principes in aula regis æterni quiescunt, & sublimissimæ contēplationi diuinitatis intenti ad functiones alias obeundas minime recedunt. Hæc dignitas seraphica est, cui statum planè similem sortiti estis, dum toto regulæ tenore ad contemplationis scopum petendum destinamini. Huc fertur recessus, silentiū, Dei præsentia, & exercitia nostra à seculi strepitu exempta, quæ profectò cælestibus exercitijs, & nobilitate, & suauitate similia sunt. Quis ergo potioris partis nostræ dignitatem non expetat?

Ratio secunda, quæ potioris partis nostræ dignitatem cum vtilitate connectit, vt ex eo etiam capite optanda, & exercenda sit. Nimirum rebus theologicè perpensis, vtiliora sunt exercitia contemplatiuæ partis, quàm actiuæ, auctioris videlicet meriti, cum in ijs amor diuinus, qui meriti mensura est, felicius crescat, & vires acquirat. Si ergò luerum illud, cuius vel minima pars vniuersis mundi opibus antefertur, vobis placet; si æternis diuitijs affluere cupitis; conatus omnes in scopum vestri instituti constantèr intendite, & verba illa euangelica, *Negotiamini dùm venio, mercaturæ vestræ prudenti sensu adaptate.*

Ratio tertia. Si non vtilitatem tantum, sed voluptatem captatis, quid tam in hac vita voluptuo-

ptuosum , quàm contemplationis studium castæ
lætitiæ feracissimum ? An ignoratis vel vnum ho-
ræ quadrantem , vbi lætitiæ illa percipitur , omni-
bus seculi voluptatibus per annos multos affluen-
ter succedentibus esse optabiliorem ? Nolo testes
alios accersere , quàm vos ipsos , si tamen gusta-
stis , quàm suavis sit Dominus . Non dissero nunc
de torrente voluptatis , quo potantur , qui ad
vitæ fontem limpidissimū post vitæ huius agones
peruenerunt , qui satiantur vbertate Domus Dei ;
quis enim possit Oceanum illum mente concipe-
re , nisi qui iam sese pelago immerfit ipsi ? Loquor
ergo de rore solo , vel de stillicidijs , quæ arentes
viatorum linguas humectant . Ij , si qua fides pijs ,
& veracibus habenda est , facile asseuerant , gut-
tam vnā mundi fluminibus pretiosiorē esse ,
seq. donèc gustarunt , nescisse , in hoc exilio , tam
subtilem , puram , penitissimèq. illabentem suavi-
tatem à mortalibus vnquàm delibari . Quid ergo
quæritis ? Cui sortem invidetis ? An sors vestra ,
felix non videatur ? At excipiet tepidus aliquis ,
contemplationis voluptatem esse profectò diui-
nam , verum paucis contingere ? Sed exceptio
infirma est : licet enim intima quædam , & puris-
sima gaudia , quæ viris prouectissimis familiaria
sunt , alijs minùs prouectis non ita permittantur ,
certum autem est , voluptatem illam , quæ tyro-
nibus , contemplationis studio deditis instillatur ,
ipsum testimonio , eam esse , cum qua nihil in
hac mortalitate quantumuis delectabile confer-
ri possit . Comperum item est , tyronum volu-
ptatem satis esse crebram , ita vt veterani diui-

nam in hoc genere liberalitatem demirentur. Quid, quòd licet bonum tantum semel duntaxat in hac vita laborantibus impenderetur, deberet adhuc, ob nobilitatem, & spem, quam ingenerat, regum delicijs discrimine lato præferri?

Ratio quarta, quæ validissima videtur. Fin- gamus, vos nondum instituti nostri disciplinæ col- lum subdidisse, & hac ipsa hora, qua loquor, con- sultare de statu deligendo, optareq. vehemen- ter, ut fors felicissima obtingat. Rogo nunc vos; adeste animis, & rem penitus capite. An felix vo- bis non videatur fors, quæ ipsi æternæ felicitati velut contigua est? Profectò felix omnino vide- bitur. Quæro hunc, supremam, & sempiterna fe- licitas, quanam in re consistat? Respondebitur in aperta Dei visione, ac fruitione consistere. Rectè quidem, ac theologicè responsum est: Vtteriùs tamen sciscitor, an sit in hoc exilio status aliquis, qui ad eam ultimam, perfectamq. beatitudinem propè accedat, & modo tandem aliquo initium, siue inchoatio felicitatis appellari queat. Respon- debitur proculdubio, si quid in hæc mortali vita eo nomine insigniri debeat, esse illud bonum, quod inter omnia felicitati ultimæ simillimū est, ac proindè ad eam propius, quàm bona alia, demùm accedit; quemadmodum si ultima ho- minis beatitudo in summo pontificatu locata ef- set, quædam eius inchoatio, & quasi penulti- ma felicitas ad statum Cardinalium referretur. Cum ergo ultima beatitudo nostra in Dei visio- ne, fruitioneq. pónatur; & aliundè constet, vi- tam contemplationi addictam, ex nobilissima

Dei notitia, & inde enata voluptate componi; quis adeò cæcus, & proteruus sit, qui potio-
rem instituti nostri partem contemplationi consecra-
tam in loco sanè dignissimo non constituat,
quoddamq. summæ felicitatis initium, siue in-
choationem non appellet, eiusq. studio se cupi-
dissimè dedat?

Non dubium, Patres, quin ex allatis rationibus,
indicetis, quàm graui pondere beneficij diuinitus
accepti onerati sitis, ex quo Deus quasi suæ pa-
tritios ciuitatis ad nobilissimas contemplatiuæ
vitæ functiones vos gratis euocauit, innumeris
alijs, velut ad plebeia ministeria reiectis. Non
dubium, quin rei honestas fructus, & suauitas
animos vestros verarum virtutû cupidos inflam-
ment. Quid ergo cogitatis? Quid mente reuo-
latis? Expendite modò, quàm libentè, ac ex-
pedite baiuli, siue onerum gestatores, qui panem
improbo, ac nimium duro labore lucrantur, one-
ra excuterent, si à principe aliquo vocarentur re-
pentè, vt ante ipsius cubiculum ingenuam con-
ditionem nacti, inter primores versarentur.
Vix illi lætitiæ vim ferre possent, vix crederent,
quæ experirentur. Quomodò ergo credi possit, in
præsenti confessu inueniri aliquem, qui principa-
lem vitæ nostræ scopum non accurate petat. Quo-
modo verosimile censeatur, malle aliquem ple-
beiam, quàm ingenuam sortem optare? Quo-
modo credatur Carmelitam Discalceatum pro-
positi sui obliuisci, & ordine præpostero actiuam
vitam contemplatiuæ præponere, vel æquare?
Porro minimè id credendum, cum indecorum, ac

planè absurdam sit. Recolite, precor, B. Tereſiæ Fundatricis noſtrę ſtudio in hoc genere mirum, & ad vrgendos quoq. deſides efficaciffimum. Latuit illa, quoad potuit contemplationi dedita; verùm ubi ad immenſam Dei gloriam è clauſtro exire oportuit, adeò exactè contemplationis ſtudio retinuit, vt (quod raro legatur) in medijs itineribus, ubi ſtatæ orationis horæ accedebant, ſilentium imperaret, aut etiã à ſecularibus rei tantæ ignâris pretio impetraret, vt in curribus ipſis, cum ſacris Virginibus, quæ ſimul vehabantur, præſtituto tempore orationi vacaret, non ſecus ac ſi in monaſterio deliteſceret. Quid vobis de exemplo tanto videtur? Num eiufmodi mos retineri potuit, ſtrepitu ſecularium intercepto? Num animus moris tenax eſſe potuit, niſi principalis inſtituti ſinis altè impreſſus ex antea tracta præmeditatione, ac digna eſtimatione fuiſſet? Minimè quidem. Quid ergo diceretis, ſiquis degener B. Tereſiæ filius in oratorio percommodo, & contemplationi ſacrato præſtare deſtineret, quod illa in curribus conductis, & incommodis tot victis difficultatibus præſtitit? Hiccinè ſit monachus, hoc eſt, monadi intentus? Simus, ne adeò hebetes, vt de huiufmodi homine, propoſiti ſinis deſertore bene opinemur? *Quæſtiones ad v. m. d. m.*

Lustrate, precor, mentis oculis cœnobia in quibus morati eſtis, & præſerte mihi ſaltem vnum in Congregatione noſtra laudatum, qui de ſine principali inſtituti noſtri exquirendis lentè egerit. Nullum credo equidem, proferetis. Si qui enim ex hoc capite malè audiunt, velut in fronte ipſa

æquo Dei iudicio gestant modicæ existimationis inscriptum. Hoc nempe Dei iudicium est, ut in cœtu Sanctorum cōmuni suffragio explodantur, qui partes instituti, quod profitentur, explere nolunt, in eo præsertim capite, quod maximè decorum, & status monastici proprium est. Valeant hominum gratia, egregiè concionentur, miracula, si possint, patrent, non tamèn à bonis censoribus veri monachi existimabuntur, quandiù potiorem instituti finem pigrè quæsierint.

Doctrinis ergo peregrinis, patres, nolite abduci. Quicquid à vobis splendidum præstari potest, à principali fine deriuetur, necesse est, ut quæ sublimia, salutariaq. contemplati estis, cum proximis, ubi id prælatus iniunxerit, communicetis, ut potissima cura salutis, ac perfectioni propriæ impendatur, & cum occasio proximos iuandi inciderit, ità eam functionem piam obeatis, ut cura prior, & potior nullum patiatur detrimentum.

Iam ergo quid superest? Rogabo, an instituti desertores, vel fidi custodes esse velitis? Certum omninò est (ut mihi persuasi) velle vos, quod ex tot capitibus honestum, Deo, & hominibus acceptum est, iugi intentione moliri. Strenuè certandum, corporiq. spiritum deprimenti imperādum est. Contemplatio rerum diuinarum is scopus est, qui sanguine quoque fuso peti debeat. Quid obstat? Erigite corda, quæ in cælum perennitèr suspiratura statum monasticū elegerunt. Bono animo estote; cōstituti enim estis super excelsam terram (ut olim populus Israel) ut sugatis mel de petra, oleumq. de saxo durissimo. Austeritas quippè

Deut.
32.

Deut.
II.

durioris disciplinæ oleo internæ lætitiæ, & melle dulcoris intimi in contemplatione prouenientis imbuatur. Oculos in cælum tollite. Terra enim, ad quam possidendam ingressi estis (vt olim hebraico populo dixit Moses) non est sicut terra Aegypti, vbi iacto semine in hortorum morem, aquæ ducuntur irriguæ: Sed montuosa est & campestris de cælo expectans pluuias; quæ sacri textus verba ad rem nostrâ appositissima sunt, Debit electus populus, quos in Aegypto didicerat, mores dediscere, neque mentem humi defixam, aquæ Nili fidentem gerere: sed ascensu difficili in montes Palestinæ contendere, vbi vel ipsa aquæ penuria coactus Deum largitorem, oculis in cælum sublatis, precaretur. Hæc fors vestra est. Cælum suspicite, maiestatis Diuinæ præsentiam mente versate, regnumq. Dei studio contemplationis constanti perquirite.

Observatio. Cap. IV.

INueniant alij varia prolegomena, quæ textus expositioni prætexant. Nos pauca, grauiaq. selegimus, quæ exempli causa deprompsimus: neque credimus, tam esse vtilia alia, quæ excogitari hoc loco possent, quàm quæ è textu enascuntur ipso. Nunc ad textum eo ordine, diuisioneq. capitum, qua vti mos est, accedamus.

PARS SECVNDA.

DE DISCIPLINA MONASTICA

ERGA TEXTVM REGVLAE.

TITVLVS.

Regula primitiua Ord. Beatiss. V. M. de monte Carmelo à B. Alberto Patriarcha Ierosolymitano tradita, & ab Innocentio I V. confirmata.

TEXTVS PRIMVS.



LBERTVS Dei gratia Ierosolymitana Ecclesia vocatus Patriarcha, dilectis filijs Brocardo, & ceteris fratribus Eremitis, qui sub eius obedientia, iuxta fontem Elia, in monte Carmeli morantur, in Domino salutem, & Sancti spiritus benedictionem. Multifarie, multisq. modis Sancti Patres instituerunt, qualiter quisq. in quocunque ordine fuerit, vel quemcunque modum religiosa vite elegerit, in obsequio Iesu Christi viuere debeat, & eidem fideliter de corde puro, & conscientia bona deferuire. Verum quia requiritis à nobis, ut iuxta propositum vestrum tradamus vobis vite formulam, quam tenere in posterum debeatis, &c.

*Obferuatio thematum , quæ è titulo , & primo
textu duci poffunt, ad exhortationes folitas.*

E titulo duci poteft thema vnum, de primitiui
ftatus perfectione, alterum de ordinis titu-
lo, & Beatiffimæ Virginis tutela. E textu primo
perì poterit vnum de amore folitudinis , alterum
de monasticorum institutorum varietate. Poffent
alia themata è titulo textuq. primò deduci ; at
nobis pauca , & falubria feligere , confilium eft .
Singula fingulis exhortationibus expendemus.

*Exhortatio de primitiui ftatus perfectione , ad
quam aspirandum eft . Cap. I.*

DVm ruinam collapsæ difciplinæ monasticæ
multorum ordinum, qui olim florere, con-
templor, patres, cernere mihi videor Ierofolymi-
tanam cladem, quam Ieremias Propheta alto
cum fenfu lamentatus eft. Fuerat olim Ierufalem
Deo acceptiffima , opibus , & honoribus aucta ,
fecundisq. rebus adeò fortunata, vt nihil ei aduer-
fum accidere poffe videretur . Quod fatis apertè
propheta significauit in hæc verba :

Thre.

*Non crediderunt reges terræ , & vniuerfi habi-
tatores orbis, quoniam ingrederetur hoftis, & ini-
micus per portas Ierufalem .*

Quis enim in primæuo vrbs sanctæ ftatu , suc-
cessuram vastitatem fufpicari potuiffet ? & tamèn
in eam calamitatem prosperitas illa verfa eft, vt
propheta idem viatores cladem horrendam fpe-
ctantes, & ftupentes inducat in hunc modum :

Plaufe-

Plauserunt super te manibus omnes transeuntes per viam: sibilauerunt, & mouerunt caput suum super filiam Ierusalem. Haccine est Vrbs, dicentes, perfecti decoris, gaudium vniuersa terre? Thre.
2.

Hic sensus captæ, & euersæ Ierusalem. Simile quiddam contigit monasticis ordinibus multis, quorum primæua firmitas tanta visa est, vt nunquam euertenda, vel grauiter labefactanda videretur. Erat excelsus mundi contemptus, vberri-
mus in ijs, qui mundo renuntiauerant, pœnitentiæ fructus, prælationum fuga, humilium obsequiorum æmulatio, orationis, & perennis Dei præsentiae studium, penè miraculosa frugalitas, sedatus, & cælestibus desiderijs plenus psalmorum concetus, & quod caput est, mutua charitas christiana perfectionis numeris absoluta, quæ diutissimam pollicebatur firmitatē. Quis inter tot cœnobiticæ vitæ munimenta constitutus excidium prælagiret? Quis aduersos impetus formidaret? Et tamen multi, quasi lapides sanctuarij è quadro lapide firmissimè constructi, dispersi iam sunt in capite omnium platearum, cum passim videamus plurimos antiquæ disciplinæ professores ab antiquitate longissimè remotos, & negotijs secularibus implicatos, ferè abiurata militia, cui nomina dederunt.

Rogamus nunc, quænam tantæ desolationis extiterit causa? Quæ nam vis tanta, quæ montium fundamenta subuerteret? Responso tam vera, quam communis in promptu est. Cecidit spiritualis fabrica, quia degeneres professores cœperunt à primæuo studio sensim tepescere, & nouis

abusibus viâ aperire. Hęc funesti casus origo est, nec alia quidem requirenda. Hęc planè causa est luctus, quem exhibet collapsa ordinû disciplina. Hoc spectaculû, quod saxea corda moueret, mouit certè pectus B. Terefiæ nostrę, vt dirutam magna ex parte fabricam incredibili animi magnitudine restitueret, restitutamq. nobis traderet, in primitiua firmitate sustinendam, quod ratio multiplex à veris filiis tantæ parentis exigit.

Prima ratio à gratitudine orta. Quis enim non liquidò perspiciat, ingrati esse animi non in Deû solummodò sed in B. Fundatricem nostram, quod accepimus, patrimonium profana prodigalitate dissipare? Imensos illa labores pertulit, vt fabricam extrueret, nos in eius labores singulari Dei beneficio introinimus; quàm ergo turpe, & generosis animis indignum esset, si beneficio tanto abuteremur, neque ius primogenitorum ad successores nostros integrum transferremus?

Secunda ratio à similitudine hæreticorum ducta. Qui in rebus ad primitiuam disciplinam atinentibus audacter quippiâ detrahunt, vel nouum quid inuehant, non absimiles sunt hæresum satoribus, qui sacro textu corrupto, aliquid ex prisca Ecclesiæ doctrina decerpunt, vel nouo inuento adiungunt: quorum ausus, quàm sit noxijs, ex introducta semel peste, & ad posteros deuoluta, contineatur. Facile quippè imprimitur, quod semel impressum aut rarò, aut nunquam auertitur. In hunc modû obseruata humani generis fragilitate, nonnulli monachi (vt mitissimè dicam) imprudentes inducunt laxas primitiuę obseruan-
tia

tiæ interpretationes, quæ auidè ab alijs arripiuntur, fiuntq. nouorum dogmatum auctores daturi apud Deum iudicem pœnas acriores, quàm putarant, ob successorum damna indè subsequutâ.

Tertia ratio à propagatione Congregationis petita . Diuino consilio factum est, vt de propaganda renati Carmeli perfectione cogitemus, quam ad rem honestè tentandâ, & absoluendam, oporteret sanè perfectionis primitiuarum capita arithmeticè percensere, & illibata seruare, vt sine diminutione vlla in varias prouincias inferrètur. Quis enim non videat, graue communis boni detrimentum esse, si disciplina monastica, quæ in decimo perfectionis gradu in regnum aliquod transferri posset, transferatur in octauo? Nemo profectò mentis compos rem hanc inficiari, nemo sine acri conscientiae remorsu, hac ipsa de causa, de primitiua austeritate quicquam remittere posse videtur.

Quarta ratio à perfectione propria enata . Licet nusquam disciplina nostra propaganda foret, ipsa primitiui floris conservatio tot bonis referta est, vt à nullo cordato monacho negligi, aut non magni fieri possit. Profectò quod ad propriam cuiusq. perfectionem, quæ inter potissima bona recensetur, attinet, exploratum est, neminem perfectionis bono potiturum, qui ad primos patres discipline nostræ conditores non aspiret. Quos enim ductores alios sibi finget? Porro hos nobis Deus ad imitationem proposuit. Quis ergo extra Dei consilium perfectionem sibi promittat?

Quinta ratio ab ira, vel gratia Dei profecta .

Ex sacris liquet historijs, vt ex Apostolorū actibus, primitiuarū obseruatīarū destructores à Deo seuerè punitos, conseruatores beneficijs auctos; quod è chronicis quoque monasticorum ordinum notum, & vulgatum est: quod Diuinæ Sapientīarū ordini, diuinæq. bonitatis magnitudini congruit. Quo enim maius est beneficium, quo quis ad primitiuas opes, velut primogenitus admittitur, eò indignatio maior in degeneres, quos Deus velut monstra à filiorum consortio depellit. Qua fortassè de causa, nonnulli primitiuarū perfectionis impatientes transitum ad mitiores ordines conatu magno velut extorserunt, & modicam salutis spem, conscientiarū remorsu teste, reliquere.

Sexta ratio à monachis obseruantia claris iam defungentibus orta. Si de felici obitu per salutis æternæ signa, iudicium piè, ac prudenter ferri potest; experientia diuturna constat, egregios monachos primitiuarū sanctitatis antiquorum patrum æmulos, quos nouimus, feliciter in cænobijs nostris fuisse defunctos, ijs signis exhibitis, quæ nullus certè animus, nisi spe firmissima fretus præferret. Lætitia enim illa, verba illa fiduciæ plena, sensus ille rerum diuinarum palam ostensus, alijs, quàm fidis primitiuarū sanctitatis hæredibus, inter nostros, non videtur posse congruere. His autem congruit maximè, Vbi enim ad supremū mortis agonem ventum est, animus fidelis memor obseruantiarū ad primitiuum sensum exactæ, viribus diuinis se sentit armari, nec facile immensum bonum, quò gaudet, valet oculere, aut lætitiæ motus cohibere. Præstiti (ait conscientia) quod debui: à

maio-

maioribus degenerare nolui: ad palmam nunc fidenter ascendendum est. Quid modo desideratur, patres? Quid deest? Audistis, quàm sit è re vestra, primæum Ordinis nostri florem tueri, ne tragædia aliqua tremenda contingat. Rei non modò honestatem, & vtilitatē, sed necessitatem quoque vidistis. Cur ergo Sanctos maiores nostros non impigrè imitemur? Num res nostra non agitur? Cur non arduitatem quamlibet superemus? Contendite intrare per angustam portam, & Christi consiliū æstimate. Mementote oraculi illius Apostolici: Omnis disciplina in præsentī quidem videtur non esse gaudij, sed mæroris: postea autem fructum pacatissimū exercitatis per eam reddet iustitiæ. Propter quod remissas manus, & soluta genua erigite. Hæc Apostolus. Ne cedatis difficultatibus, quas sanguis, & caro prætexunt. Firmiter retinete, quæ primis renunciationis vestræ diebus didicistis. Nquissimum vestri laboris exitum præmeditamini, mihiq. dicite, qua spe vos roborandos, qua voluptate perfundendos existimatis, ubi obitu imminente, antea æmulationis recordatio subibit? Quid respondebitis, ubi quisq. vestrū ita secum ratiocinabitur: Ego nihil non conatus fui, vt primitiæ sanctitatis hæreditas inuiolata consisteret: Ego, ubi in cœtu monachorum quicquam primitiæ obseruantia consentaneum propositum fuit, valide institi, vt executioni mandaretur; obstitiq. quoad potui, ne quid dissentaneū admitteretur: Ego, quod ad partes spectauit meas ab omni nouitate, ab omni laxa interpretatione primitiuorum rituum, & traditionum abstinui:

Ego

Heb.
12.

Ego pro flore primo alendo alacriter occubuissem, si id tulisset fors? Non ne perspicitis, quod hortatus sum, intimo solatio plenum, & æternæ felicitatis spe subnixum esse? Agite ergo, & velut iurati Christi, milites primitivæ sanctitatis arcem inuictis animis propugnate.

Exhortatio de Beatissima Virginis titulo ac tutela. Cap. I. I.

Mirum diuinæ providentiæ consilium fuit, patres ut ordo noster honorificentissimo Beatissimæ Virginis titulo exornaretur: quod facile perspicietis, si quâ possumus, consilij diuini rationem indagemus. Non enim, honorem tantum temerè arreptum, aut fortuito delatum credere, par est. Porro reges, qui prudētia excellunt, non promiscuè omnes ciues, aut vrbes titulo aliquo insigniunt, sed re prius expensa, sineq. aliquo peculiari sibi proposito, qui regiâ prudentiam deceat. In hunc modû, pro humano captu, de Christi sapientia sentiendum est. Equidem finis, qui Christum decuit, hic fuisse videtur, ut Beatissima Virgo eius parens honore summo afficeretur, & singulari ritu coleretur ab ordine aliquo, in id sanè piissimum officium destinato. Huic autem diuinæ sapientiæ scopo congruebat, ut Virgo ipsa purissima gentis cultui ipsius addictæ tutelam susceperet, & ordinem titulo ipsius decoratum peculiari cura protegeret. Hic diuinæ providentiæ concentus harmonicus fuit, qui ad vniuersi terrarum orbis fines perfertur, dum nos Summis Pontificibus

id probantibus Beatissimę Virginis fratres, ingenio scilicet nomine, aut cognomēto appellamur.

Quanti autem a bonis, æquisq. indicibus titulus, & tutela sublimissimę cælorum reginæ fieri debeant, & ad quam vitę perfectionem nos adigant, subiectis rationibus suadetur.

Ratio prima. Ex ipso titulo, quem Beatissima Virgo nō dedignata est, vniuersus mundus agnouit, ordinem nostrum ad numerum earum rerum, quę ipsi Virgini Sacrantur, pertinere: Vnde, & nos, velut exemptum genus, ad supremę mundi reginæ aulam admissos, & tanquam palatino signo notatos intuetur. Quid autem hoc honore splendidius?

Ratio secunda. Excellissima angelorum regina, ex quo titulum nostrę tutelaris accepit, nos in filios peculiari tandem ratione aliqua velut adoptauit; non enim, absq. fundamento aliquo, ordo noster non huius, aut illius Patriarchę, vt S. Dominici, vel Francisci, sed Beatiss. Virginis ordo iam olim nuncupatus est. Si ergo Professores Ordinis S. Dominici, aut S. Francisci eorum filij, modo peculiari, qui non alijs attribuitur, appellatur, & sunt; profectō & nos rātę reginę filij peculiari ratione aliqua, quę non vniuersos ordines peruagetur, nuncupari debemus; quod quā sit pretiosum, & præclarum, satis ex primi nequit. Non defuerunt certē ab origine Sancti, quibus titulus ordinis tribueretur, siue censeatur verum, nos ab Elia Propheta genus ducere, siue ad noui testamenti Sanctos, primos nempe Carmeli mōtis incolas disciplinę nostrę conditores, siue ad B. Al-

bertum regulæ auctorem referamur. Cur ergo non ijs titulus, & adoptio ascribitur, nisi quia cælesti consilio, Beatiss. Virgini debebatur? Igitur si ipsa parens nostra est, peculiari Dei electa consilio; necesse palam fit, ut quadam filiorum prærogatiua, non meritis nostris, sed bonitati diuinæ ascribenda, nos à cælorum regina in sortem ipsius acceptos sentiamus.

Ratio tertia. Titulus non sterilis, non inutilis est. Ex ipsa quippe tutelarische functione Beatissima Virgo id nobis præstare credenda est, quod tutelares alij suis ordinibus præstant, ut scilicet peculiarem gerant eorum curam, & apud maiestatem diuinā pro suis alumniis instent, omniaque eorum negotia feliciter expediri satagant. Si ergo alij ex ipso tituli, & protectionis iure, id officium fideliter explent; quid de tutelari nostra, quæ Dei opes velut proprias dispensat, censendum est?

Ratio quarta. Licet omnia fileremus rationum momēta, filieri nequit officium vnigeniti filij Dei erga suam parentem, ad cuius optata, cælestes diuitias liberalius, quam dici possit, effundit. Si ergo Christus, liberalitas, videlicet ipsa, filijs alienis, hoc est, peccatoribus abunde bona largitur; quid non erogabit matris suæ filijs, quos ipse ad quoddam tantæ matris, velut cōsortium asciuit? Profecto si filij, & hæredes: & cum hæreditatis procuratio ad eius genitricem, protectionis iure pertineat, credi non debet, Christū, ad postulata matris, in filios deriuanda, nō fore promptissimū.

Ratio quinta. Non solis, ac ieiunis rationibus

inni-

innitimur, nè quis aduersus ea, quæ promptissimus, quippiam excipiat. Rationes certè multis experimentis fultæ sunt, puta vestis, siuè scapularis, quod à Beatiss. Virgine accepimus, & beneficiorum planè grandium, quæ in eius officio nobis à sacra rituum Congregatione concessio attinguntur, vt reticeamus alia, quæ nimis onerosum esset recensere. Si ergò tituli, ac tutelæ argumèta adeò illustria, & tam multa accepimus, quis non iudicet, tituli, tutelæq. ipsius bonum magni fieri debere, nosq. ijs fretos spem firmissimam summi, ac sempiterni boni posse concipere?

Expendite modo, patres, vim rationum, quas protulimus, vt ijs ad honestum æstimandum, & exquirendum vtamini. Habetis tutelarem, cuius puritate nihil absolutius infra Deum potest cogitari. Eius filij, virgineo quodam velut partu in lucem Congregationis nostræ editi estis. Agnosce genus, & attentius explore, an generosi, vel degeneres sitis. Profecò Beatiss. Virginis filios parenti similes esse decet, nam qui dissimilis euasit, turpi se labe fædat. Si ergo vitæ similitudo filiorum nota est, cum cælorum regina profundissimam humilitatem, syncerissimam obedientiam, patientiam inuietissimam, dulcissimam mansuetudinem, charitatem ardentissimam coluerit; quis non animaduertat, Carmelitam Discalceatum, quod profitetur, esse nō posse, nisi virtutes similes parare studeat? An Virgo humilis monachum superbum, obediens proteruum, patiens impatientem, mitis iracundum inter filios reponet suos? Quomodò Discalceatus loquax tacitæ

Pars Secunda.

Degenerent tamen alij, si volent. Vos tamen, patres, ne officium deferatis. Mundus sanè existimat, vos veros, & in delicijs habitos Virginis filios esse: & cum ad solemnes proceditis actus, candidatum agmen, velut prolem intemeratæ parentis intuetur. Ne ergo committatis, ut in re tanta orbis terrarum seducatur. Vnigenitus Virginis filius agnus est. Vos quoque agnorum nomen, & mores præferte. Quale, rogo, monstrum foret tigris, vel lupi animus agni vellere obrectus? An coram agno Dei prætexet vellus? An prætexet titulum filij Virginis? Dei oculis omnia nuda, & aperta sunt, neque Deus vnquam irridetur.

Beati agni. Beati veri Virginis filij, qui modestiam, puritatem, mansuetudinem, cæterasque virtutes statui consentaneas colunt, & Beatissimæ Virginis mores, (qui potissimus eius cultus est) quam possunt impensè imitantur. Hi perfectionis primitias legitima hæreditate sortientur, & ingenua prærogativa gaudebunt. Hic reginæ cœlitum verus cultus est, in quo, nostros, ad proportionem tutelæ, oportet excellere. Hoc cultu qui claruerit, quibus, putatis internis diuitijs cumulabitur? Quibus oculis illum regina Virginum intuebitur? Quibus illum supremæ mortis hora munimentis armabit? Quam læto vultu è prælio mortalitatis reuertentem curia cœlestis quæ reginæ suæ filios estimare nouit, excipiet? Quid nunc artexam? Reddite patres, quod præclarissimæ tutelari nostræ iure summo debetis, & ad æternas opes, sub eius aspicijs festinate.

Ex-

care cupiunt, secedere in deserta loca, ob eam commoditatem, quam solitudo exhibet, studij in cælum intenti, nec interpellati. Pater hoc quotidianis negotiatorum exemplis, qui ubi per dies paucos negotia intermittere, diuinisq. rebus animum intendere statuunt, locum aliquem deuium in primis petunt, rati se aliàs nō satis ad votum, quę statuerant, expleturos. Cū ergo nos non per dies aliquot intercalares, vt negotiosi illi, sed per totius vitę decursum contemplationem cælestem profiteamus; quomodò poterimus incensum professionis nostrę studium cum modico solitudinis amore connectere? Aut quomodò non à propria conscientia redarguetur, tanquā principalis studij tepidus executor, qui solitudinis medium fini appositissimum minime, aut leuiter curat?

Ratio tertia. Exploratum est, Congregationis nostrę menti consentanea esse solitudinis desideria, cum de cœnobijs eremiticis, cellisq. ad morem primitiuum, & antiquum separatim extruendis leges tulerit, exemplo Congregationis Hispanicę, vnde genus duxit. Si ergo doctrina, quā tradimus, legibus nostris consona est; profectō desideria solitudini aduersa, parūue congruentia extra leges aberrare videntur. Neque vis rationis enervatur, quod Congregatio nostra neminem ad solitudinem cogat, cū omnibus eam, vt rem honestissimam, & à primæuo statu nostri Ordinis deriuatam proponat. Neminem sanè cogit; at vehementer laudat studium eorum, qui ad solitudinem de prælatorum venia se recipere nituntur: qui ex communi sententia præferri solent

porisue intemperiem, debeat, cur communi probandæ solitudinis obstat doctrinæ? cur obstat experientiæ?

Ratio sexta. Nemo è nostris post spiritualem tyrocinij educationem adeò cæcus esse posse videtur, ut varijs postea curis studijs, aut laboribus intentus non animaduertat, se velut alterum hominem, ab eo, qui primùm noua Christi infantia per religionis ingressum renatus est, euasisse, quantumuis pia munia, puta concionum, & Sacrarum Confessionum obierit. Si enim hanc vitæ rationem minimè dignoscit, modicum lumen natus est. Profectò clarissimi sancti eam in se ipsis obseruarunt, & alto cum sensu fleuerunt. Cum ergò mutatio hæc frequens sit, remediumq. morbo contrarium, & præsentaneum sit solitudo; nescio qua mente à Carmelita Discalceato reijci, aut non optari queat.

Ratio septima. Suppetunt exempla communibus historijs vulgata Sanctorum Ecclesiæ græcæ, & latinæ, qui eo tempore, quo mundus eorum præsentia maximè indigere videbatur, se à medijs vrbibus proripuerunt, ut spiritus pastu pinguiore in solitudine reficeretur, & vegetior effectus ad cōsuetæ officia rediret. Si ergo Sanctorum exempla pondus habent, & aliundè vitæ institutum non modò non obstat, sed inuitat, prælatorumq. venia datur, profectò solitudo postulata, & obtenta virtutis augendæ minimè despicienda occasio est.

Ratio octaua. Christus, ut è textu liquet Evangelico, plerumq. secessit in solitudinem, ut nos exemplo tanto instrueret, ad cōsuetudinem illam

spicitur, quod similitudine satis apposita è sacris litteris petita demonstremus. Sanè si onagros, asellos, scilicet syluestres, & domesticos quod ad corporis habitũ pertinet intueamur, exacta constabit similitudo: si verò mores, mirum est inter utrosq. discrimen. Domestici enim seruili more onera gestant, religantur, verberantur: syluestres ab oneribus, vinculis, fustibus ingenua conditione exempti sunt, & liberrimè campos, montesq. pererrant, sicut scriptum est:

Quis dimisit onagram liberum, & vincula eius^{Job 39.} quis soluit? Cui dedi in solitudine domum, & tabernaculum eius in terra salsuginis. Contemnit multitudinem ciuitatis, clamorem exactoris non audit. Circumspicit montes pascue uae, & virentia quaequè perquirat.

Ecce quàm liber à seruitute asellus, qui solitudinem percurrit, antithesi facta ad eum, qui in medijs vrbibus seruit. Hac certè de causa opportuna similitudine onager solitarium virum, qui mundi iugum excussit, domesticus asellus hominem seculi onera ferentem significat. Ex quo palàm efficitur, vt monachus, qui secularium frequentiam affectat, in seruitutem domestici aselli ritu degeneret. Vos autem patres frui potestis libertate, qua Christus vos liberauit, & seculi strepitum per interualla declinare. Quam ergo sortem eligitis? Quam conditionem optatis?

Tempus breue est: animusq. in multa studia diuisus vix sapientiam primoribus labijs delebat. Vtinàm dies hos paucos vitæ fugacissimè magna saltem ex parte ibi transigeremus, vbi sola bono-

rum æternorum desideria æstuant, & veræ pœnitentiæ lachrymę essent nobis aquę scissę in deserto, & torrentes in solitudine! Fugite, quoad potestis, è medio Babylonis, & tabernacula Iacob, vbi modica quies est, ne importunè requirite. Diligite potiùs portas dulcissimę Sionis, & pacem, quę superat omnem sensum, dum per obedientiam licet, opportunitate loci parate.

Exhortatio de Institutorum monasticorum varietate, & proprii instituti usu. Cap. IV.

Divinam profectò Christi sapientiam decuit, patres, ita Ecclesię fabricam extruere, quemadmodum mundi molem principio condiderat. Vt enim varia in orbe vno loca, temperie, fertilitate, rerum maiore, minoreuè copia distinxit, ita in ecclesię corpore partes varias diuersa perfectione discreuit. Ex quo certè miro partium discrimine, non quidẽ soluto, aut agrè cohærente, sed aptissimā proportionē concinno, spiritalis ecclesię pulchritudo cõsurgit. Confert itaque ad sponsę Christi decorem varia diuini cultus disciplina, ordinibus distinctis aptè disposita, eamq. velut reginam forma præstantem mirificè exornat: quod psaltes regius extulit in hæc verba, absolutam sponsę pulchritudinem Christo gratulatus:

Pl. 44. *Astitit regina à dextris tuis in vestitu deaurato circumdata varietate.*

Hic ordo contemplationi, ille actioni, alius mixto destinatur instituto, & ex mixtione ipsa mul-

multiple x ordo temperatur; atque in hūc modum vestis quādam polymita , & velut auro , sericoq. intertexta sponſę Christi circumdatur. Hęc reginę forma, hic amićtuſ eſt .

163

Nunc ergo boni prudentiſq. monachi partes ſunt, varietatem hanc Eccleſię multis monaſticis ordinibus ornatę habere perſpectā, & proprium inſtitutum, quod ſemel arripuit, relictis alijs exactē obſervare , nulla extranea doctrina obtruſa , vel admiſſa, quod hiſ rationibus monetur.

Ratio prima . Deus omnia fecit in numero , pondere, & meſura, quod non minùſ proprię in corporibus myſticis, quā in phyſicis ſeu naturalibus accipiendum eſt . Quocirca cū rem quāq. mathematicę, vel etiam arithmeticę (vt itā dicamus) diſtinxerit , quęcunque pars loco proprio non conſiſtit , ordinem pulcherrimum à Deo diſcretum, quoad poteſt, perturbat, atque confundit . Monachus ergo , qui intra ſuę profeſſionis metas non ſe continet, diuini ordinis perturbator eſt , quoties aliena inſtituta certat inuadere , efficitq. id , quod extomeſcens mare minatur , vbi præſtituta littora obruere velle videtur . At mari imperatum eſt ?

Uſque huc venies & non procedes amplius, & hic Iob 12
confringes tumentes fluctus tuos.

Cui certē imperio ſimile eſt illud à regio vate de aquis decantatum :

Terminum poſuiſti, quem non tranſgredientur, neque conuertentur operire terram .

Sic Deo obtemperandum eſt à monacho , qui aliena inſtituta aggrediēdi tentatione infeſtatur.

Ratio secunda. Quod in corporis humani constitutione cernimus, hoc in corporum mysticorum spirituali, seu morali habitudine experimur. Vt enim corpus vnumquodq. humanum figuram, temperiemq. habet eam, cui aliã per omnia consentientem nusquam reperire continget; ita Religio quæq. eas habet proprietates consilio diuino præscriptas, quibus aliæ ex omni capite cõgruentes in ordine monastico nullo concresecunt. Vt ergo figuras, vultus, & habitudines humanorum corporum velle conciliare ineptum est, ita monasticorum institutorum concordiam ex omni parte, aut ex ea, quæ a quolibet instituto, iustis de causis excluditur, querere, absurdum censetur.

Ratio tertia. Si ratio suppeteret aliqua, ob quam monachus alia instituta cum proprio permiscere deberet, esset certè maior aliqua vitæ perfectio. At hæc exceptio nullius ponderis est. Si enim Deus non eum vocauit ad statum illum perfectiorem, quorsum se intrudit ipsum? Non enim ab eo Deus in supremo iudicio exiget eam perfectionem, ad quam non eum euocauit: præterquam quod si perfectionis vrgetur desiderio, dedat se perfectionis studio in eo instituto, quod profitetur, & adipiscetur bonum, cuius imagine delusus aliena meditatur. At obijciat, institutum aliud sibi videri cõmodius ad vitæ perfectionem comparandam. Ceterum non benè consultat: res quippè iam decisa est, neque de statu electo prudenter iam consilia noua init. At dicet, institutum sanè ab origine bonum est, verum monachorum vitio laxatū. Sed obiectio hæc fortasse alijs a

primitiua obseruantia in calamitosam sortem col-
lapis congrueret; nostris autem diuino munere
societatem florentem nactis minimè consonat,
manifestaq. dæmonis suggestio videtur, aliud
optare,quàm quod cælitùs concessum est. 164

Ratio quarta. Admittamus, aliquod tandem
vitæ monasticæ institutum feliciùs modò florere,
quàm nostrum, quod diuino consilio floret. Hoc
tamen admissio, ratio diuinæ prouidentix, qua no-
bis hoc præ alijs institutum inspiratum est, non
fert, vt de bonis alijs, sed de proprijs nostris aga-
mus: non enim alia, sed hoc peculiare vitæ genus
à Deo nobis iniunctum est, huiusq. perfectio à
nobis ità exigitur, vt in eo exactè præstando laus
nostra posita sit. Simile quiddam in varijs Eccle-
siæ ordinibus, ac in actibus tragediæ, comædiq.
perspicimus, vbi quisq. laudatur, non ex nobili-
tate personæ, quam finxit, sed ex proprietate, si
ad viuum personam expressit; atque adeò præfer-
tur is, qui plebeium negotiatorem verbis, gesti-
busq. aptè repræsentauit, ei, qui imperatoris per-
sonam minùs aptè retulit. Sic profectò, qui status
propriij partes explet, antefertur ei, qui altioris
status perfectionem minus æquat; quod crebrò
accidere solet.

Ratio quinta. Experientia constat, eos, qui ad
aliena instituta se affici patiuntur, plerumq. se-
duci, vel transitu attentato, vel animo à proprio
statu saltèm auerso. Ex quo fit, vt certam propriij
instituti, & perfectionis iacturam faciant: & pa-
rùm felici exitu, quantum coniectare fas est, de-
mum intereant. Cuius certè mali origo fuit mo-
dica

dica proprii status æstimatio leuibus ex occasionibus orta, quæ proinde procul arcenda est.

Ratio sexta. Ordines monastici, qui laudem primam promerentur, sunt ij; qui non modò ex alienis institutis noua dogmata suis non intexuerunt, sed qui formulam sibi traditam ad eò tenacitè retinuerunt, vt ne ex minimis quidem ceremonijs olim acceptis quippiam detrahere, addere, vel mutare, melioribus quoque ritibus propositis voluerint. Etsi enim multa ex genere meliora olim præscribi potuerint; statuta tamen bona in morem inducta ex prioris electionis, & consuetudinis circumstantijs, alijs ex genere melioribus præferri debere visa sunt.

• Ratio septima. Nemo ad eò imprudens esse posse videtur, qui magnum argenti pondus bono consilio repertum cum incerta spe auri effodiendi commutet. Quæ ergo mente, qui bonum proficitur institutū minimè remissum, vbi multam vim bonorum operū contrahere potest, animum adiciat ad incerta lucra, quæ faciliè animo concipiuntur, rarò tamen ex sententia succedunt? Sanum consilium est, benè cœptis insistere, & aliena officia minimè vsurpare.

Ex his, quæ promptissimus, liquet, patres, magni interesse, si quisq. nostrum in opus proprii instituti totus incumbat, expendatq. verba illa, Verùm quia requiritis à nobis, vt iuxta propositum vestrum tradamus vobis vitæ formulam, quam tenere in posterum debeatis. Quibus ex verbis patet, patres nostros noluisse aliena instituta vsurpare, propriamq. vitæ formam à B. Alberto postu-

lati:

lasse, & obtinuiffe, sibiq. rudes, ac informes fuisse visos, donèc formulam certis limitibus circumscriptam acceperunt. Hanc ergo & nos accepimus à B. Teresia fundatrice nostra restitutam, à qua recedere piaculum est. Hanc nonnulli à proprio & nativo statu detorquere, & varijs institutorum generibus adulterare conati sunt: quibus aptè obijci posset illud Apostoli ad Galatas:

Miror, quod sic tam citò transferimini ab eo, qui Gal. 1. vos vocauit in gratiam Christi, in aliud Euangelium: quod non est aliud, nisi sunt aliqui, qui vos conturbant, & volunt cōuertere Euangelium Christi.

Et illud:

Currebatis benè: quis vos impediuit, veritati non Gal. 5. obedire? Persuasio vestra nō est ex eo, qui vocat vos.

Hoc scilicet, quod Apostolus Galatis, qui priùs syncerum Euangelium cupidè amplexi fuerant, postea doctrina extranea corruperant, exprobrauit, posset ijs obtendi, qui institutum nostrum germano sensu antea susceptum, peregrina, & violenta mixtione peruertunt. Cauete ergo, patres prodigium hoc, ne in vos feratur sententia anathematis, quo Apostolus instituti nouatores peruellit in hæc verba.

Licet nos aut angelus de cœlo euangelizet vobis, Gal. 2. præterquàm quod euangelizauimus vobis, anathema sit.

Formulam vobis præscriptam sincero sensu tuemini; & præstitutos vobis à Deo fines transilire ne satagite. Hæc est sapientia nostra, à qua, ne latum quidem vnguem, etiam sacrificij prætextu discrepandum est. Præscripsit Deus Saul per

Samuelem formulam, qua vteretur in eade Ama-
lec: ille verò accepta formula, nec syncerè reten-
ta, pietatis colore doctrinam permiscuit alienam
partimq. factæ præscriptioni, partim admixtæ
doctrinæ demum adhæsit. Qua de causa, & ipse,
& totum, quod egit, à Deo grauiter reiectum est,
per verba illa:

i. Reg.
15. *Pœnitet me, quòd constituerim Saul regem, quia
dereliquit me, & verba mea opere non impleuit.*

Ecce sine distinctione partis, quam expleuerat
respuitur, quia non syncerè formulam mandati
retinuit, nec profuit ei exceptio illa, siue animus
immolandi, quæ ex eade subtraxerat, & reserua-
uerat. Hoc quippè non ad eius pertinebat insti-
tutum, quod memoriæ mandandum est. Scripta
ergo, traditiones, mandata, & vniuersa, ex qui-
bus nostrum conflatur institutum, vti Dei gratia
cœpistis, cōstantèr obseruate. Peregrinas impres-
siones validè repellite. In castris Ecclesiæ mili-
tantis, in ea statione, quæ vobis contigit, animo-
sè persistite: & ijs armis, quibus obsepti estis, re-
gnum cælorum, quod vim patitur, amplissimæ
spe mercedis expugnate.

TEXTVS SECVNDVS.

De Priore habendo, & tribus sibi promittendis.

Illud in primis statuimus, vt vnum ex vobis
habeatis Priorem, qui ex vnanimi, omniumq.
assensu, vel maioris, & sanioris partis ad hoc of-
ficiū eligatur, cui obedientiam promittat qui-
libet aliorum, & promissam studeat operis veri-
tate

tate seruare, cum castitate, & abdicatione proprietatis.

Observatio thematum, quæ duci possunt è secundo textu regula, ad exhortationes solitas. 106

P Romi possunt tria grauissima, & vtilissima themata, vnum ad obedientiam, aliud ad castitatem, aliud ad paupertatem commendandam: & sub quouis themate plures conciones, siue exhortationes fieri poterunt. Nos exempli gratia tres duntaxat exhortationes subiiciemus.

Exhortatio ad obedientiam votum explendum.

Cap. V.

D Icturus de obedientiæ voto, inter solennia nobilissimo, patres, primo loco obseruandum existimo, quam sapienter in regulæ capite collocetur. Hæc quippè prima præscriptio est, vt vnus eligatur Prior, cui obedientia promittatur, quæ primo, ac dignissimo loco statui debuit, cum totius disciplinæ monasticæ basis, totiusq. perfectionis compendium sit. Quocirca eam pensitabimus, & habito delectu, è plurimis, quæ depromi possent, pauca proferemus, è genere illorum, quæ salubriora videntur. Et primû quidem supponendum, votum obedientiæ, à virtute obedientiæ ita discerni, vt, quod legendum est, pleriq. annis multis voto astricti perseuerent, qui obedientiæ virtutem minimè nacti sunt. Primo quippe vocationis calore concepto, votum emisere: at veros obediētiæ actus exercere detrectarunt, atque adeo virtu-

vt ijs, quę dicere paramus internum admoueat is auditum, & ad obedientię æstimationem animi excitentur vestri, quorum res agitur, vbi de obedientia colenda, ad votum reddendum sermo fit. 167
Vt ergo tantę virtutis studio vos dedatis ipsos, & quos optatis fructus referatis subiectas rationes attentę percipite.

Ratio prima. Omnino certum est, vos mundo nuncium remisisse, vt primam, & potissimam victimam proprium scilicet, iudicium, ac voluntatem Deo immolaretis, qui est ipse proprius obedientię cultus. Cum ergo in eodem proposito persistatis quale delirium foret, quod spondidistis diuinę maiestati, nō reddere, & spiritali, detestabiliq. furto res Deo cōsecratas profanę vsurpare?

Ratio secunda. Inter clementissimum Deum, & voti nuncupatorem quidam contractus, quoddamq. spirituale, velut matrimonium initur, ita vt, qui votum emisit, sui iam iudicij, & voluntatis vsum legitimum non habeat, nisi vt diuinę voluntati a prælatis nunciatę cōsentiat, reciprocōq. modo diuinum iudicium, ac voluntatem, vti propria bona recipiat, quę voti obedientię complexio est. Quis ergo adeo desipiat, et contractum honestissimum infelici, turpiq. diuortio soluerę, nec Dei iudicio, ac voluntate gubernari velit?

Ratio tertia. Licet nullus vnquam contractus intercederet, obsequium obedientię, diuinę maiestati præstitū, res tam decora, & honorifica est vt summis votis expeti debeat: quod facile demonstrant seculares pij obedientię voto minime astricti, qui spontaneam suis confessarijs obedient-

dientiam fidelius, quam monachi multi suis prælati, reddunt, rati honestissimum esse, aliquem sibi præponere, qui Dei loco præsit: quod quam sit Deo ipsi acceptum, ex fructu pietatis cumulado, quem recipiunt, prudenter conijci potest. Si ergo rei honestas seculares allicit, cur monachum non demulceat?

Ratio quarta. Quamvis omissa interim honestate, sola conscientie securitas expendetur, deberet profectò obedientia studiosissimè coli, & prælati iussa, velut oracula cælestia excipi. An viator solitudinem vastam pererrans belluarum fremitu territus implexis truncorum capitibus insitens non magni faceret ductorem regionis benignarum, quo præeunte in locum tutum sine ambagibus, periculisuè concederet? Multi sunt vitæ mortalis anfractus, incerta providentia, anceps consilium, ibiq. plerumq. latent peiora discrimina, vbi salus tutior credebatur. Cum ergò nihil in hoc exilio sit optabilius, quàm in patriam cælestem, rectis itineribus absque defectione, erroreq. contendere, constetq. veros obedientes tuto agere, dum à prælati se sinunt duci, eamq. viam regiam à cunctis sapientibus existimari; dicendum prorsus videtur, monachum, qui obedientie ducatum refugit, stupidè ineptire, aut etiam insanire.

Ratio quinta. Si aliquod suppetit perfectionis acquirendæ desiderium, eo ipso vigere debet colendæ obedientie studium. Cum enim obedientia ipsa virtutes omnes, è quibus monastica perfectionis componitur integritas, in animum indu-

cat;

cat; aut à progressu perfectionis, in quam monachus tendit, desistendum, aut obedientię cultui insistendū est. Porro nemo inficiari potest, obedientiam virtutes omnes secum connexas inducere, cum constet prælatorum iussu actus virtutū aliarum, puta, humilitatis, charitatis, prudentiæ, temperantiæ, exerceri. Si ergo tam decora, honestaq. societas placet, cupitisq. animū veris virtutibus excolere, obedientię studio impensè vacandū est.

Ratio sexta. Quoties obedientię resistitur, bellum geritur; prælato ius exigente suum, subditoq. negante. Quis autem bellum iustum ex parte subditi pertinacis esse contendat, cum videamus monachos minimè paucos obedientiæ desertores, & apostatas sauciam conscientiam gerentes, neque valentes requiescere, à quibus si petatur tantæ calamitatis origo, respondebunt, si verà fateri velint, se in eas angustias incidisse, quod cum prælato concertare, neque cedere voluerint? Prætexant subditi quicquid volent: rarò enim tam se iustos euincant, ut à prælato iniustum bellum geri conuincant, in ijs ordinibus, vbi spiritus, & legum custodia vigent, quod nobis experiëntia compertum est. Qui ergò stabilitam cum Deo pacem tueri cupit, ne cum prælatis eius vicem gerētibus confligat, sed eis fido obedientiæ cultu concedat.

Ratio septima. Si res, è quibus imperfecti monachi ansam obedientiam violādi arripiunt, contemplerur, maior multò, quàm alias inobedientiæ videbitur turpitude. Malè quippè erga prælatos affici, eorumq. mandata præterire, aut non magni pendere assuescunt, non alijs de causis, quā

quia papyri folium, imagunculam aliquam, vel id genus alia petita non indulgent, aut difficultèr annunt: quod experimētis multis deprehensum est. Quis ergo non miretur incredibilem fragilitatem hanc, & muliebrem animum, cuius affectus ijs de causis erga prælatum intepuit? Quis non apertè perspiciat expeditum, & facilem esse obedientiæ exercitium, & non posse vllam idoneam excusationem asferri, vbi quæ obstant, adeò exigua sunt? Profectò inter monachos obedientes recenseri non debet, qui leuissima illa non aspernatur, & obedientiam sine vlla animi perturbatione æquè colit, siue cōcedantur, siue denegētur.

Ratio octaua. Prætexitur absurditas rerum, quæ interdum iubentur. At quis te constituit iudicem iudicis tui, monache degener, & curiose, rerum explorator? Sic quisq. domus proprię cenfor. Certè quod ad nostram Congregationem attinet, non imperantur absurda, sed honesta, & vt plurimum indifferentia, quorum pars altera probabilis eo ipso fit probabilior, quòd prælatis probatur: quo in euentu boni monachi non est, aduersum partem propugnare, sed collū Christi iugo subdere, quod vtinam lectorum animis hæreat.

Ratio nona. Re inter monasticę disciplinę consultos collata deliberatū est, multos, qui sibi obediētes videntur, per quam rarò vllum syncerum obedientiæ actum producere. Cuius rei efficax argumentum est illorum sollicitudo ad comparandum prælati animum, & ineundum quoddam familiaritatis genus, quo vtuntur, vt nihil molestū eis prælatus iniungat, sed cum eis tanquā cum
æqua.

æqualibus versetur, facileq. ac pròptè, quæ postulantur, indulgeat. Rogo nunc quādo isti obedientiam colunt? Apud bonos Theologos rei monasticæ peritos constitutum est, omnia hæc, quæ ab istis tam sedulò quærentur, extra germanā obedientiā esse: nihil enim quo ad possunt, solo prælati iussu iniunctum, sed præuia ipsorum diligentia sibi adaptatum amplectuntur, statimq. ac quipiam diuersi generis imperatur, apertè verbis, aut nutibus, aut prætensa mæstitia dissentiant. Quando ergo obedientiā colunt? Profectò timendum est: & monachus quisq. si has culpas admittat, formidare debet, ne qui sibi videtur sapiens, in re omnium grauissima desipiat.

Ratio decima. Veris monachis, obedientiam fidei opus esse scientibus, satis esse deberet exemplum Christi obedientis, vt sine instructo tot rationū agmine flecterentur. Quod enim lapideum cor non moueat filius Dei vnigenitus, sempiternusq. Deus creaturis suis obtemperans? Quis vnquam concepisset animo rem tam longè ingenia mortalium superantem, diuinam scilicet maiestatem obediētiæ partes explentem? Credo equidem Beatissimam Virginem, eiusq. sponsum Ioseph identidem altiùs quā dici possit, obstupuisse, dum æternum Dei Verbum eis subditum, obsequijsq. deditum cernerent. Si ergo filius Dei didicit (vt ait Apostolus) ex ijs, quæ passus est, obedientiam: quis vnquam Discalceatus Carmelita obedientiam, vel obediendi modos synceros, integros, inuiolatosq. respuere velit?

Satis processum est patres. Quis tendat vltra?

Vt ad Filij Dei, vsque ad mortem obedientis scholam ventum est, quis non succumbat? Exemplum hoc lectissimū orbis terrarum florem mundo eripuit, piamq. prædam in monasteria transtulit. Vnus Achatius à Climaco relatus, obedientiæ cultor fidissimus è sepulchro, in quo corpus exanime iacebat, respondit, se mortuū non esse; quomodò enim vir obediēs interiret? Hoc oraculum reddidit vnus: at multi post eam ætatem tumultati sunt, qui possent idem efferre, si diuinæ prouidentię ordo id exigeret. Exemplum quippe Christi fortissimos viros procreauit, qui pessundatis mundi, carnis, ac sanguinis legibus, nono quodam christianæ infantie candore, quicquid scientiæ, ac prudentiæ olim comparauerant, abdicantes, sub austeri prælati disciplina mirabiles fecere progressus, qui dum ab historicis referuntur, velut è sepulchris clamitant, & se mortem proculcasse persuadent. Huc patres aspirandum, & conspirandum est. Cur enim non eò peruenire nitamur? An desunt exempla? An non proponuntur certatoribus præmia? An res nō honesta, utilis, delectabilis est, quam primaria mundi nobilitas cupidissimè arripuit? Porro si iusta trutina obedientiæ appēderetur virtus, multi diuinæ gloriæ, communis boni, salutisq. propriæ studio incenderentur, & sanctitatis laude clarent. Pauci tamen aliquot etate hac rem dignè æstimantes in cœtibus monasticis gloriam adepti sunt. An non animaduertens, quanta apud nostros sit obedientiæ laus? Nostis certè itā æstimari, vt qui obedientiæ laude præcellit, ad omne opus egregium

120
 censeatur idoneus, meritisq. maximis locuples existimetur. Nostis, nonnullos è nostris ante prælatum genua flectentes nec surgere iussos noctes integras in eo positu illustri sui victoria perdurasse. Nostis alios à prælatis repræhensos, & ad stabulum grauitè amandatos, ibi cum iumentis syncera obedientia à fide genita pernoctasse. Nostis, alios in media cæna vocatos, parcū, penèq. necessarium victum famelicos reliquisse. Nostis, alios eadē ferè hora, qua prælati iussio innotuit, insalutatis amicis ad regna longinqua migrasse. Nostis & alia, quæ multis in hoc genere penè miraculosa videntur. Hæc antiquæ Sanctorum obedientiæ æmulatio est. Hæc est nota militum fortissimorum, qui emissi voti memores, obedientiam exactè, promptè, strenuè per medios enses, & ignes exercere decreuerunt. His annumerari satagite, & quamlibet obedientiæ transgressionem, detortionem, interpretationem violentam, & quicquid tantæ virtutis integritatem deterit, velut scelus idololatriæ perhorrescite. Certate bonum certamen fidei, quæ fidelibus oculis piam caliginem offundit, & vitā æternā apprehendite.

Exhortatio ad votum Castitatis explendum.

Cap. V I.

Fortis est vt mors dilectio, patres, quos Clementissimus Deus è seculo euocauit, & in statum monasticū asseruit, vt curis omnibus alijs proculactis libero affectu, & à terrenis rebus exempto, in amoris diuini opus strenue incumbere-

retis. Dilectio, qua præuenti estis ab eo, qui vos è densis mundi tenebris eripuit, vt in statu hoc candidissimam cæli lucem aspiceretis, fortis est, vt mors. Vt enim mors res duas strictissimè coherentes animam, videlicet, corpusq. seiungit; ita diuina charitas, vos arcto prius vinculo caducis rebus religatos auulsit, & pio diuortio secreuit. Quod diuinæ charitatis genus eò destinatum est, vt amore nullo peregrino capti cor integrum summo bono cōsecretis. Atque adeò cælesti consilio castitatis votum vobis inspiratum, & à vobis emissum est, quod ad eum scopum, quem sapientia diuina præfixit, erat appositissimum. Quemadmodum enim nihil est, quod à cælestium bonorum studio efficacius hominē auertat, quàm impurus creaturarum amor, ita nihil esse posse videtur ad amoris diuini studium opportunius, quàm castitatis votū, quo & obscœnitas omnis, & licita quoque aliàs corporū voluptas ictu vno præciditur. Felicem sanè statum hac de causa sortiti estis, quòd medio castimonix voto, diuina maiestas vos totos sibi reseruare, & strictum amoris fœdus vobiscum inire dignata est. Cui certè immenso beneficio, vt rependatis vicem, nuncupatum puritatis votū superata quauis arduitate reddendum est, quod his rationibus astruitur.

Ratio prima. Finis instituti nostri potior est diuina contemplatio, illustris scilicet diuinæ bonitatis, pulchritudinisq. noticia. Cùm ergo ex communi sanctorum sententia, tam castitas ad intellectus aciem, rerumq. diuinarum noticiam, quàm obscœnitas ad obtusionem, ac cæditatem

conferat; omninò efficitur, vt castitatis cultus contemplationi intellectum mirificè adaptet, & à nobis eius votum exactissimè obseruandum sit. 121

Ratio secunda. Tam eximia est castimoniz pulchritudo, & honestas, vt animus quilibet benè institutus eam diligere, ac exquirere debeat. Est enim virtus ingenua, decora, sordium expultrix, candida, splendida, angelica, & spirituali Christi thalamo digna. Quod non adeò arcanum est, vt omninò seculi sectatoribus celetur. Quin etià adeò compertum est, vt oculi nequeat populo christiano, cui vt libidinosa vitæ licentia turpissimè sordet, & quodam modò ferri nequit, ità castitas arridet, ipsosq. intemperantes suo splendore perstringit. Quid quòd infideles ipsi hominem castum demirantur, & diuinum quoddam sub candido eo amictu latere concipiunt? Si ergo tot ex capitibus castitatis pulchritudo consurgit, & impios animos forma capit, cur non & pios? cur non & eos, qui eius voto se obstrinxerunt ipsos?

Ratio tertia. Vix exprimi possit, quàm sit Beatiss. Virginis filijs consentanea castitas, & quàm foret horrendum impuritatis monstrum in ea adoptione genitum. Quid enim tetrius, & detestabilius Virginis filijs castitatis insigne quasi gentilitium candida veste gerentibus, quàm obscenitas, cuius vel solum nomen animus audire horret? Si ergo tantæ parentis adoptio placet, omnis impuritas, quantumuis modica validius, quàm corporis mors refugi sanè debet.

Ratio quarta. Suppetit ratio alia à B. V. Terefia fundatrice nostra, cuius eximie puritati, &

sublimissima contemplatio de qua scripsit, & corporis integritas, incorruptione mira fidē astruit. Quomodo autem ad eius familiam pertinere dicatur, cui omnis impuritas exosa non est, & qui castimonie pulchritudine captus non malit mori, quā fœdari?

Ratio quinta. Christus amore singulari prosequitur fidos castitatis cultores, ut liquet ē Sancto Ioanne Evangelista, quem castitatis prerogativa ampliore dilectione fecit dignum, ex multis purissimarum Virginum millibus, quæ in hac etiam mortali vita subtilissima cæli gaudia ē Christi fonte hausta in signum fœderis delibarent. Qui ergo à Christo impensè diligi, & puræ voluptatis illapsu gaudere cupit, prudentissimo certè consilio ad tanti boni lucrum utetur, si castitatis amore capiatur.

Ratio sexta. Prætexitur labor, qui ad corpus castigandum, & motus effrænes compescendos, subeundus est. Cæterum si castitas res honestissima, & pulcherrima est, cur labor obtēditur? Quid enim boni sine labore paratur? Turpiter ergo labor obijcitur, præsertim cū maior multò exauriatur labor pro caducis rebus, quæ tantæ virtutis dignitatem æquare nequeunt. Quinetiā nuptiæ ipsæ ab intemperantibus tantoperè expetite duriores pariunt labores, quam certamen castitatis, cuius conscientia animum exhilarat.

Ratio septima. Concipiamus animo homines duos, alterum intemperantem, qui expleta libidine in adolescentia ipsa, corpus effœtum præmatura senectute, tabe, & diris doloribus conficit,

tarta-

tartariq. tormenta præsentit, quod creberrimè accidere nimis notum est; alterum castum, qui animum à culpa, corpus à corruptela præseruat, & duram disciplinam in bonæ spei argumentum vertit. Vter è duobus vobis probatur? Cuius sortem appellatis felicem? Res profectò perspecta est. Quis ergo castitatis honestatem non affectet?

172

Ratio octaua. Mercedem, quæ corporis dormitoribus in cælo reposita est, oculus non vidit, nec auris audiuit, clarissima quippè castitatis victoria est, sæuissimo de hoste relata. Quapropter vel ipsa certaminis magnitudo animum erigere deberet, proposito amplissimo præmio, mensura scilicet illa Euangelica, bona conferta, coagitata, quam fatigati animi sinus excipiet. Si ergo præmij cumulandi, in certamine castitatis sæcunda occurrit occasio; quis eam detrectet ex ijs, qui ad cænobiticam palæstram accesserunt?

Ratio nona. Multa fortissimorum militū agmina pro castitatis decore in monasterijs, in eremis, in antris decertarunt, & maluerunt omni mundi solatio carere, corpusq. vigilijs, inedia, frigoris, calorisq. patientia, cilicijs, verberibus penè conficere, quam florem candidissimū castitatis amittere. Alij etiam à licitis nuptijs iam contractis prudentissimo consilio abstinerunt, ne affectu minus libero in æterna gaudia suspitarent. Quis ergo è nostris statu, quem profitetur dignus sit, nisi pro voto castitatis obseruando dura quæq. sustineat?

Ratio decima. Si rogem vos, quò feratur iugis labor disciplinæ monasticæ, quem fertis, oratio quo.

quotidiana, Dei præsentia, aliaq. instituti nostri capita, respondebitis eò tendere, vt ineatur vnio spiritus, qui in Christi amplexu quiescat. Hæc videlicet quies finis vestri laboris est. Hæc modò prægustatur fausto quodã præfagio, quæ, vti speramus, in patria cælesti demùm perficietur. Cùm ergo castus animus ad vnionem sponsi, qui pascitur inter lilia, facilè admittatur, quid cogitatis, si castimonie candorem nõ auidissimè exquiritis?

Longo satis rationum contextu patuit, patres, quàm sit è re nostra formosissimùm castitatis splendorem summo prosequi amore nihilq. arduum ea de causa formidare. Quid nunc attexam? Quid loquar? An existimatis vos satis generose dimicasse, si vsitato modo castitatem colere pergatis? Benè quidem est, quòd oculos reprimatis, ne elegantem corporum formam aspiciant. Benè est, quòd parco victu, duro lecto, somno interciso, varioq. labore corpus eneruetis. At vbi est antiqua laus eorum, qui acerrimo prælio tentati florem intemeratum seruauere? Vbi fortitudo Susannæ, quæ maluit neci tradi, quàm senibus impudicè suadentibus assentiri? Vbi fortitudo martyris illius, qui in lecto molli cubare coactus, immisso scorto linguæ partem dentibus præcisam in faciem expuit? An putatis vos inter prætoriarum cohortis milites à Christo recensendos, quòd intra claustra latentes occasionibus submotis, corpori proprio imperetis? Porrò ad clariores victorias aspirandum est; Vt animo comparati sitis, ad sanguinem in quauis occasione fundendum, pro castitate tuenda. Propositum quippè pium, quod

nui-

nulla commendat experientia, etsi laudi ascribitur, non tamen laudi primæ, quæ Virginis filios omnino decet.

173

Si autem communes victorias ad laudem primam non pertingere decernimus; quid de lentis militibus dicemus? Spero equidem, Dei munere, sub candida Virginis veste, neminem reperiri, qui candide non agat. Verum non ideo virtus absoluta est. Qui enim è nostris turpia, quæq. horret, sed ea, quæ tutiora, purioraq. sunt non auidè sectatur, diuinis beneficijs parum gratus, statumq. suo parum dignus est.

Ne ergo parcatis equo fallaci: frænum asperius in os inducite, & calcar adstringite, ne vos præcipientes agat. Ne vos frangat importunus insultus: validè illum repellite, & pro virtutis decore pugnat. Oculorum, linguæq. licentiam coëctete, primosq. internos motus recentèr excitatos, velut draconis capita præcidite. Omnia sub sole transeunt, vexatioq. vestra transibit. Nunc per confragosa loca, & prærupta saxa iter facitis, propter verba labiorum sponsi custodientes vias duras. sed postquam viam emensi fueritis apparebit amœnissima regio viuorum immortalis virore lata, & vitali fructu fœcunda. Ibi famelicus animus dulcissimo pastu saturabitur, & sitis omnis purissimi potu fontis explebitur. Hęc, patres, animo concipite, hæc identidem recolite, & per mortalitatis labores, & ærumnas, ad Ciuitatis Dei requiem, & vbertatem, sine defectione contendite.

Exhortatio ad paupertatis votum explendum
Cap. VII.

Qui per arduam salutis viam, proculeatis mundi legibus, progredi decreuerunt, facillè animaduertunt, se diuitijs oneratos iter illud, quod agilitatem multam, expeditionemque requirit, non posse, qua cupiunt, celeritate conficere. Quapropter à temporalium bonorum abdicatione perfectionis iter inchoant, perantiquo ecclesiæ nascentis usu, & succedenti per omnes ætates multiplici sanctorum exemplo. Hisce nos vestigijs insistimus, patres, postquam cupiditatis vela contraximus, & apostolicam vitam ducere constituimus. Ut verò arrepti propositi amor altius imprimatur & voti paupertatis observatio procuret exactius, quanti fieri debeat monastica inopia, ex rationibus hisce perpendite.

Prima ratio. Eo ipso, quod temporalia bona respuistis, molestissimam quoque reiecistis sollicitudinem, quæ velut stimulus animo infixus opum possessores infestat. Ea quippè est vitæ præsentis conditio, ut vel modicum aurum sollicitudinem generet multam, & requiem omnem depellat. Quantò ergò vobis commodior est inopia nostra tranquillè suscepta, quàm opulentia seculi sollicitudine anxia?

Secunda ratio. Vbi opes congeruntur, litium sparguntur semina, quibus apud grauiora tribunalia æquales, aut maiores plerumque fiunt expensæ, quàm sit victoriæ lucrum. Ex quo efficitur, ut qui
 ampla-

amplarum diuitiarum heredes instituuntur, peius interdum vexentur, quàm si inopia premerentur. 171
Quantò ergo preciosior est pax nostra, quam litigiosæ diuitiæ? Rem considerate, & statum vestrum æstimare pertendite.

Ratio tertia. Quò quis in seculo ditior est, eo plures osores, & insidiatores patitur, qui ei vitam adimere, prædam, diripere vellent. At quò monachus pauperior est, eò plures habet amicos ad largitionem pronos, & misericordes, quod experimentis quotidianis didicistis. Quis ergo paupertatem apostolicâ mundi opulentia non præferat?

Ratio quarta. Perpauci diuites inueniuntur, qui opes iuxta sanctorum doctrinam impendant, sed alij in auaram retentionem, alij in prodigalitatem degenerant, quod nimis vulgatum est. Experientia ergo conuincit, diuitias in vitiorum fomenta frequenter verti. Quantò ergo felicior sors vestra est, qui actu vno diuitias mundi omnes contempsistis, vt vitiorum materiam procul pelleretis?

Ratio quinta. Philosophi multi naturalis scientiæ amore capti, opes aspernati sunt, rati cum philosophiæ studio diuitias non posse connecti. Quomodò ergo cum diuinæ sapiëntiæ studio concilietur? Quantò est vtilius, & delectabilius scientiæ sanctorum, quam auri conseruationi, & incremento studere? Quis ita desipiat, vt libertatem filiorum Dei è rerum fluxarum contemptione ortam ad animum in cælestia bona subleuandum non magni faciat?

Ratio sexta. E seculi decliuio in excelsam statum monastici regionem ascendimus, vt tanquàm
è pro-

è propinquiore loco in cælum semper aspirare-
mus. Certis autem experimentis nouimus ino-
piam ipsam esse veluti stimulum quendam, quo
veri pauperes excitantur ad res necessarias è cæ-
lo requirendas, quæ in terris desiderantur. Præ-
clarè ergo nobiscum agitur, vbi res quoque ne-
cessariæ deesse videntur, vt paupertatis apostoli-
cæ experientia excitati à clementissimo patre
panem fidentiùs postulemus.

Ratio septima. Exploratum est, hanc plane fe-
licem sortem manachis contigisse, vt pro ijs, à
quibus eis in seculo victus, & vestitus prouideba-
tur, successerit fidissimus prouisor Deus, cuius
promptuaria sterilia esse non possunt. Quanto er-
go securior est nobis diuina prouidentia, quàm
secularibus humana: præsertim cum diuites
egeant, & esuriant, inquirentes autem Dominum
non deficiant omni bono?

Ratio octaua. Experientia nobis notum est,
ingenuos plerosq. qui in paternis ædibus opipa-
re vefcebantur, ac pretiosè induebantur, rudi vi-
ctui, ac vestitui nostro assuetos saniores, & vali-
diores euasisse, vt paupertas apostolica animi,
corporisq. vires roborasse videatur. Quis ergo
huiusmodi inopiam non expetat, & spem in Deo
firmissime non collocet?

Ratio nona. Recenseri nequeunt innummera
apostolicorum agmina pauperum, qui relique-
runt omnia, vt modico pretio regnum cælorum
compararent, quos Christus robusta spe æternæ
hæreditatis erexit, ne inter inopiæ labores con-
ciderent. Omnino autem compertum est, opta-
bilius

bilius esse, ad spem tantam cum Christi laude, coniunctam promoueri, quã vniuersi mundi opibus, & honoribus affluere. Huc, & vos pertinetis.

Ratio decima. Vnigeniti filij Dei vox est illa, quæ pectora saxis duriora mulceret:

Vulpes foveas habent, & volucres calinidos: filius autem hominis non habet, ubi caput reclinet. Matt. 8.

Vox hæc filij Dei, qui cum esset diues, egenus propter nos factus est, vt illius inopia nos diuites essemus, deberet monachum summa afficere lætitia, ob similitudinem sui redemptoris, quam gerit. Membra quippè capiti congruentia, post exantlatos labores in capitis consortium proculdubio accersenda sunt, vt inopia brevis opulentia æterna repensetur.

Quò iam procurrat oratio? Quid à monachis se Christum sequi profitentibus rationes allatæ non obtineant? Quis nõ diuitijs regum inopiam nostram anteponat? Profectò cordi callum obdudit, qui paupertate apostolica minimè gloriatur, qui commodum lectum, cellam, & id genus alia captat, qui laceras vestes, rudemq. victum horret, qui labores paupertatis comites detrectat. Cùm enim honestissima inopia hæc tam sit ad regnum cælorum parandum appositæ, eoq. regno potiri nolle, extremæ insanix genus sit; necessario dicendum videtur, monachos paupertatis osores, aut infidos obseruatores obduruisse, quippè qui ad opus tam sibi salutare, ac honorificum ægre inducantur, aut etiam obsistant. Qui eò peiores euadunt, quò commoditates, quas in claustris exquirere possunt, minores, ac viliiores sunt.

sunt. Quid enim abiectius quàm monachum, qui amplum despexit patrimonium, post eam insignem mundi victoriam, ità degenerare, vt affectum, quem millenis aureis annuorum reddituum in seculo affixisset, rudi vestimento, aut lecto addicat, neque minùs rei tam despicabilis priuatione in cœnobio mœreat, quam reddituum illorum iactura in seculo doluisset? Hæc est Aegypti seruitus, à qua Dei munere redempti estis, cœlesti libertate fruituri. Quid ergò cogitatis? Cùm non pergitis aspernari, quæ primo vocationis orsu despexistis? Sanè, qui inter nostros, monastica perfectione præstiterunt, obsoletas vestes nouis, panem duriores recenti, cellam incommodam commodæ præferre consueuerunt, cuius rei nos testes oculati sumus. Quin etiam vbi panis necessarius consueta prandij hora defuit, mirum est, quanta cum læticia, & gratulatione, voti paupertatis exercitium exceperint. Hæc primæ uæ sanctitatis æmulatio est, vbi non modò sine murmure, aut querimonijs, sed intimo cum gaudio penuria sustinetur.

Quid iam de accurata obseruatione illa rerum ad vsum concessarum attexam? Mos enim inter nostros inualuit, vt libros, opera lectionis, & quicquid à prælatis prouidetur, ità demum accipiant, & tractent, vti deposita mox repetenda, usurpari solent, ne quid attritum, sordidum, aut alio modo violatum appareat, quo monachi alij sine horrore vti non valeant. Quo quidem in vfu ità paupertati studetur, rerum integritate, ac munditia seruata, vt charitas ergà alios ijsdem rebus vsuros

vfuros eximiè colatur, Quid denique de ijs subij-
ciam, qui iter facturi pecuniam sponte oblatam
reijciunt, vt panem emendicare, & raro faltem
& voti exercitio conscientiam explendi promiffi
cupidam fedare queant? Hæc, plurimaq. alia ex
fida voti obseruatione profecta ijs è nostris, quos
fine exceptione laudamus, nostis esse familiaria.

Ne finatis occasiones elabi, & de voti custodia
solo proposito concepta ne vobis blandiamini: si
necessaria suppetunt, & vbi defunt, mœstitia su-
bit, qualis, rogo, voti custodia est? Absit à no-
stris perfidia hæc: mentis cæcitas absit. Liberta-
tem ingenuam ne cum turpi seruitute commute-
tis. Reddite Deo votum, quod nuncupastis, &
apostolica inopia opes æternas comparate.

TEXTVS TERTIVS.

De receptione locorum.

LOca autem habere poteritis in eremis, vel
vbi donata vobis fuerint, ad vestræ religio-
nis obseruantiam apta, & commoda, secundum
quod Priori, & Fratribus videbitur expedire.

*Obseruatio thematum, quæ ex hoc textu duci
possunt ad exhortationes solitas.*

QUod ad exhortandos monachos attinet, er-
ga hunc textum differi potest de bono cœ-
nobiorum, quæ ad nostram disciplinam apta &
commoda extruuntur. Posset etiam agi de varie-
tate cœtebriorum, quorum alia in eremis, alia

propè vrbes conduntur ad instituti nostri distinctas partes explendas, quibus satisfieri sine ea varietate non posset.

Exhortatio de bono cœnobiorum, quæ ad nostram disciplinam apta, & commoda extruuntur. Cap. V I I I.

Sive de cœnobijs eremiticis, siue de alijs propè vrbes constructis sermo fiat, non absq. excitationis, vel ingrati animi nota ædificij consideratio præteriretur. Est quippè mirum, & sanè magnum diuinæ prouidentię opus, in nostram commoditatem, & solatium perantiquo vsu destinatum. Et quidem si mûdi principû sollicitudinem ad extruendas ædes amplissimas intentam admiramur, æquum omninò est, vt diuinæ maiestatis curam ad ædificanda nobis domicilia impensam demiremur, & in tanti patris prouidentiam nos, nostraq. omnia referamus. Quod vt à nobis rectius fiat, rationes hæc animo imprimendæ sunt.

Ratio prima. Si monachus quisque in seculo fuisset locupletissimus, non valuisset certe domû sibi tanto sumptu ad quemcumque humanæ vitæ finem extruere, quanto Deus clementissimus ei domum ædificauit. Quis enim, nisi regem aliquem, aut ditissimum principem excipiamus, tantam pecuniæ vim contraheret, ac insumeret, quantæ in singulis ferè monasterijs diuina prouidentia ad fabricam congesta est. Hoc ergo beneficium, nisi quisque sibi vti proprium adaptet, cæcus, ac plane ingratus est.

Ratio secunda. Licet quisque nostrū princeps in seculo fuisset, tantam molem nusquam sine innumeris molestijs, & iurgiis conderet. Et tamen cernitis, ædificia nostra, sine vlla molestia, sine vlla contentione inchoari, & absolui, cum crebra, & propemodum quotidiana diuinæ largitatis experientia. Profectò totum hoc vestri gratia fit, neque sine nota reticeri potest.

Ratio tertia. Siuè fabricæ firmitas, siue forma, siue commoditas spectetur, certum est, quæ in seculo reliquistis, cum ijs, quibus sine labore frui-
mini, non posse conferri. Rogo enim quis in seculo domum tot cubiculis discretâ, & ad pluuias arcendas, æstusq. auertendum tam opportunam nancisceretur? Nec rationis huius vis enervatur, quod quisq. nostrum non omnes claustrī partes peculiari suæ commoditati vendicet: neque enim seculares vulgo id efficere possunt: præterquam quòd quoties opus est, non materialis, ædificij modò, sed spiritualis quoque partes, cuiusq. vestrum obsequio subiiciuntur. Animaduertite ergo quam paternam vestri curam Deus in hoc genere gesserit.

Ratio quarta. Opulentissimi principes in vrbe natali, vel alibi pro libito vnum alterumq. palatium construunt. Vos verò multo plures domos varijs in regnis habetis, quas fidentiùs petere, incolereq. potestis, quam illi suas: tam stricto quippè, ac tam integro iure vobis, quàm ijs, qui eleemosynas ad fabricam emendicarunt, domus illæ debentur, quoties prælatorum iussu hinc illuc migratis. Dicite ergo, quæ nam regum morta-

lium erga hæredes suos prouidentia cum hac diuina, quam erga nos perspicitis, comparetur?

Ratio quinta. Non solum Clemētissimus Deus domos amplas, multasq. prouidit: sed famulatio, & omni necessario apparatu instruxit, quod ex hoc discrimine palam enincitur. Potentissimus quisq. rex ex vrbe regia egressus in oppido sui ipsius regni finitimo, ac exiguo emit panem, & pretium diuersorij soluit. Vos verò in cœnobium nostræ Congregationis diuertitis tam fidenter, ac in paternas ædes, & non gratis tantum, sed cum insigni amoris ostensione, pro necessitatibus modo, lecto, ac mensa recreamini, quin & viaticum accipitis. Quid quod sine vlllo differentie vestigio antiquiores minùs antiquis, doctiores, & nobiliores non ita doctis, & nobilibus alacriter ministrant? Profectò nulli mundi totius principi obsequia talia in palatijs magnificentissimis redduntur. Contemplamini nunc, quàm liberaliter tractemini.

Ratio sexta. Quamuis Domus Dei, quod ad corpus spectat, incommoda semper foret, ut in locis recenter acceptis ad tempus esse solet, inter summa ipsius Dei beneficia eius inhabitatio poni deberet, tamen si quis postremis obsequijs destinaretur. Quantò ergo cumulatiùs beneficiù est, non inhabitare tantum sed tot bonis ibi sine discrimine frui, quibus locupletes etiam mundi domus proculdubio carent?

Ratio septima. Nulla domus instructior, quàm quæ periculis repenti natis, presenti remedio statim succurrit: nulla securior, quàm cui minus inuide-

inuidetur, & quæ ita munita est, vt fures formidine depellat. Omnino autem certum est, monasteria, vbi multi Christiana pace fœderati commorantur, eiusmodi esse, cū ibi interdiū, noctuq. ad omnium commune, & cuiusq. priuatum bonum omnes concorditè accurrant: quod tum in alijs euentibus, tum in mortis discrimine summi solatij genus est. Iudicate ergo quam benè misericors Deus domos nostras instruxerit, atque munierit.

Ratio octaua. Cœnobيا monachorum habent tutelares sanctos, quorum patrocinio perstant integra, ea præsertim, quæ Beatiss. Virginis titulo decorantur. Quæ nam ergo regū palatia cum ijs conferantur quamuis tormentis muralibus, & excubijs accurate dispositis se muniri iactent.

Ratio nona. Magni sanè solatij genus est sub eodem tecto in concilio iustorum, & congregatione morari. Quid enim non sperandum, quando Clementissimus Deus Sodomorum, & Gomorrhæorum multitudini enormibus peccatis fœdatur, Abraham intercedente, veniam pollicetur, si decem iustos reperiatur? An qui innumeris peccatoribus parceret ob iustos paucos, non ignoscet monacho vni ob cœtum iustorum in preces incumbentium, si forte pro humana fragilitate peccarit? Nescit mundus æstimare, quàm sit ad animos roborandos efficax iustorum sub vno tecto societas.

Ratio decima. Superest summum planè cœnobiorum bonum à paucis (vt par esset) expensum. Quod vt digne ponderetur, ponendum est, eccle-

fias cœnobijs contiguas, potissimam ædificij partem esse, quæ cuique monacho, velut domus propria, & satis ampla est, cum è claustro ad eam pateat semper ianua, ibiq. actus ecclesiastici ab omnibus rite celebrentur, Rogo nunc, Nonne ibi Eucharistiæ Sacramentum asseruatur, & sub eisdem tectis Christus vobiscum habitat? Videtur ne vobis habitatio hæc ad cœnobiorum dignitatem, vestrumq. solatium parùm attinere? Incredibilis profectò mentis hebetudo, cordisq. duritia foret, si rem hanc plane grandem non maximi penderetis. Utinam diuinæ maiestatis dignationi iustum gratitudinis tributum redderetur.

Ex ijs, quæ promptissimè facile cognoscetis, quid sub illis regulæ verbis, loca ad vestræ religionis obseruantiam apta, & commoda, lateat. Perspexistis quippè, quanta sit aptitudo, quanta commoditas in cœnobijs nostris ad vitam tranquillè ducendam, & ad animum non modò veris virtutibus excolendum, sed etiam recreandum, ac roborandum, quod diuinæ bonitati acceptum ferendum est. Nunc ergo si tanta ad omne opus disciplinæ monasticæ commoditas suppetit; quid censeretis, si quis vestrum illa abuteretur, & vbi sanctior facile posset euadere, fieret spontè deterior? Cœnobiorum aptitudo, lapidesq. ipsi, quibus constant, clamitare, & christianam perfectionem à nobis stricto iure videntur exigere: quid igitur, si quis Dei immemor, nihilò melior in claustro sanctimoniz feraci fieret, quàm si in profano loco versaretur? An putatis, impunè laturum eum, à quo loca sancta polluantur? Obseruate, quid alijs

alijs religionibus contigerit, quarum cœnobîa deserta, & templa in stabula conuersa cernuntur, hac ipsa ætate, quæ mœstissimorum prodigiorum spectatrix effecta est. Floruerunt olim loca illa, quæ viridaria ad Christi delicias culta videbantur: sed monachi degeneres aptitudine, & commoditate illa abuti cœperunt, perrexeruntq. donec ira Dei efferbuit, sedibusq. antiquis legum violatores depulit. Contigit eiusmodi locis, quod olim Sion, de qua Ieremias Thren. 2. Repulit Dominus altare suum, maledixit sanctificationi sue: tradidit in manus inimici muros turrium eius.

Hac Propheta, ad cuius sensum sacra monasteria profanè violata lugeri possent. Qua propter cauendum est, ne quis nostrum iram Dei prouocet, & quod ad se attinet, fabricam demolia-
tur, quam sustinere deberet. Nulla funestior in clade Ierosolymitana calamitas fuit, quam loci Deo consecrati pollutio, & subsequuta deuastatio; neque vlla luctuosior in ordinibus monasticis excogitare posse videtur, quàm ubi monasteria, quæ à Sanctis condita, & inhabitata fuere, ab irato Deo reijciuntur. Sanctè ergo sancta tractate, & commodam parandæ perfectionis occasionem adepti, ne otio torpeatis. Expendite dignitatem loci sacri, multis prærogatiuis exornati, vos qui statis in domo Domini, in atrijs domus Domini nostri. Exhibete vos loco dignos, & cælestis Ierusalem imaginem referte. Ne committite, vt indecorum quippiam deprehendatur, quod Dei domum dedeceat: sed cælestes angelorum choros apta communium actuum proportionem, miti ani-

mo, & modestissimo corporis habitu æmulamini. Hic cœnobiorum nostrorum cultus sit, qui æterna mercede repensabitur.

Exhortatio de varietate cœnobiorum in qua monachi distribuuntur. Cap. I X.

Diuinam profectò sapientiam decuit, patres, in hac noua Carmeli instauratione, ita cœnobia institui, atque discerni, vt amplo B. Tereſiæ fundatricis noſtrę propoſito cōgruerent, ne quid deſideraretur ad bonum, quod animo cōceperat, exequendum. Quocirca conſilio cœlitus inſpirato, à maioribus noſtris quaterna, aut quina cœnobiorum genera, iuxta ſenſum verborum regulæ, quæ nunc lecta ſunt, diſtincta nouimus, alia ſolitudini, alia tyronum educationi, alia ſtudijs, alia profeſſorum profectui, alia miſſionibus deſtinata, ex quibus varia quædam veſtis velut opere plumarij elaborata contexitur, quæ Congregationem noſtram exornat. Veſtem hanc magnificere, & pro captu quiſq. ſuo tueri debet, ne laceretur, vel inquinetur, quod diuinæ maiſtatis gloria, & ipſius Congregationis dignitas excelfa requirit. Quia vero nullus veſtem lacerandi modus expeditior eſt, quàm ſi quis præſcriptum ſibi in vnoquoque cœnobio ordinem inuertere, aut ſine prælati conceſſu ex alijs in alia migrare contendat; rationes proferam minimè contemnendas, quibus, quoad potero, expendam, quàm ſit expediens, monachum quemq. in loco ſibi aſſignato permanere, nec iniuſſu prælati

lati mutationem ullam attentare.

Ratio prima. Congregatio nostra diuino munere disposita est, velut castrorum acies ordinata, prælatis oculatissime obseruantibus quem, vnicuique cœnobio assignent, quam functionem cuique demandent. Quando ergo monachus, sine causa coram Deo efficaci, prælatum vrget, vt locum, functionemue mutet, nihil agit aliud, quàm si miles decretam sibi stationem absque causa defereret, & exercitus, vel agminis ordinem confunderet. Rationis vis seipsum luculentius prodet, si qui eo modo, se tentari finit, fingat quid mali succresceret, si alij eiusmodi fragilitati succumberent. Exploratum est quippè, si id crebrò accideret, omne Congregationis bonum monachis variè dispersis, interituum. Si ergo in alijs id minimè probandum est, quid de seipso, qui non est alijs iustior, respondebit?

Ratio secunda. Mutationis cupiditas oriri passim solet ex fuga mortificationis, qua passionibus non dum domitæ excitantur. Cum ergo, qui eiusmodi est, passionibus secum ferat, cæcus est, si non apertè perspiciat, nō loci, sed animi mutationem ab eo querendam esse, si conuiuiscere velit.

Ratio tertia. Prætexunt aliqui, in alijs cœnobijs non esse exercitia prorsus similia, non parem secularium frequentiam, maiores virtutis parandæ occasiones. Ceterum ij, qui disciplinæ monasticæ benè consulti sunt, huiusmodi prætextus fallaces iudicabunt, cum frequenti experimento pateat, eos, qui hæc excusant, ex inconstantia potius, & impatientia, quàm ex amore virtutis mutatione-

tationem optare . Licet autem vera essent, quæ proponunt, quandiù ex obedientiæ præscripto in loco vno morantur, certò sciunt, se iuxta Dei voluntatem, ibi manere, incertum autem est, an iuxta Dei placitum, de mutatione cogitent . Cur ergo incerta certis præferre velint ?

Ratio quarta. Quandiù monachus prælati iussu vni ascribitur cœnobio, non exigit Deus ab eo alia exercitia perfectiora, quàm quæ ibi frequentantur, certumq. est, cuiusvis cœnobij exercitia ea esse, quibus christiana perfectio possit acquiri. Si ergo ea sufficiunt, & Deus à monacho non alia exigit, quid ipse causatur, vt cælum mutet ?

Ratio quinta. Prætexit prælati asperitatem, vel id genus alia . Verùm quomodò nouit prælatum, cui subesse cupit, mitiorem sibi fore? Manifesta demonis impostura est, quam multi serò deprehendunt. Notum est quippè, monachos in hoc genere fragiles, velut extorta ad transmigrandum licentia vfos, duriores incurrisse in prælatos, quos planè suaves sibi fore leuiter coniectauerant. Quod æquo Dei iudicio accidere, sapientum consensus est, in pœnam culpæ, quam commiserant, dum diuinæ voluntati in decreto sibi monasterio perseveranter parere detrectabant .

Ratio sexta . Si mutationis cupiditas ad conscientiæ sensum examinetur, ex multis patebit euentibus, monachos cœnobia in varia inhiantes perpetuum sibi creare remorsum, quo iugiter vellicentur. Qui enim prælatum molestia afficit, donec mutationem impetret, iam inde nouit, se Dei voluntatem quasi violento motu pertrahere velle,

velle, vt proprio sensui adapretur. Mox quicquid mali in locis, ad quæ migrat, accidit, in grauiorem vertitur desolationem, cōscientia scilicet infesta quæ dictat, illum non in eas angustias à Deo inductum, sed propria voluntate præcipitatum, ac propter eam non illa Dei auxilia ad animum, deiectum erigendum recepturum, quæ in loco diuinitus electo consistens è cælo reciperet. Qui inconstantie morbo laborant, hanc veritatem, vel coacti asserunt.

Ratio septima. Religiosi per itinera parùm necessaria vagantes magnam internorum affectuum iacturam faciunt, ægreque postea ad se redeunt. Quomodo ergo, qui rerum spiritualium curam gerit, induci potest ad loca longè dissita petenda, vel optanda? Qui à prælato communis boni gratia missi iter faciunt, vix ea damna vitant; quid ergo, qui licentiam extorquent?

Ratio octaua. Qui inter nostros verarum virtutum laude præcellunt, horrent eiusmodi itinera postulata, & verentur, ne à Deo deferantur, si ipsi loca assignata deferere velint. Bonorum ergo mos argumentum est, ad alios diuersè opinantes ex hoc capite minimè laudandos.

Ratio nona. Ex quo, quis capit leuibus ex causis cœnobîa mutare, spiritu quodam vertiginis correptus intra paucos menses pro nouis mutationibus prælatum torquet, vt satis vulgatum est; ex quo bonum suum nomen obscurat, & aliorum irrisioni se ipsum exponit. Quanto ergo salubrius est, mutationis appetentiâ receter ortam coercere, quàm permittere, vt nouo pastu vires acquirat?

Ratio

Ratio decima . Vbique pro regno Dei mala sustinenda sunt . Ibi autem fructuosius tolerantur, vbi Deus liberalius fauet. & vbi conscientia suggerit, hominem non querere, quæ sua sunt, quod exploratum est, felicius succedere, vbi quis ex prælati arbitrio moratur . Prudentius ergo consilium est, vt sinamus nos obedientiæ ductu regi, & locorum delectum tanquam disciplinæ nostræ partem prælatis Dei vicem gerentibus deferamus.

Rationes depromptæ id efficiunt apud monachos verarum virtutum cupidos, vt vel cum iustæ causæ suppetunt, à prælatis mutationem loci postulare non audeant, sed rei iudicium eis deferant, causa vt plurimum sincere proposita. Audaciæ quippè genus eis videtur, quicquam flagitare ob allatarum rationum pondus, quod conscientia ferre recusat. Quod enim solatium (aiunt illi) nobis accidere possit, si non simplici obedientiæ ductu, sed importunis postulatis aliò migremus, ibique acres tentationes, grauesq. molestiæ ingruant? Qua fronte Deum precabimur, vt auertat mala, quæ aduersus legitimum sincere obedientiæ vsum nos ipsi quæsiuimus? Mala sponte quæsitæ formidant, & præcauent, qui Dei ductum æstimare norunt, cum tamen pennis à Deo illatis humeros generose supponant . Alij vero, qui modicum lumen nacti sunt, crassio quodam ratiocinandi genere permoti satis iusti sibi videntur, si quæ apertum peccati inscriptum præferunt, declinent; loci vero mutationem, & sexcenta alia, quæ eam turpitudinem non ostentant, passim expetunt, & efflagitant. Cæterum à fructibus

corum

eorum cognoscetis eos : cùm enim interna leuiter curent , in exteriora se totos effundunt . Ne vos horum contagio infici patiamini , sed maturę mentis , inuictę patientię , & virilis constantię signa præferte .

Monachi diuinę voluntatis explendę , perfectionisq. parandę cupidi , dum distincta cœnobيا mente perlustrant , debent secum ita pacisci : Deus hæc loca discreuit , non secus , ac dum constituit terminos populorum , iuxta numerum filiorum Israel , quando diuisit eis terram in funiculo distributionis . Si ergo Deus lineam duxit , si loca ipsa mensus est , si distinxit : partes nostrę sunt , diuino consilio acquiescere , nec extra metam nobis præfixam consilio humano recedere . Hęc si præstiteritis , non dubium , quin in sorte , quisque sua cōsistens maiora Dei beneficia recepturus , audiora merita cumulaturus sit . Hinc etiam existet firmior , & permanētiore pax , animo nihil terrenū ad solatia captanda experiri , sed in æterna bona suspirare nitente . Nullam ergo mutationem meditamini , nisi illā , qua è calamitoso exilio in dulcissimam patriam , in Ciuitatem videlicet Dei , peracto mortis agone , transferendi estis . Hęc bene percipite , & in supernam Ierusalem , per arctam viam , obedientię ductu contendite .

Deut.
32.
Ps. 77.

TEXTVS QVARTVS.

De Cellis Fratrum .

Praterea iuxta situm loci , quem inhabitare proposueritis , singuli vestrum singulas habeant

habeant cellulas separatas, sicut per dispositionem Prioris ipsius, & de assensu aliorum fratrum, vel sanioris partis eadem cellula cuiq. fuerint assignatae.

Observatio thematum, quae ex hoc textu duci possunt, ad exhortationes solitas.

Posset differi de bono cellae separatae. Deinde agi posset de instructione cellae. Singula persequamur.

Exhortatio de bono Cella separata. Cap. X.

Cellarum discretio, uti res planè grauis, & ad monasticæ disciplinae fructum peropportuna, hoc textu præscribi debuit. Etsi verò discretio hæc maior olim fuerit, & celebrior, quàm ætate hac, modò tamèn ad antiquitatis imitationem, in locis eremiticis cellae per intervalla extruuntur, & in cœnobijs, ubi solo discernuntur pariete medio, ea disciplina in hoc genere observatur, quæ ab eremitica non longè recedit. Quæ propter doctrinam de bono cellae separatae communis erit, quæ pro separationis diuersitate pondus habebit.

Primum ergo, caelesti cōsilio factum credimus, ut separatio præciperetur, ob immensum bonum, quod inde prouenire certis experimentis deprehendimus. Et quidem, quod ad diuinæ maiestatis cultum attinet, benè coniungunt, qui sentiunt, cellas in claustrî structura discretas à monachis inhabitari.

habitas referre mirabile illud fauorum opificium architectonicè in cellas diuifum , & fuauiſſimi liquore ſaporis oppletum , quo ita Clementiſſimus Deus delectari videtur , ac opera apum alueorum curator , cui totum deſtinatur mellificium . Quòd verò ad monachum quemq. ſpectat, vix exprimi poſſit, cella ſeparata quàm ſit bonorum ferax, quòd è ſubiectis rationibus cenſete .

Ratio prima . Vulgatum eſt illud, quod iam in prouerbiũ verſum eſt. (Pax in cella) Cùm ergo creaturæ vniuerſæ pacem inquirent, & Deus monacho modum pacis inueniendæ in aſſignata ſibi cella clementer oſtenderit , errabit ille profeſſo, ſi cellæ bono frui detrectauerit .

Ratio ſecunda. Monachi perfectionis auidi experientia conuicti fatentur, ſe extra cellam, alios eſſe ab ijs, qui intra cellam ſunt, culpasq. multas reſeſſu illo ſe vitare animaduertunt : atque adeò quàm citò poſſunt, à negotijs ſe ipſos expediunt, vt ad cellam, tanquàm columbæ, in ſua receptacula redeant. Quid ergo de minùs perfectis cenſebimus, quibus crebrior, & facilior lapſus, rarior, & tardior reſipiſcentia eſt ; Quantò citiùs hi ad cellam ſe recipere deberent ?

Ratio tertia . Fructus, qui ex reſeſſu prouenit, multiplex eſt, ſi exercitia ſpiritualia, quibus more noſtro vacandum eſt, contemplemur, Cuiusmodi eſt oratio, pia lectio, ſcriptio, genuflexio, proſtratio, & huiusmodi alia, quibus merita multa in cella parantur. Si ergò feruet perfectionis deſiderium, media hæc tam opportuna ſine ſtupiditatis nota negligi nequeunt.

Porro

Porro magnus cellæ prouentus est .

Ratio quarta. Spectato actuum nostri instituti contextu, vel ipsa commoditas cellæ amorem deberet inducere . Multò enim esset laboriosior disciplina nostra, nisi alterna cellæ quiete labor actuum communium temperaretur . Intercalata verò quies adeò moderata est, vt recessus ille sui potius appetentiam, quàm fastidium pariat, si qua perfectionis monasticæ æstimatio subsit. Cur ergo non optetur? cur non exquiratur?

Ratio quinta . Quanti sit ponderis cellæ bonum, ex eo perspicitur, quod nostræ salutis inimicus importunè, & grauitèr ad exitum vrget . Nouit enim ipse, quæ damna ex recessu patiatur, quæ lucra exitu conquirat. Si ergo hostis nocendi cupidissimus tantopere exitum suggerit, necessario asserendum est, illam cellæ custodiam momenti maximi esse.

Ratio sexta obseruata instituti nostri ratione, ac rei examine identidem factò, constat eos, qui in cellis parum latere, indeq. frequenter egredi assuescunt, & cultura spiritus modicè proficere, & alijs quodammodò exosos fieri . Quod æquo Dei iudicio eis rependi videtur, quòd rem sanè pretiosam non magni faciant . Bonum ergo consilium est, in cellæ statione persistere .

Ratio septima . Quieta illa cellæ custodia tam est finì principali instituti nostri, contemplationi nempe, consentanea, vt vix credi possit, aliquem è nostris ad finem, quò vocatur seriò tendere, & cellam nò impensè amare, quòd ità per se notum videtur; vt id rationibus asserere superuacaneum sit . Si

fit. Si ergo potior instituti nostri finis animo hæret, & animus cellæ adhæreat, necesse est.

Ratio octava. Illustres in cella victoriæ à monachis veris desidiam, & torporem excutientibus comparantur, spectante Deo palæstram, & præmia cumulata decernente. Eoq. victoriæ illæ tutiores sunt, quò ab hominum conspectu exemptiores. Quin & oratio ipsa, iuxta consiliū Evangelicum, ostio clauso, intra cubiculum Deo animorum cognitori oblata, purior, & acceptior esse solet. Quid ergò prætexit, qui cellæ bonum, lentè diligit.

Ratio nona. Monachis in cellā abditis à Deo internæ lætitiæ oleum dignatione multa solet instillari, quo fessi recreantur, & exhilarantur felicius, quam oleo materiali vidua illa, quæ ostio clauso de consilio Elisei vacua vasa demum expleuit. Cur ergo nos ipsos, in cella clausa, huic cælesti refrigerio, non aptare curemus?

Ratio decima. Quàm sit eximium cellæ bonum, tam est per se exploratum, ut ab ipsis secularibus propemodum cæcis fidem acquirat. Ij quippè, (quod nobis notum est) in claustra monachorum in cellis sine vlllo strepitu latentium, ingressi vehementer admirantur, quòd tot homines alijs natura similes longas cellarum serie in recessu quisque suo, quiescant, quod natura horrere videtur. Qua ex meditatione alta trahunt suspiria, & vim lachrimarum effundunt, quasi recessus ille è petris aquam eliciat. Si ergo seculares cellæ bonum, quasi diuinum quiddam demirantur, cur monachi id non extiment? Cur

non in Christi militia , in decreta sibi statione
permaneant ?

Multa satis argumenta congeffimus , quæ ad
cellæ amorem parum etiã pios animos excita-
rent. Quid autem de piorum motione subijciam ?
Vos, patres , pietatem colitis , & instituti nostri
amore capti estis. Vos ergo appello, & rogo, an
memineritis sanctorum, qui in spelûcis, & cauer-
nis terræ vitam duxerunt , subtrahentes se varijs
solicitudinibus, vt exactiùs de grauissima æternæ
salutis causa coram diuina maiestate agerent ?
Porro si causæ huius pondus dignè perpèderetur,
credo equidem, multa millia, quæ modò per pla-
teas otiosè vagantur, se se reciperent, & secretis-
simas eremitarum cellas , vel antra peterent . Si
enim, vbi aliqua cœlestis inspiratio ab eis perci-
pitur, molliuntur, & se in oratoria abdunt ; quid
rogo efficerent , si sensus ille Dei diutius perma-
neret ? Cùm ergò vos Dei sensû nacti sis, & diu-
turna meditatione vestræ salutis causam æstima-
re noueritis, quid superest, nisi vt apicularû mo-
re, vos intra cellas condere, & spiritali mellifi-
cio operam nauare pergatis ? Explorete vos ip-
sos, qui meliores non estis Theodoro , qui expe-
rientia conuictus , monachû extra cellam, alium
ab eo , qui in cella foret, alium inquam non san-
ctiorem, non feruentiorem ferebatur. Omnia cir-
cumspicite, omnia mutuo conferte , & facilè ani-
maduertere poteritis , in vnoquoque cœnobio
eos, qui fideiiores cellæ custodes sunt, spiritu fer-
uentiores euadere , & cœlestibus donis cumula-
tiùs augeri. Res tam cõperta est, vt nolim alios,
quàm

quàm vos ipsos testes accire . Sentietis nonnun-
quàm quendam velut pruritum leuiter exeundi,
ipsaq. pigritia causas exitus apparenter iustas
depinger: verum ne credite: ignauiam excutite,
& paulò post imposturam deprehendetis.

Cella nidus est, non auium rapacium, sed mi-
tium, vbi necessario volatu fessæ requiescunt.
Nidum repetite, nido vos auidè inferte. Expendi-
te columbam, quam emisit Noè, quæ postquam
prolixo volatu longum tractum peruagata est,
cum non inuenisset, vbi pes eius requiesceret, in
arcam se se recepit pascenda, & captura quie-
tem. Hæc cogitate, certoq. statuete, neque quie-
tem, neque pastum vos extra cellam errantes re-
perturos. Inuenietis fortassè cadauera putria ad
pastum, & arborum ramos inconstanter aquis in-
sidentes ad infessum, vt columba illa: ceterum,
salubria esculenta, & firmam sedem minimè com-
perietis. Quiescite ad pedem scalæ, quæ à cella in
cælum expeditum, ac facilem præbet ascensum,
vt sapientum benè librata consensio est. Scalam
aspicite, & anagogicis cordis motibus, è profun-
da lachrymarum valle, in qua versamur, in edi-
tissimum Dei montem, pinguem, & coagulatum
ascendite.

Exhortatio de ratione cellæ instruendæ.

Cap. X I.

Qui cellam vnicuique seorsim assignari ius-
sit, eo ipso cellam necessarijs rebus instru-
dam præscripsit. Quæ quidem in re, mi-
F a rum

rum est, quàm sollicitè nostræ salutis hostis disciplinam monasticam labefactare contendit. Ipso quippè necessitatis titulo honestatem præferente abutitur, vt multa persuadeat, quibus à primæuo sanctorum more nos demum auertat. Ex quo efficitur vt cellæ monachorum lentescere incipientium, rebus multis saltem inutilibus instruuntur, quas interdicere oporteret. Succurrit illud, quod Machabæi fecerunt, vbi in atrio templi virgulta tanquam in saltu nata conspexere, quibus auulsis locus sacer expurgatus est. Quia verò nullus expurgandi modus optabilior videtur eo, qui spontè nascitur, rationibus subiectis suadebimus, cellas nostras modestissimè instrui debere.

Ratio prima. Cellæ nostræ, & oratoria, & cellæ sunt, quod è communi omnium sensu patet, cùm non minus orationi, quam captandæ quieti destinentur, quod bonorum monachorum vsus euincit. Si ergo locus sacris vsibus dicatus est, facile perspicitur, quàm sit indecorum, res ibi inutiles, superfluasq. reponere, quæ seculi odorem siue fœtorem exhalant.

Ratio secunda. Quicquid vltra sacram imaginem, lectum, mensam, sedile, paucos libros, lucernam, scopam, quæ sufficiens est monachi suppellex, admittitur, perfectis monachis idolum, quoddam videtur esse, quod in loco sancto, aduersus diuinæ maiestatis cultum, statuitur. Consideret ergo, qui alia curiosa, vel inutilia congerit, quantoperè à cōmuni exhorbitet consuetudine, & illud monasticæ idololatriæ genus perhorrescat, si fructum è cella referre cupit.

Ratio tertia . Res nulla, quantumvis exigua , præter eas, quæ parçitati monasticæ consentiunt, pacata conscientia in cella retineri, vel admitti potest : neque enim prælati id indulgent, aut iussè concedere possunt . Si ergo aduersus obedientiæ mentem , nihil conscientiæ prodesse credendum est; quid monachus cogitat , qui in cellam quicquam insolitum, aut superuacaneum infert ?

Ratio quarta . Certis experimentis nouimus, monachos propriæ conscientiæ curam gerentes, ferre non posse stimulum, quo lacerantur , si vel papyri folium minimè necessarium in cella viuant ; libētiusq. eos dæmonis præsentiam, quàm paruam eiusmodi rem instituto suo dissētaneam perlaturus, cum præsentia dæmonis absque illorum culpa, rei verò illius minimæ receptio vel retentio, non absque illorum consensu , ac proinde non sine culpa contingat. Hoc itaque experti sumus. Quomodò ergò alij adeo oscitāter hæc prætereunt , neque vllò infestantur scrupulo , si quatuor , sex, aut decem superfluas res , quas dictitant minimas, in cella se habere sciant ? Quomodò somno indulgent, cum sciamus alios non posse requiescere , nisi priùs rem quamlibet , tametsi minimam, disciplinæ nostræ aduersam ad prælatum deferant ?

Ratio quinta . Solent monachi tepidiores voluptatem capere è thecis reliquiarū affabrè elaboratis, ex minio tinctis imaginibus , è crucibus odorati ligni, vel colore aliquo natiuo splendentibus, è forficibus hoc , aut illo modo aptatis, è breuiario sic vel aliter tecto, & ex id genus alijs,

quibus cellas instruunt, obliti simplicitatis, quam profitentur. Certum est autem, harum rerum sollicitudine verarum virtutum studium languescere experientiaq. constat, imperfectos monachos graviter mœrere, si res illæ eis subtrahantur, quod est immoderati amoris argumentum. Accedit ad hoc perfectorum usus monachorum, qui similia proprii amoris fomenta, neque in cellis reponere, neque admittere assuescunt.

Ratio sexta. Quò pauciora, & vſitiora quis habet, eò minus eis hæret, eoque spiritus libertas maior est. Cur ergo libertas pro nullius momēti rebus in discrimen adducatur ab ijs, qui è mundi servitute clementer erepti sunt?

Rationes, quas protulimus, credo equidem, vobis probantur, ut nulla apud vos in cellis anathemata latere patiamini, quæ diuinæ oculos maiestatis offendant. Profecto timorati monachi, si fortè, quod accidere solet, quippiam superfluum in cella indeliberato actu reponant, aut retineant, statim ac animaduertunt, tanquam scorpionem, aut basiliscum aliquem eiiciunt. Rem quippè, quod ad conscientiam spectat, venenatam esse sciunt, cuius proinde aspectum formidant. Quin etiam ubi dubium eis videtur, an ex ijs, quæ in cellis iamdudum posuere, quicquam necessarium sit, tanquam contagiosum repellunt. Quid vero in hoc genere subtexam? Prælati ipsi suspectam habentes subditorum fragilitatem ex officio cellas explorant, & paucula quædam fide non prorsus mala in usum accepta refecant, ne ut cellæ separatae sunt, ita res illæ minimæ, quæ alijs deseruire

uire possunt , à communi vsu separentur , & ad
vnius cellam instruendam conferantur. Profectò
si Dei sententia spectetur, quę per regulam nobis
innotuit , cellę separatio commendatur : at cum
vita imperetur communis , & è communibus of-
ficinis omnia necessaria promanur, aptè deduci-
tur , vt ad cellas instruendas paucis opus sit . Si
verò sententia hominum quicquam momēti ha-
bet, satis constat, viros cordatos, & cœnobiticę
disciplinę consultos non boni consulere cellarum
ornatum , sed simplicem dispositionem , ac mun-
ditiam. Quin & quò supellex pauperior, & mino-
ris numeri est, eò eis pretiosior videtur, & maio-
rem sanctitatis opinionem ingenerat . Cellas er-
go, patres, nō rebus superuacaneis, sed pijs exer-
citijs, & lachrymis , ex concepta peccatorum
pœnitudine fluentibus instruite , & affectum va-
rijs irritamentis excitatū compescite. Nunc san-
cti se ipsos exonerant, & in cellis, velut in diuer-
sorio inopi manent, beneq. est, vt quatuor parie-
tibus nudis sepiantur, quibus ea merces reddenda
est, vt exultent, in gloria, & lætentur in cubi-
libus suis . Sedulus viator non ornata, vel super-
flua , sed necessaria quærīt : vnde & nos, qui fu-
turam inquirimus , doctrinam eandem debemus
amplecti . Arctus, & parum instructus fuit car-
cer Iosepho, ceterum præclarè res illi ecessit, qui ad
amplam & satis instructam regis Aegypti aulam
eductus est . At quorsum ego Iosephum comme-
moro ? Recolite potius Christum, eiusq. purissi-
mam genitricem, & quàm parum instructam do-
mum incoluerint, obseruate.

Historias legite , & exemplum domus ex Illyrico in lauretanum agrum ab angelis illatæ contem-
plamini, quod animos cælesti luce perfusos admi-
ratione suspendit . Sanè inopia illa domus tam
exiguæ, ac parùm instructæ, quam Vnigenitus Dei
filius inhabitare decreuit, tepidis monachis acris
reprehensio , feruentibus acerrimum calcar est .
Onera ergo superuacanea exemplo tanto per-
moti deponite, & ad cælestes opes alacres, ac ex-
pediti viam carpite .

TEXTVS QVINTVS.

De communi refectiōe .

ITa tamen, quod in communi refectorio , ea quæ
vobis erogata fuerint , communiter aliquam
lectionem sacræ scripturæ audiendo , ubi commodè
poterit obseruari , sumatis . Nec liceat alicui fra-
trum , nisi de licentia Prioris, qui pro tempore fue-
rit, deputatum sibi mutare locum, vel eum alio per-
mutare . Cellula prioris sit iuxta introitum loci, ut
venientibus ad eundem locum primus occurrat, &
de arbitrio, & dispositione ipsius postmodum , quæ
agenda sunt , cuncta procedant . Maneant singuli
in cellulis suis, vel iuxta eas die, ac nocte in lege do-
mini meditantes , & in orationibus vigilantes, nisi
alijs iustis occasionibus occupentur .

*Observatio thematum , quæ ex hoc textu peti
possunt, ad exhortationes solitas .*

AGi potest primum de disciplina in refectorio
obseruanda. Mox de cautione illa, ne locus
iniussu

iniussu prioris mutetur, & de cella illius primo in loco sita, & omnium dispositione illi credita, quæ tria ad vnũ thema redigi possunt, scilicet ad hoc, ne quis curam rerum Priori creditarum vsurpet. Denique de perpetuo orationis studio intra cellas & extra. Singula expendamus.

128

Exhortatio de disciplina in cœnaculo seu refectorio obseruanda. Cap. XII.

Permulta sanè antiqui vitæ monasticæ institutores de cœnaculi disciplina tradiderunt, quæ in Congregatione nostra diuino munere coaluisse perspiciamus: quæ vt felicius crescant, erit ad rem, vt de tanti ponderis capite appositè ad praxim disseramus. Et primum quidè intemperantis monachi deformitas ob oculos ponenda est, vt id monstrum horrentes, in eam, quam à maioribus nostris accepimus, formam exactius conspiremus.

Tria sunt, quæ monachum in cœnaculo deturpant, alienatio mentis à sua lectione, ingluies, siue voracitas, & incompressi gestus siue immodestia, quibus ita se deformem, ac exosum efficit, vt vix à temperantibus, & modestis ferri possit. Non accumbit præmeditatus, non sibi metam vllam præfinit, & incompressis obtutibus, manuum, & totius corporis motibus, edacitatis vitiũ prodat, & solam saturitatem, ceterasq. gulæ partes, quicquid alij iudicent, se affectare demonstrat. Contemplamini nunc monstri huius turpitudinem: contemplamini, & exhorrescite.

Vt au-

Vt autem graue hoc malum procul arceatur, tria remedia præsentanea in promptu habenda, & ad mouenda sunt, attentio videlicet ad lectionem piam, gulæ correctio, & modestia, è quibus primum spiritui, secundum corpori, tertium proximis debetur. Quanti vero ponderis hæc tria sint, è subiunctis rationibus patebit.

Ratio prima. Lectio pia à sanctis in morem inducitur, ut spiritus alatur, & homo dum corpus reficitur, in duas velut sectus partes, minus capiatur cibi voluptate, qua illectus facile metam excederet, nisi remedio illo in officio contineretur. Confert quippè lectio sacra ad multiplices cordis motus excitandos, quibus velut ex acutis gladijs intemperantiæ capita præciduntur. Non ergo congruit sanctorum instituto, qui à lectione in cœnaculo sponte diuertitur, tanquam si in diuersorio cum secularibus vesceretur.

Ratio secunda. Familiare est monachis nostris à cibo extra horas cōsuetas abstinere, atque adeò non absque necessaria causa cœnaculum petunt. Quò ergo iustior causa suppetit, eò facilius animus causæ fidens seducitur, ut appetitui laxet habenas. Debet igitur monachus se comparare, & præsentis lectionis remedio uti, ut vehementem cupiditatem moderetur, & sine edacitatis culpa naturam sustineat.

Ratio tertia. Antiqua nobis experientia constat, in cœnaculis nostris, maiorem plerumque piorum affectuum, & lachrymarum prouentum, quam in oratorijs extitisse, ob attentionem piæ lectioni præstitam, ut opus fuerit animum à lectione tan-

rillum

tillum diuertere, ne impotēs affectus necessarium cibum adimeret. Quàm ergo degeneres essent, qui modò cursu contrario animum lectioni admonere nollent, & se in corporis pastum belluarum more totos effunderent?

Ratio quarta. Ex præmeditatione successuri gulæ conflictus, & præsentis lectionis occasione, monachi nostri perfectionis cupidi clariores in cœnaculo victorias; quàm in ciliciorum, catenarum, & verberum exercitio comparare solent, multa sibi sine valetudinis damno subtrahentes, quibus gula irritatur acrius, vt multiplicem hostiam Deo sacrificent. Quàm ergò longè à fortium Christi militum consuetudine recederet, qui cœnaculo ad pastum sine alia monastica disciplina, & lectionis æstimatione abuteretur?

Ratio quinta. Anima bene disposita, & spiritali pastui intenta incompressos motus, deformesq. gestus minimè parit. Quid ergo sentiamus de ijs monachis, qui omnia in cœnaculo lustrant, caput huc illuc torquent, signo vix expectato mapam celeriter explicant, apertis immoderatę appetentię signis cibos ori ingerunt, nec vnquam se expleri demonstrant. Profectò hi hæredes Esau pro pulmento vno spirituale patrimonium vendicare velle videntur.

Ratio sexta. Diuino consilio in Congregatione nostra vsus percrebuit, vt inter vescendum varia mortificationum genera exerceantur de prælati venia, hoc surgente, vt ei vnusquisque è toto confessu alapam vnā impingat, alio genibus flexis singulorum pedes osculante, alio in terram pro-

cumbente, vbi pane dumtaxat, & aqua reficitur, alio genibus flexis tergo nudo, sensimq. verberato in medium cœnaculum ingrediente, & culparum veniam precante. Hæc scilicet varia mortificationum genera ad appetentiam coercendam, motusq. corporis moderandos, & spiritum alendum opportunissima sunt. Cum ergo tot habeamus ad bonum cœnaculi vsum prouisa remedia, quis non iudicet eum, qui nihilò seciùs eo loco abutitur, se non tàm monachum, quàm secularem hominem intemperantiæ nota infamem exhibere?

Ratio septima. Tot suppetunt recentia nostrorum exempla ad persuadendum monasticum refectiōis vsum, vt antiqua requirere opus non sit. Certò quippè nouimus, alios, vt cibis saporem adimant, modicam instillare aquam, alios fellis Christi memores absynthij pulueres inspergere, alios dum panis canistra circumferuntur, duriora semper fragmēta seligere, alios vix paucas vini guttas aquæ admiscere, alios interim dum comedunt, alterum pedem à terra subleuare, vt molestia illa vexati escarum sapore minùs delectentur. Hæc apud nostros, qui generosè certant, exerceri nostis: quæ spiritualia quædam inuenta sunt ad cœnaculi vsum piè temperandum. Ex quibus profectò liquet, locum illum sanctis semper fuisse suspectum, quandoquidem tot machinas in Christi militia excogitarunt ad gulam expugnandam, & abstinētiā in quotidiana refectiōe colendam. Quid ergo dicendum de ijs, qui inter tot munita fragiliores euadunt, & velut animales homines, ea, quæ sunt spiritus Dei non magis percipiunt,

cipiunt, quàm si in seculo inter intemperantes versarentur?

Ratio octaua. Qui è nostris cœnaculo abuteretur, reprehensione videretur dignior, quàm alij lauta esculenta nacti, cum excessus ille non gulę irritamentis, sed vitio gulę verteretur. Peior quippè, & vehementior fames est, quæ ad rudes cibos vorandos, quàm quæ ad delicatos perurget: ardentior item sitis, quę in aquam turbidã, quàm quę in pocula suauia hominem impellit. Quid ergò prætexet monachus, cuius animus cœnaculo sterili totus hæret, ibiq. sui compos non est?

Ratio nona. Potior instituti nostri pars est contemplatio, ad quam quò quis melior est, eò constantius aspirat. Cum ergò omninò comper- tum sit, vitio gulę mentem hebetari, & à rerum cælestium studio, ad cõmunia cum animantibus rationis expertibus oblectamenta diuerti, quis è nostris in cœnaculo se non temperanter geret? Profectò corpus cibis licèt rudibus immoderatè grauatum deprimit animum ne spiritualia sensa concipiat. Aut ergo frugaliter agendum, aut à principali fine nostro desistendum est.

Audistis, quàm sit decorum, & instituto nostro debitum in communi refectionis loco, vbi ex regulę præscripto conuescendum est, disciplinam à sanctis traditam retinere. Reliquum ergo est, vt eam accuratè obseruetis, & pro communi ac priuato cuiusque vestrũ bono temperantiam ibi colatis. Cur enim virtutem maiorum non emulemini? An non suppetunt arma, & satis firma munimenta? An vestra non interest, in quotidiano

prælio victoriam meditari? Non agimus de victu necessario subtrahendo, sed provide ministrando, nec tam sumus austeri, ut cum valetudinis damno seueram disciplinam suadeamus. Non fert animus, id monere. Quin etiã nec veniam tantam impartiri cogitamus, quantã multi exoptant quorum postulata, satis accepta diuinæ maiestati sacrificia sunt. Mitius ergo vos habere, consultò volumus. Hoc dumtaxat hortamur, ut quod turpe, ac noxium est, vitetis, & cibum, potumq. congruentem spirituali sensu, & multiplici cum merito sumatis, ac in rebus saltem minimis appetitum compescere memineritis. Quod ut efficiatis arrigite cordis aures, & lectioni sacræ vestri partem offerte. Sermo enim Dei viuus, & efficax, & penetrabilior omni gladio ancipiti, pertingens ad diuisionem animæ & spiritus, præstabit hoc, ut sectio quædam arcana fiat, & pars vestri nobilior suo quoque alatur pastu, interim dũ corpus proprio suo nutritur. Ne spiritus nutrimentum respuatis. Tempus breue est, mundus trãsit, & concupiscentia eius; virtutis fructus æterna stabilitate perstabit. Quod si, ut ignaui prætexunt, corpus eneruetur, tantumdem roboris, aut magis multò spiritus acquireret, maiusq. multo lucrũ esset, quàm detrimentum. Quid enim damni Iacob ex lucta claudicans retulit, qui cælesti benedictione prosperatus est? Luctamini & vos, neque ictum aliquem cæcum formidetis, ut clementissimus Deus augeat animi vires, & felicius cælestia bona refundat.

*Exhortatio de cura rerum Priori creditarum
non usurpanda. Cap. XIII.*

INter alia, quæ in lecto regulæ textu, iuxta sanctorum doctrinam, pensitari debent, meritò reponitur cautio illa, ne quis cellam sine superioris venia mutet, aut permutet, illudq. subiūctum, ut Prioris cella sit iuxta introitum loci, ut primus venientibus occurrat, & prudenter cuncta disponat. Ex quibus profectò verbis liquet legislatoris mentem fuisse, omnium rerum ad cœnobium iam conditum attinentium providentiam, & expeditionem ita Priori credere, ut monachi nihil sponte sua attentarent, aut se negotijs iniussi vnquam ingererent. Hic regulæ sensus syncerus est, cuius congruentia licet se satis manifestè spectandam exhibeat, humana tamen fragilitate, quæ non sine multo conatu à claustris extruditur, factum est, ut in florentibus quoque ordinibus nonnulli seioli, & lenti suarum passionum domitores, plerisque in rebus prælatorum officium antevertere, & multa sine illorum concessu moliri contendant. Cui certè malo, ne nostræ Congregationi officiat, occurrendum est, ut ex rationibus his cēlere poteritis.

Ratio prima. Indecorum est, ut membrum aliquod capiti subiectum auctoritate priuata capitis munus obire velit. Eo quippè ipso, qui à Deo probatus est ordo inuertitur. Cùm ergo Superior capitis, subditus verò membri subiecti loco sit, satis patet, curā ab eo anticipatā ordini aduersari, & ut leuiter interpretemur, minimè decoram esse.

Ratio

Ratio secunda. Modicę humilitatis argumentum est, velle subditum prudentiæ, aut alterius congruentiæ titulo, quicquam à prælato non iniunctum aggredi. Quomodò aggredieretur, nisi prælatum non magni faceret? Quod si facit magni, cur non veniam poscit? Certè aut violatę humilitatis, aut obedientiæ neglectę, aut duplici culpa innexus est.

Ratio tertia. Licet res, quam subditus efficere properat, ex genere honesta foret, eo ipso fœdatur illius procuratio, quod ei deest obedientię honestas, quę inesse debuit. Si ergo res honestę sine superioris nutu factę fœdantur, quid de indecoris, aut parum decoris arbitremur?

Ratio quarta. Imprudentiæ, vt minimum, nota est, incio prælato quicquam ordiri, quod nescitur, an ab eo, vbi id rescierit, probandum sit. Quod si excipiat, totum clam prælato absolvendum esse, peior sanè nota est, quę non ad imprudentiam tantum, sed ad continuatam obedientiæ transgressionem refertur. Quid autem, boni contingat ei, qui hisce fraudibus se ab obedientiæ ductu subtrahit?

Ratio quinta. Qui ante obtentam veniam negotia inchoat, ipse sibi laqueum tendit, quo capiatur. Seculares enim bona fide quod monachus attentat, interpretantes, id plerūq. prælatis aperiant, de ipsorum venia factum arbitrati. Quod cum ita non sit, si prælati dissimulent, fraude deprehensa de illo malè opinantur, & in posterum ei minimè fidunt. Si autem simulare nolint, apud prælatos ipsos, & seculares monachus iam malè audiet.

audiet. Mirumq. videtur aliquem mentis com-
potem, ob res satis leues, quales esse solent, quæ
prælatis cëlantur, velle bonũ nomen suum pericu-
lo exponere. Satiũs est, oraculũ primò consulere.

Ratio sexta. Monachi parũ fideles ideò te-
las ordiuntur sine prælati scitu, quia varie de re-
bus opinantur, & suam sententiam præponi cù-
piunt. Quod vt efficaciter obtineant, antequam
cum prælato conferant, fundamenta iaciunt, quæ
ille aut nullo modo, aut difficulter possit amoliri.
Ceterum quam sit hæc præpropera sollicitudo ex-
tra monasticam disciplinam, hoc argumẽto con-
uincitur. Monachus hic in opinionũ campo ver-
satur: at vbi opiniones diuersæ sunt, & prælatus
in alteram partem propendet, ex communi sen-
tentia, subditus ei cedere debet: non ergo bonam
mercaturam exercet, qui ideò anteuertit officia,
ne prælati sententia præualeat.

Ratio septima. Si expertis fides habenda est,
frequentius monachi parum spirituales errant,
quod se prælati curis immisceant, quàm quod ei
curas proprias deferant. Qui ergo ab horum cõ-
fortio procul abesse desiderat, enitatur, quoad
poterit, vt iuxta regulæ sensum, ac verba de supe-
rioris arbitrio, quæ agẽda sunt, cuncta procedant.

Quid iam monendum? Quid à vobis præstan-
dum est? Recolite historiam illam Euangelicam
Petri Christum sequi admoniti, bonoq. animo de
Ioanne rogantis: Domine hic autem quid? Ex-
pendite pium Petri animum. Expendite parcã,
& nihil deforme præferentem interrogationem.
Et tamen responsum est ei: Quid ad te? Tu me

sequere; quod perindè est, ac si Christus dixisset: Petre, Ego præfideo: vestri cura mihi à Patre meo demandata est: quorsum ergo hanc tibi curam vendicas? Hoc ergo ipsum monachus sibi responsum credat, si Christi ei schola placet. Priori rerum cura commissa est: quid ergo ipse quærat? Cur se negotijs implicat? Et quidem, licet hoc tam luculentum exemplum deesset, ipsa mentis maturitas, ipse pacis amor, ipsa obedientiæ fidelitas, quod hortamur, exigeret. Nimirum levitatis signum est sollicitudo illa ante tempus opportunum, secularium more, rebus impensa, quæ & discordiæ semina iaciuntur, & modica erga prælatum fides ostenditur. Utinam sensus regulæ à multis expleretur! Profectò iussio illa, ut Prioris cella extruatur propè introitum loci, ut venientibus primus occurrat, gravis sanctio, & perfectionis monasticæ complexio quædam est. Dicite, rogo, si nemo è vobis venientes alloqui audeat, & humanis rationibus explosis ad superiorem omnia referret, veritus ne legem violaret, quàm longe abisteret ab ijs malis, quæ in rationum contextu recensuimus. Quantò esset laude dignior, Deo, & hominibus acceptior, qui nihil negotij quantumvis pij, se tentare velle sine prælati iussu fateretur, quàm qui se obtentu etiam pio, sine venia negotijs intruderet. Non estis adeo cæci, ut non liquidò perspiciatis illum hoc iustiorrem, ac prudentiorem esse: illum honestissimam excusationem è proprio statu ortam obtendere, hunc non aliter agere, quàm si obedientiæ voto non esset astrictus. Stultum est sanè, nolle pacem à

Deo

Deo concessa frui, & spinas ferere, quibus imprudens laceretur fator . Reijcite alienas curas, & quandiū licet, cogitatus omnes in Deum iactate. Hæc est pars libertatis vestræ nō exigua. Hæc ergo frui pergite, & in æternā libertatem suspirate.

Exhortatio de perpetuo orationis studio .

Cap. X I I I I .

V Erba regulæ, quibus cellarum custodia, & perennis oratio nobis præcipiuntur, digna planè sunt, quæ animis vestris non adacto ferro, sed suavi Dei spiritu imprimantur . Sunt enim legi gratiæ, & noui testamenti suauitati mirificè consentanea. Duo verò capita complectuntur, è quibus vnum, quod ad cellæ amorem pertinet, superius, vbi textus id exigebat expensum fuit; alterum quod ad iugem diuinæ legis meditationem spectat, nunc digerendum est. Principio ergo sensum capite . Animus quippè legislatoris est, siue in cellis, siue iuxta eas, vbi eremitico more separantur, monachum diuinis rebus intentum esse, debere, ac in ea animi intentione, quoad humana fragilitas fert, vbique persistere, nisi occupationes iustæ à prælatis iniunctæ orationem interpellent . Hic communis ac germanus sensus est : qui quam sit, vti præmisimus, noui testamenti suauitati consonus, ex eo liquet, quòd in lege gratiæ plurima vtriusque sexus millia, curis omnibus generosè despectis, in hoc incubuere, vt mentem in Deum semper intentam gererent, & casta diuini amoris oblectamēta alto mundi cōtemptu requirerent.

rerent. Quanti vero ponderis sit huiusmodi præscriptio, ex rationibus subiectis animaduertite.

Ratio prima. Ciuitas, quæ obsidione crudelium inimicorum cingitur, nocte, dieq. peruigilat, omnesq. vires exerit, vt auxilium ab ijs, qui illud ferre valent, obtineat. Res comperta est vniuersis, sed ijs maximè, qui obsessi fuerunt, & explosorum tormentorum crepitum cum subitanæ mortis formidine horruerunt. Quàm verò certum, vulgatumq. sit, nos ab hostibus sæuissimis obsideri, ex quotidiani officij monitu illo patet: Sobrii estote, & vigilate, quia aduersarius vester diabolus circuit quærens, quem deuoret. Verba profecto hæc tam crebrò repetita, quam raro pro dignitate perpensa, ea sunt, quibus aptiora in excubijs militaribus, instante prælio cogitari non possunt: quæ à sponsa Christi Ecclesia irruptionem formidante, ac salutis filiorum sollicita ante solis occasum quoridiè enunciantur. Si ergo absque intermissione obsidemur, & pericula tremenda, perenniter imminet, quid magis appositum, ac salubre, quam perennis oratio, & indefessa auxilij cælestis imploratio?

Ratio secunda. Tamen si externi hostes in nos impetum minimè facerent, corpus ipsum, quod corrumpitur, aggrauat animam, & bello intestino infestamur, vt congruat etiam monacho Apostoli sensus ille, *Mente serui legi Dei, carne autem legi peccati*. Si ergo intra nos bellum perenne geritur, è quò nisi ope cælesti victoria reportari nequit, iudicet quisque vestrum, quàm sit opportuna perennis oratio, ne corpori succumbat.

Ratio

Ratio tertia. Occurrunt crebra negotia, quæ solo humanæ providentiæ ductu non satis feliciter expediuntur, & quod quis oculatior est, eò certius apertius, necesse esse, lucem è cælo precari. Quin etiam ipsi quotidiani actus non sat fructuosè exercentur, si langueat studium perenniter orandi, quod, qui rerum diuinarum consultus est, ignorare nequit. Quomodò ergo nos, & nostra, & aliorum negotia pietatis intuitu suscepta geremus, si orationis curam intermittamus?

Ratio quarta. Prætexitur difficultas apparenter insuperabilis. Verum si regulæ sensus penitus capiatur, nihil excipi potest. Si enim negotia, quæ vulgò incompatibilia appellântur, puta lectio scholastica, scriptio, & id genus alia, quæ intellectu intento peraguntur, obstant, si ea pietatis gratia, uti decet suscipiantur, prævia directione consueta, orationis vicem gerunt, præsertim si pijs affectibus intercalatis in Deum referantur. Ijs autem exercitijs, siue actibus exceptis, totum id tempus, quod reliquum sit, diuinæ maiestati cur non consecremus?

Ratio quinta. Prætexitur adhuc arduitas. Quomodò enim aiunt, per totum tempus illud orationi vacetur, sine graui capitis decremento? Ceterum prætextus hic in speciem prudens facillè rejicitur, si varios orandi modos discernatis. Non enim regulæ sensus est, debere nos meditationi semper insistere, eo prorsus modo, quem statis orationis horis certo partium ordine exercemus: sed mitiore alio modo, qui ex Dei præsentia, & breuissimis, ac intercalatis meditationum

culis, varijsq. virtutum actibus, varijs item pijs cogitationibus cōponitur, ita vt, quoad fieri potest, monachus semper pium aliquid sine conatu, mente pertractet, nec deliberatē in res alias, nisi ex obedientiæ nutu, animum intendat. Hoc autem modo planē suavi perennitē orare minimē durum est.

Ratio sexta. Scriptum est, qua hora non putatis, filius hominis veniet, diuinoq. consilio animus noster oraculo hoc suspensus est, ne hora exciperetur vna, qua mortis insultus non timeretur. Si ergo quauis prorsus hora interire, & ad iudicium postulari contingit, profectō horis omnibus Deus iudex orandus, & propitiandus est. Vis rationis huius est planē fortissima, vt hoc liquet exemplo. Qui nauigant licet parūm pij anteacto tempore fuerint, statim ac animaduertūt, se ligno fragili vehi, præsertim vbi cœpit mare tantillum cōmoueri, compendiaria religione oratores euadunt, periculiq. imago menti iugitē impressa orationis exercitium protrahit. Res omninō perspecta est. Si autem mercatores, ac vectores alios rogetis, cūr tam perseverāter orent, respondebunt periculum perseverantē instare. Cū ergo in horas singulas cuiusvis ætatis funera videamus efferri, nosq. certō sed incerta hora efferendi simus, ac proindē in perpetuo discrimine versemur; quid aliud nobis tam salutare imperari potuit, quā vt perseverantē oremus?

Ratio septima. Intellectus noster non ita quiescit, vt nihil omninō meditetur. Cū ergo aliquid mente pertractandum prorsus sit, & ope di-

uina res caelestes contemplari, terrenas respicere possimus, mirum videtur, nolle monachum quem piam bonum habere delectum, & fluxarum rerum conceptus æternarum meditationi anteferre. Porro fatuus videretur, qui crystallinum vas pretio multo emptum, quod balsamo imbuere posset, mallet cæno replere. Si ergo intellectum diuinis conceptibus illustrare potestis, cur terrestribus obsecuretis?

Ratio octaua. Licet alia rationum pondera deessent, hoc vnum satis esse deberet, quod maiestas diuina nostræ consuetudinis cupidissima frequentius, quam dici queat, obliuioni ab hominibus traditur, per paucos inueniuntur, qui ei vacare perseveranter velint. Res porro notissima est. Si ergo & ij, qui orationis studium profitentur, pias meditationes leuibus ex causis intermittere, & mentis intentionem crebro relaxare consuecant, Deus in re, quam expetit maxime, à suis creaturis deferetur.

Animaduertite, patres, quid Deo spondere volueritis, ubi solemnia vota iuxta regulam nostram, nuncupastis. Perinde enim egistis, ac si in hæc verba professionem emitteretis: Ego promitto tria solemnia vota, iuxta regulam hanc, per quam mihi imperatur perennis oratio. Rem æstimate, & fideles promissi redditores estote. Consideret quisque vestrum, quid in seculo moliretur, si efficaci vocationis gratia à clementissimo Deo præuentus non fuisset. Quibus nunc rebus vacaret? Quibus negotijs dies, ac noctes impenderet? Hic iurisprudentiæ, ille medicinæ, alius

militiæ se totum dederet, nec exciperet horas, quibus institutum intermitteret, si ex continuo studio honores ampliores, aut lucra speraret. Non ne videtis pictores, & scalptores imaginum, quas fingunt, pulchritudine velut captos, quinas, & senas horas in opere perdurare? Quid iam de agricultoribus promam, qui proni dies integros, vix horam vnâ cæne, aut somni causa interquiescunt? An hi homines non sunt? An labor ille improbus difficilior non est, quàm iugis morulisq. breuib. intercesa meditatio? Cur ergo monachi rei difficultatem causentur? Ceterùm lentis oratoribus demus hoc, vt labor æqualis sit, dummodo fateantur illi, meritum esse cumulati. Si ergo fructus vberior est, cur æqualis labor detrectetur? At maiestas diuina his ignoscat iudiciis, qui diuturnam eius præsentiam inter molesta reponunt, quasi ex ea cõsuetudine non merita dumtaxat, sed oblectamenta cælestia neutiquàm promanarent. Iustè satis de monachis multis Deus conqueri posset, vt olim de ingrato populo, in hæc verba questus est.

Iere. 2. *Videte verbum Domini. Nunquid solitudo factus sum Israeli, aut terra serotina? quare ergo dixit populus meus, Recessimus, non veniemus ultra ad te?*

ac si planius sic effaretur: Quid est hoc? An ego, qui sum ipsa bonitas, euasi sterilis, instar terræ solitariae cultura carentis, aut terræ quidè. cultæ, sed fructum serò reddentis? Minimè quidem. Sum enim ingenio liberalissimus, more pinguis terræ cum fœnore multo propentum refundentis.

Cur

Cur ergo Israel à me recessit, statuitq. se ultra non reuersurum, quasi è mea consuetudine nihil boni demum expectaret? In hunc profectò modum de monachis eius præsentiam obliuioni tradētibus querimonias multas posset Deus efferre. Quicquid autèm alij cogitent, vos, quibus ingrati animi nota teterrima foret, ne Dei consortium respuite. Quærite potius Dominum, & confirmamini, quæritè faciem eius semper. Hæreat animo illud vatis diuini optatum, ac propositum: Tibi dixit cor meum, Exquisiuit te facies mea, Ps. 16. faciem tuam, Domine, requiram.

T E X T V S S E X T V S.

De horis canonicis.

HI, qui horas canonicas cum clericis dicere norunt, eas dicant secundum constitutionem Sanctorum patrum, & Ecclesiæ approbatam consuetudinem. Qui eas non nouerint, viginti quinque vicibus Pater noster dicant in nocturnis vigilijs, exceptis Dominicis, & solemnibus diebus, in quorum vigilijs prædictum numerum statuimus duplicari, ut dicatur Pater noster vicibus quinquaginta. Septies autèm eadem dicatur oratio in Laudibus matutinis. In alijs quoque horis, septies similiter eadem dicatur oratio sigillatim, præter officia vespertina, in quibus ipsam quindecies dicere debeatis.

Observatio thematum, quæ ex hoc textu peti possunt, ad exhortationes solitas.

POtest haberi sermo de officij diuini dignitate, & fructu. Præterea dici poterit de modo officium diuinum persoluendi.

Exhortatio de horarum canonicarum dignitate, & fructu. Cap. XV.

ECclesia militans, quæ ad triumphantem tantquam è bello ad pacem, iugi contentione suspirat, quoad per vitæ mortalis conditionem licet, ea præstare conatur in terris, quæ ad cælitum mores proximè accedant. Quo circa cum in superna Dei ciuitate felicissimus ille beatorum summo bono fruuentium cœtus diuinam maiestatem perpetua laude cōmendet antiquo ritu quotidianum horarum canonicarum pensum soluere consuevit, vt Deo, quam posset, laudem cælestes choros imitata rependeret. Quò quidem in officio, indefesso studio permansit ob immensam Dei gloriam, cui tot quotidie in orbe terrarum chori religione concordes, ac diuinæ charitatis fœdere sociati constanter acclamant, & ob eximium bonorum affectuum prouentum, qui ex eo planè angelico exercitio percipitur. Aequum ergo erit, patres, qui officij diuini vinculo innexi estis, eius dignitatem ac fructum è rationibus subiectis expendatis, vt horas canonicas religiosius recitare, ac fructu vberiore gaudere possitis.

Ratio prima Mos officij diuini statis horis recitandi sacer admodum, & perantiquus est: atque adeò caput extulit super ritus alios religiosos: videturq. quoddam nobilitatis insigne, quo clerici sacris ordinibus initiati à reliquo populo discernuntur, tanquam humanis ab officijs feriat, & soli addicti diuino. Hoc ergò officium sanctitate, & antiquitate commendatum, & velut opus proprium vobis demandatum, cui alijs curis abdicatis vacandum est, ita æstimare debetis, vt spontaneas preces alias cum illo comparare minimè audeatis. Inuenta quippe alia antiquo, & communi ecclesiæ instituto æquare, nefas creditur esse.

Ratio secunda. Officium hoc non ipso dumtaxat nomine, sed re vera diuinum est, habetq. cum angelicis choris communem quãdam planè diuinam mentis eleuationem verbis sacris, quæ proferuntur, consentientem, Eius quippè personæ latriæ actus est in diuinam maiestatem intentus. Si ergo quæ genere diuina sunt, & magni pendii, & religiosè admodum exerceri debent, profectò ex hoc capite ad horas canonicas multas, cum religione recitandas, vel canendas estis astricti. Quale enim portentum esset, diuina à vobis, quos oportet rerum diuinarum æquos æstimatores esse, parum diuine celebrari?

Ratio tertia. Horæ canonicæ sunt ipse textus Scripturæ sacre Spiritu sancto dirigente conscriptus, & sanctorum scripta, quæ spiritus ipse suggessit. Quis ergo adeò delirus sit, qui non consideret, quàm attentè, quàm puro mentis in-

tis intuitu ijs interesse debeat?

Ratio quarta. Perindè est horas canonicas persolvere, ac supplices libellos à Christo dictatos ad impetrandam salutem æterno Patri offerre. Si ergo libelli principibus terrenis porrecti ab aliquo, qui gratia apud eos valet, commendati, tantoperè æstimantur; quis non iudicet, hos nostros maximi fieri debere, & plurimùm interesse, qua mentis dispositione porrigantur?

Ratio quinta. Credendum est, Deum copiosius favere ijs, qui conceptis ab eo verbis vtuntur; vt eum colant, quàm alijs, qui varias precandi formulas excogitant. Quis enim adeo est obtusus, qui non dignoscat id tam perspicuum, precandi discrimen? Si ergo vberior gratiæ proventus est? quomodò pleriq. tam segnitè officium recitare assuescunt?

Ratio sexta. Horarum canonicarum pensum, quotidianus, ac perpetuus meritorum census est, preces verò aliæ spontè fuz non ità perdurant, & & facillè intermittuntur. Quantò ergo fructuosius est, perpetuos, & certos quasi redditus, quàm temporarios, & incertos magni facere? Profecto non leuitè seducuntur, qui preces nescio quales insolitas, & ad proprium sensum aptatas religiosissimè frequentant, & officium diuinum, lentè ac parùm accuratè persolunt.

Ex his, quæ deprompsimus, liquet, patres, quàm sit honestum, ac vtile canonicarum horarum debitum, qua decet pietate, diuinæ maiestati reddere. Ex quo efficitur, vt nisi desipere velitis, in opus hoc absque dubio diuinum sedulò

incum-

incumbere debeat. Cum enim Deus curas alias vobis ademerit, & in locum sacrum, tanquam patritios suos cooptauerit, ut eius laudes caneretis; meritò à vobis pœnas exigeret violatę fidelitatis, si alijs exercitijs cum officij diuini detrimento, videret intentos. Benè hæc nouit scũssimus nostrę salutis hostis, qui capturus incautos, exercitia alia varijs pietatis coloribus in speciem honestat., ut monachos à cœlesti exercitio diuerteret, subtiliq. astutia, alia dulcescere, hoc amarescere facit, ut victoriam eo fūco reportet. Ceterum rei dignitas, & utilitas vobis iã perspecta est, ut excusationē afferre nequeatis, si dulce honesto antefertis. Expendite Apostoli sensum.

Omnis, qui lactis est particeps, expers est sermo- Heb. 5.
nis iustitiæ, paruulus enim est. Perfectorum autem est solidus cibus eorũ, qui pro cõsuetudine exercitatos habent sensus ad discretionē boni, ac mali.

Si lacte mulcemini, paruuli consultò esse vultis. Si tamen solido cibo ali more grandĩ optatis, sensus internos ad rerum honestarum, & salubrium discretionem exercete. Quod si voluntas à vobis omninò expetitur, ne hac de causa torpeatis: certum quippè est, ecclesię cantu affectus suauissimos excitari: quod benè sensit Augustinus hac de causa plerũque vim lachrymarũ effundens, cui similes in hoc genere alios ætas nostra perspexit. Profectò, si sciretis, quàm sit è re vestra, hac etiam de causa, in cœtu iustorum Dei maiestatem ecclesiastico ritu laudare, ægre ferretis à choro abesse, ob eum multorum animorum in cælum aspirantium concentum externa,

preca-

precatione testatum. Si daretur semel saltem spiritualem cæli rorem, quo cœtus ille conspergitur, intueri; ad canonicas horas dato signo celeriter accederetis. Ibi quippe omnino verum probatur illud diuini vatis effatum:

Pf. 132. Illic mandauit Dominus benedictionem hoc est copiam, ubertatem.

Præmiserat propheta sociati cœtus laudem a bono, atque iucundo petitam. Non enim bonum modo, sed iucundum, siue voluptuosum est, iustorum cœtus interesse: quod illa subiecta roris hermonij Sionem humectantis similitudine satis expressit. Cæleste refrigerium, ros arcanus est, quo fatigatus animus ab æstu mortalis vitæ recreatur. Hinc, credo equidem, legitimi certatores nostri horarum canonicarum amore capti, die, nocteq. mira velocitate chorum petere, & ad laudes sacras celebrandas se accingere consueſcunt. Hoc imitamini, cum his ad victoriam generosè certate; & inter diuinas laudes gaudia vestra, & coronas vestras exquirite.

Exhortatio de modo diuinum officium persoluendi. Cap. XVI.

EXprimi nequit, quam religiose antiqui monachi diuinas laudes celebrare cōsueuerint. Nimirum rei dignitatem, & prouentum æqua celebrantes aptissimum fructui percipiendo modum inire curarunt. Modus autem ille ad duo potissimum capita redigi posse videtur, ad intentionem scilicet animi, & ad corporis decoram co-

ptatio.

prationē. Omnino enim decet, vt qui diuinæ maiestati sacrificium laudis oblaturus affistit, & mentem intendat, ne diuagetur, & corpus modeste componat, ne quid deforme præferat. Hęc fuit prisca, & penē angelica officij diuini persoluendi ratio, vbi Dei spiritus viros illos sanctitate claros afflabat: ceterum eorum posteri, nec animi intentionem, nec externam modestiæ disciplinam retinentes, ad lentum quendam & parum decorum canendi, & recitandi modum processerunt, qui teporem animorum facile indicat. Ab his longē abstinere, & ad antiquitatem propius accedere opus est, si quod professi sumus, explere velimus, quod vt feliciter succedat, harum rationum momenta perpendite.

Ratio prima. Non leuis irrogaretur iniuria principi mortali, si quis cum eo verba faciens spontē ad alia cogitanda diuerteretur, aut mentem lentē applicaret. Vtroque enim modo proderet, se principem non magni facere, quod æger rimē ferri solet. Si ergo diuersio, modicaq. attentio principem mortalem offendit, quid de immortali dicemus? Quis non acriter reprehēdat mentis euagationem, ac teporem, vbi cū infinita maiestate agere, eiusq. laudes efferre decretum est?

Ratio secunda. Non euagatio, aut corpor tantum, sed error multiplex alius idoneum diuinas laudes celebrandi modum perturbat, vel obtruncat, qualis error illorum, qui exercitia spiritualia importune, ac imprudenter officio diuino intrudunt, quibus ab intentione, ac deuotione maiestati diuinæ debitā animum auertunt. Cum enim

ipsæ officij partes, quæ Scriptura sacra, & sanctorum homilijs constant, sint satis pinguis animi pastus, digeriq. vix queant, si alijs exercitijs vario artificio compositis præstetur attentio; quis non animaduertat, per exercitia illa intencionem animi diminui, & vires in studia diuersa dissipari? Neque hoc loco prætexenda est pietas eorum, qui ad singulos horarum canonicarum versus, pedem, vel manum Christi Crucifixi osculantur, aliasq. adorationes certis numeris restrictas frequentant. Importuna quippè est tam exacta adorationum artificiosè succedentium observatio, quæ ab attentione principali, & à percipièdo officij diuini sensu animum certissimè abigit. Officij diuini pensum syncerè, & grauitèr, & sine labore, qui caput lædat, more Sanctorum in Deum referendum est.

Ratio tertia. Non modò mens in varia studia diuidenda non est, verum ad morem seraphicum omnes animi vires colligi debent, vt in Deum virtus vnita fortius feratur, quàm dispersa, quod totum illis latriæ actibus ità consonat, vt diuisio dissonet. Totum quippè hominem Deus in his religionis actibus sibi cupit assistere, & quicquid decerpitur, in eius iniuriam cedere videtur.

Ratio quarta. Prætexitur corporis pondus, quo deprimitur anima, ijs præsertim horis, quibus à somno surgitur. Verùm hæc iustorum prælia sunt, vt valide pigritiam excutiant, & corpus animo seruire cogant. Num somnum excusarent, si à principe mortali ad eius præconia celebranda vocarentur? Non dubium, quin sedulitate multa se ipsos

ipſos excitarent, ne quid indecorum appareret. Cur ergò erga omnium rerum conditorem non eandem diſciplinam obſeruent?

Ratio quinta. Prætexitur vel æſtius calor, vel frigoris aſperitas, quæ obſtant, ne corpus ita decore aptetur, ut par eſſet. Cæterum qualis prætextus eſt hic? Exploratum eſt, fortes Chriſti athletas hæc obſtacula deſpicere, & glorioſè ſuperare concepta diuinæ maiestatis præſentia, & functione tunc obeunda. Cur ergo alij ita non vincant? An qui vincunt homines non ſunt? Homines planè ſunt, ſed ope cæleſti hæc impedimenta depellunt. Vos ergo, patres, qui inter ignavos recenſeri non vultis, modum diuinæ officia exequendi ſpiritualem, decorumq. ſectamini. Cum enim ſtatus veſter angelicus ſit, turpè eſt, carnis concretionem prætexere. Quin etiam fatuum eſt, corpori in hoc opere non imperare. Si enim officium id ſub mortifero peccato quotidie explendum eſt, an vobis ſtultum non videtur, illud modo ad fructum minimè appoſito perſolvere? Etenim ſi officium omitti inculpate poſſet, ab huiusmodi moleſtia è corpore genita facilè vos expediretis: at cum id fieri nequeat, & onus illud omnino ſubeundum ſit; non ne perſpicitiſ, rem veſtram agi, ſi à vobis perfectiſſimè ſubeatur? De merito quidem, quod vos dignè æſtimare ſupponimus, nulla controuerſia obtenditur: Conſtitutū eſt quippè, religioſam mentis, corporiſq. coactionem auctioris meriti, quam irreligioſam eſſe. De ſola ergo rei difficultate diſceptari poſſet. Cæterum vos ipſos iudices conſtituo, ro-

goq. vtra sit grauior difficultas, in officio lente, ac incomposite perdurare, an sub initium tribus, exempli gratia, validis cordis motibus pigritiam excutere, & ad reliquum tempus, mente intenta, corpore aptato, capiteq. exonerato euigilare? Porro respondebitis, rem esse experientia probatam, multosq. qui videbantur somno opprimendi, aut repente incidentibus doloribus torquendi, alijsue modis diuertendi ab officio, serenitatem quandam, & libertatem caelestem praemissis aliquot mentis ascensibus nactos fuisse. Rectè quidem: nos etiam id ipsum obseruasse fatemur. Si ergo is modus non solum meritis fecundior, sed facilius est; quid existimatis sentiendum de monacho, qui foris loquax, in choro mutus, foris agilis, in choro grauiter oppressus deprehenditur? Quid de illo censebitis, qui breuiarium sustinere non posse videtur, qui omnia circumspiciat, & captum exeundi cupidus accelerat? Recolite Seraphim, quando (iuxta Isaiam) clamabat alter ad alterum, Sanctus Sanctus Sanctus, & humanam fragilitatem aspernati seraphicos mores aemulamini. Recolite Sanctorum consuetudinem, vt recitetis psallatisq. sapienter.

Ps. 46. Quid putatis, sibi velit vox illa, sapienter? perinde est, ac si diceretur more sapientum, qui sensa diuina percipiunt eorumq. dulcore delectantur. Eloquia Dei dulcia esse è psalmographo didicistis, per verba illa,

Ps. 118. *Super mel ori meo.*

Si ergo melle dulciora sunt, profecto sapienter psalli, ac celebrari decet. Hæc ergo alte recondite, hæc

te, hæc cogitate, & animis in cælum intentis, corporibusq. modeste coaptatis in quotidiano diuinarum laudum officio, choros angelicos imitari certate.

TEXTVS SEPTIMVS.

De non habendo proprium.

N Vllus fratrum sibi aliquid proprium esse dicat: sed sint vobis omnia communia, & distribuatur unicuique per manum Prioris, vel per fratrem ab eodem ad idem officium deputatum, prout cuique opus erit, inspectis etatibus, & necessitatibus singularum.

Observatio thematum, quæ ex hoc textu duci possunt, ad exhortationes solitas.

D Ifferi potest de vita communi. Mox agi potest de recurſu ad Priorem pro rebus necessarijs. Possent, & alia pertractari quæ ad Prioris officium attinent: verum scripto huic non congruunt, nisi ea, quorum ipse monachos debet admonere.

Exhortatio de bono vitæ communis.

Cap. XVII.

C Ommunis vitæ bonum adeo excelsum, ac diuinum est, vt qui disciplinæ monasticæ consulti sunt, id & summis præconijs extollant, & pro eo sustinendo nullum laborem formidandum esse

consentiant. Habet nempe id bonum cum celesti patria affinitatem non exiguam, quā prae oculis deesse habere. Vt enim commune beatorum æterna pace fruuntium bonum cuique, proportionē seruata, totum cōmunicatur, nec alter alteri illius cōsortium inuidet; Vitā in cœtu monachorum communem vitam ducentium, quicquid habetur boni, ita est omnium, ut sit quoque singulorum, quoad opus est; nec patet inuidentiæ locus, ubi in quotidianæ prouidentię decursu, non personæ sed necessitatis modus expenditur. Vitæ ergo cōmunis, beatæ vitæ adumbratio quædam est. Hinc efficitur, ut generis humani hostis, qui à vita beata, qua caret, inuidentię stimulo percitus homines conatur auertere, simili quadam peruerfitate monachos à communi vitæ studio enicatur dimouere: quod portentosa ordinum multorum ruina testatur, Danda ergo opera est, ut bonum hoc, quod celesti munere apud nos integrum perstat, accuratissimo studio conseruetur, quod his rationibus videtur persuaderi.

Ratio prima. Exploratum est, communem vitam pacis esse feracem; cum non subsit dissensionis causa, ubi nemo quicquam, uti proprium sibi vendicat. Pacem autem vniuersę creaturę appetunt, & quam sedulo possunt, inquirunt; cuius veritatis experientia notissima est, nam & bella geruntur pacis acquirendæ gratia, ut crebris liquet exemplis: præterquam quod passim cernimus, & animantes, & res sensus expertes ad quietem, hoc est, pacem quamq. suam naturali propensione moueri. Si ergo vitæ communis ratio

pacis

pacis vbertate fecundatur, qui fieri potest, ut monachus tanti boni conscius, eam non alere, ac promouere conetur?

Ratio secunda. Vbi in commune pietate monastica viuitur, monachi singuli quadam sane nobili conditione gaudent. Quemadmodum enim orbis terrarum principes, quæ ferula apponenda sint, quod triticum emendum, quænam alia victui opportuna seligenda minime cogitant, sed cura alijs demandata bonis paratis fruuntur; ita & monachi: quod ita perspectum est, ut nec à proteruis negari posse videatur. Et quidem quicquid alij sentiant, vos quotidie ad mensam accumbitis, & nulla præuia cura victu necessario diuina providentia nutrimini, quod de vestitu, alijsq. ad hanc vitam requisitis asserimus. Si ergo hæc vitæ communis ratio vos principibus similes efficit, & à sordida conditione plebeiorum villa tractantium eximit; profectò non ob rationes tantum diuinas, sed ob politicas, si eo nomine uti liceat, eam alere, & perficere deberetis.

Ratio tertia. Ij, qui paupertatis votum fideliter obseruant, Deum quasi fideiussorem habent, cuius est curam gerere eorum, qui omnia reliquerunt, ut ex ipsius providentia dependerent. Ex quo efficitur, ut Clementissimus Deus monasterijs, vbi nihil possidetur, diciturue proprium, liberaliter adsit, & in rebus etiam esculentis augendis miracula interdum patret, quod è monasticorum ordinum chronicis, & nouissimis quoque Congregationis nostræ constat historijs. Si ergo, qui communis vitæ fidus custos est, Deum

annonæ velut sponforem habet, quomodo in eius vitæ studium non constanter incumbet?

Ratio quarta. Monachi ad peculia degenerantes infelicissimum hominum genus est, cum in claustris Deo dicatis easdem curas suscipiant, quas in matrimonio gessissent. Victum quippe vestitum, lectum, libros, supellectilem variam contrahunt, & cellas farciunt, tam solícite, ac seculares auari, qui rei familiaris sicim explere nequeunt. Cum hac verò solícitudine immodica, orationis, officij diuini, sacrificij missæ religio quomodo possit coherere? Status profectò lugendus est, quem dum perhorrescimus, in communis vitæ cultû impensius conspirare debemus.

Ratio quinta. Plurima, & sanè tremenda mala ex proprietatis vitio existunt, vt adulatio ad beneuolentiam secularium diuitum captandam, recursus ad consanguineos, iurgia in cœnobijs ob peculia ab alijs vsurpata, vel mutuò accepta, nec reddita, aliaq. eiusmodi, quæ nimis prolixum foret per censere. Ceterum ea omnia ad hoc vnum caput compendio rediguntur, quod ea vitæ ratio in æternæ damnationis periculum suos sectatores adducit, & cōscientiam præsentis remorsu dilacerat. Hæc omninò vera, & testata sunt. Si ergo per vitæ communis studium hæc damna vitantur, & libertas à mundi seruitute, monastica perfectio, conscientie pax, & sempiternæ vitæ spes imis radicibus nixa multis incrementis augetur; qualis dementia foret, vitam hanc cælestem, vel minima ex parte deferere?

Omninò credendum videtur, neminem è vobis

tam

tam fore suæ salutis immemorem, qui proprietatis à sanctis damnata non modo vitium, sed & nomen non detestetur, sicut regulæ textus exigit. Nemo, inquit, aliquid sibi proprium esse dicat. Satis esse videbatur, paupertatis votum superius præscripsisse, cum quo nequeunt sensa, & verba illud vitium innuentia conciliari. Ex quo enim monachus paupertatis votum emisit, mendacij arguitur, si vel solo nomine sibi quicquam attribuat. Si ergo id verum est, quorsum hæc secunda tam exacta præscriptio, ne quis aliquid sibi proprium esse dicat? Nimirum res, de qua agitur, pondus habet immensum, debuitq. ad eius observationem, non operum tantum, sed verborum forma decerni. Ex quo inter nostros pronomina illa meum, & tuum horrore sunt, vestimentumq. quo induitur, non meum, sed nostrum quilibet appellat. Verum non hic consistendum est: ulteriusq. progrediendum, donec animus, vti fidus voti custos, ijs rebus, quæ per obedientiam ei concessæ sunt, & quibus maximè indiget, ita utatur, ut cordi non hæreant, atque molestè non ferat, si repellantur, auferantur permutentur: Qui huc non pertingit, licet graui vulnere conscientiam non fauciauerit, facile reuincitur, aliqua tandem vitij proprietatis initia libenter admittere, nolleq. venenatam mali radicem euellere. Radix quippè, quæ prodigiosam postea succrescit in arborem, affectus ille immoderatus est, quo monachus res concessas ita retinet, ut earum ablationem indignè ferat. Hoc initium est; neque enim timorati animi in scopulos statim grauium peccatorum

impingunt. Amor autem proprius vires sensim acquirit: & vbi satis creuit, procline est, interdicente etiam Prælato, quod arctè adhæsit, nolle relinquere. Capite ergò vulpes paruulas: leues culpas ne serpere patiamini. Non enim vos, vt

Iosue Achan, vel vt Petrus Ananiam, & Saphiram redarguo, sed ad profectum adhortor. Achan furatus est aliquid de anathemate, qui propterea lapidatus est, quod abstulerat, ignis absumpsit. Ananias, & Saphira de pretio agri venditi partem retinentes morte repentina sublati sunt. Anathema est, quicquid post nuncupatum paupertatis votum affectu immoderato vsurpatur: fraus est, quicquid abdicatis iam rebus, aliquo proprietatis sensu latente possidetur, Longè malum hoc propulsandum est, cautione rerum, exiguarum præuia, quæ noxias herbas recenter ortas, vti falx exacuta resecet. Profectò tamen si alia non timerentur damna, quam diuini amoris decrementum, deberemus nos omnes minimas in hoc genere culpas, vt mortem ipsam refugere: verum est quippe illud Augustini meritò celebratum. Minus te amat, qui tecum aliquid amat, quod non propter te amat: cum ad proportionem amoris rebus temporalibus impensi, nec ad maiestatem diuinam directi diuinus decreseat amor, fatuo mercatore aurum cæno permutante. Absit à vobis infania hæc eò execrabilior, quò plura secularia bona reliquistis, vel relinquere optastis. Mirum sanè foret, vt amore vilissimæ vestis ad vsum permissæ tam vehementer caperemini, vt quædam vitij proprietatis vesti-

gia imprimerentur animis, qui pretiosa mundi ornamenta spreuerunt. Estote magnanimi mundi contemptores: nudi cum hoste nudo congregi satagite: & communem vitam à patribus nostris hæreditatis amplissimæ loco acceptam, legitimo rerum usu conseruatam, & auctam ad successores nostros generosè transferte.

Exhortatio de recurſu ad Priorem pro rebus necessarijs. Cap. XVIII.

Observatione profectò digna est regulæ præscriptio, qua decernitur, ut è communibus bonis, quæ christiana charitas in cœnobis intulit, Prior per se ipsum, vel per alium, cui curam demandet singulis iuxta ætatem, necessitatemq. opportuna provideat. Hæc quippè sanctio Prælatos, ac subditos stricto quodam charitatis vinculo connectit, ut Prælati paterna providentia, subditis adsint, subditi verò ad Prælatos velut ad parentes fidenter accedant. Omnino enim æquum est, ut nos qui vestri curam gerimus, vobis, qui omnia reliquistis, ut Christum sectaremini, parentum loco simus, teneroq. affectu non patris tantum, sed matris ac nutricis functiones obeamus, ut olim Moyses in populum, sicut scriptum est:

Nunquid ego concepi omnem hanc multitudinem, vel genui eam, ut dicas mihi, porta eos in sinu tuo, sicut portare solet nutrix infantulum?

Num.
11.

Hic Dei sensus fuit, ut Moyses ita afficeretur in singulos, ac si eos concepisset, vel genuisset. Hunc etiam sensum Apostolus expressit in filios, quos

cum

cum semel parturijsset, iterum se parturire professus est, ut in eo maternum affectum dignoscerent. Hunc & nos sensum erga vos habemus, & omnem operam pollicemur, ut officij nostri partes expleamus: qua de re plura subtexere non oportebit. Reliquum ergo fit, ad amoris fœdus utrinque sanciendum, ut vos in quavis occasione ad nos fidenter recurratis, quod his rationibus Deo opitulante suadebimus.

Ratio prima. Quamdiù præsumus, institutio Dei est, ut paternam curam geramus. Si ergo Clementissimus Deus curam hanc nobis licet indignis credidit manifestum fit, eos, qui parentes alios quærunt, ut obtineant ea, quibus indigent, Dei voluntati reluctari. Quocirca credendum non est, filios parentem declinantes Deo infesto unquam fore felices.

Ratio secunda. Licet Prælati monachus aliàs imperfectus sit, ex quo tamen cooptatus fuit, ut præfesset, Deum velut sponsores habet, ut ei lucem infundat, instruatq. ad subditorum bonum, quod gratiæ divinæ genus alijs, qui minimè præfident, non æquè impenditur. Hoc certè nostis; hoc plane creditis. Si ergo quod proferimus, cognoscitur, & creditur; quonam consilio Monachus Prælatum adire recusat? E quibus lacunis aquam haurire gestit, qui fontem à Deo probatum nactus est?

Ratio tertia. Admittamus, Monachum Prælati non fidentem aliundè tandem necessarium aliquid elicere Prælati ipsius venia ad id retinendum impetrata. Nolumus enim de ijs agere, qui
sine

sine consensu Prioris quicquam retinere certant, quos Deus inter nostros hucusque non permisisse videtur. De his ergo qui peius errant, minime differimus, sed de ijs, qui aliquo denique obedientiæ nutu, quæ optant, habere contendunt. Rogamus nunc, ipsi norunt, se parùm fideliter, libros, vestesq. has, aut illas, habito ad alios, quos Deus non elegit, recurſu obrinuisse. Quomodo ergo pæato animo illis vtuntur? Reſpōdebunt, se tandem Prioris veniam impetraſſe. Ceterum mirabile est, Monachos hoc prætexere, quos oportet germanam obedientiæ notionem peperisse. Nonne apertè perspiciunt, licentiam illam penè coactam esse: & Priorem, ne ipsi peiora committant, conuiuere fragilitati, qua laborant? Nonne vident, recurſus illos, quos captant Priori displicere, veniamq. non spontè natam, sed extortam esse?

Ratio quarta. Qui re aliqua indiget, nec ad Prælatum recurrit, ei proculdubio iniuriam itroget. Eo quippè ipso prodit, se non habere parentis loco Prælatum, neque credere, se habere Pontificem, qui ei compati velit: quod ab ea sinceritate, quæ bonorum Monachorum nota est, longè distat. Iam autem id à Prælato deprehendi, certo statuimus, cum adeò stupidus non sit, ut modum hunc agendi parùm fidelem minime dignoscat. Si autem dignoscit, facillè videt, se non, ut par esset, æstimari; atque adeò perspicit sibi iniuriam inferri. Quid autem boni contingat ei, qui patrem iniuria afficit, & in sententia perſiſtit?

Ratio quinta. Prætexitur aliquid à Priore negari.

gari. Verùm adeò indomitæ passiones ferociant, ut monachus à prælato, quæ occurrunt, postulare nolit, quòd rem aliquam non indulserit? Hæcine est monastica perfectio, ut quia semel, aut bis chartæ folium non concessit, statuatur monachus, se non ultra ad eum, qui Dei loco præest, recursum? An si in seculo remansisset, parentes proprij omnia concessissent postulata? Profectò prælati nostri in hoc genere mitiores, ac promptiores, quàm parentes seculares esse solent, non in ijs dumtaxat, quæ ad necessitatem, verum etiam in ijs, quæ ad solatium pertinere videntur. Quapropter à vero monacho prælati fuga velut barbari, ac effæratì hominis culpa censenda est. Quid expectatis, patres? Quid de productis rationibus vobis videtur? Omnino credendum est, nullam legitimam posse excusationem obtèdi ab ijs, qui ob raras, modicasq. repulsas terga prælato vertunt, noluntq. mitescere. Etenim non usque adeò certum est, quicquid à monacho petitur, esse disciplinæ monasticæ, ipsiusq. postulantis salutis consentaneum. Quid ergo mirum, si prælatus nonnunquam, quæ poscuntur deneget? An quia non indulget noxia, non impertietur salubria? Neque obstat, quod degeneres prætexunt, se iusta deposcere. Quid enim si eis iusta videantur, & Prior secus censeat? Vtra sententia non solum monasticè, sed ciuilitè præferenda est? Cæterum quid cunctor? Ilj ex nostris, quos veris virtutibus absque exceptione præditos esse, fama est; non ità cum prælatis disceptant. Non excandescunt, si petita non impetrent. Quinetiã

cum

cum prælatis paciscuntur, ut pleraque abneget, atque in hunc modum exerceri satagunt, bene fidentes necessaria sibi non defutura, quod ex voto succedit. Conferte modo monachorum classes duas, alteram eorum, qui ex denegato leui postulato irritati, ad Priorem se in posterum recurrere nolle decernunt, alteram eorum, qui sibi, quæ præsertim concedenda videntur, prohiberi contendunt. Classes circumspicite, classium merita comparate. Quid ergo respondebitis? Nos iudicium feremus: Arcta est via, quæ ducit ad vitam. Felices monachi, qui sub agonis finem longum rerum interdictarum catalogum Christo cognitori legendum, ut more nostro dicamus, exhibere poterunt. Quam cumulata mercede gaudebunt? Satis rem calletis: Honestum agnoscitis. Percutiamus ergo coram diuina maiestate superius indicatum amoris, & monasticæ perfectionis fœdus, ut nos scilicet paterno affectu vobis ad regulæ sensum inspecta ætate, & necessitate res opportunas distribuamus, vos verò filiorum vñ fiducia, illas candidè postuletis, & si quid interdum negetur, aut prorogetur, boni consulatis. Ac in hunc modum, pro decore domus Dei, erecti spe salutis æternæ dimicemus.

T E X T V S O C T A V V S.

Quod licet habere in communi.

A Sinos autem, siue mulos, prout vestra expostularit necessitas, vobis habere liceat, & aliquot animalium, siue volatiliū ad nutrimentum.

Obfer-

*Obferuatio thematum, quæ ex hoc textu peti
possunt ad exhortationes solitas.*

D Ici poterit de diuina erga nos in rebus quo-
que infimis prouidentia. Deindè posset
differi de vsu iumentorum ad modestâ vecturam.

*Exhortatio de diuina erga nos in infimis quo-
que rebus, prouidentia. Cap. X I X.*

D Vm præsentis textus sensum contemplor, su-
bit mentem illud, quod per Ieremiam Cle-
mentissimus Deus extulit.

*Iere. 31. Factus sum Israeli pater, & Ephraim primo-
genitus meus est.*

Ita enim erga nos afficitur Deus, vti pater er-
ga primogenitum affici solet, dum in rebus quo-
que minimis nostri curam gerit, quod ex hac re-
gulæ præscriptione conuincitur. Legislatoz quip-
pè diuino, vt credi debet; spiritu afflatus anima-
lia alia ad vecturam, alia ad nutrimentum ægro-
tantium, vel etiâ prosperè valentium haberi pos-
se decreuit, vt ad omnem euentum monachis ne-
cessaria suppeterent, omnemq. proindè curam in
Dei prouidentiam reijcerent. Textum explorete,
& comperietis iumenta ad onera varia in clau-
strum inferenda, vel ad monachum aliquem pe-
destre iter facere non valentem, vehendum, vo-
latilia verò, & animantia alia, vel occisa in esum
ægrorum, vel viua in fœtum ouorum, & lactis ad
ægros valentesq. pascendos destinari. Quid ergo
sibi

sibi vult hæc tam accurata rerum modicarum præscriptio? Ij, qui spirituales oculos nati sunt, facile animaduertunt, diuinę opus providentię fuisse, vt in textu adeo breui, & graui hæc Dei erga nos cura testata remaneret, vt nos, nostraq. omnia in eum referremus: quod subiectæ rationes euincunt.

Ratio prima. Deus Clementissimus certo hoc regulæ capite prælatos monitos voluit, vt ægris, beneq. valentibus, siue domi, siue foris, siue in aduersa, siue in prospera valetudine prouiderent ea, quæ sanè ad omnem euentum opportuna videntur. Si ergo hæc iam præmonita, & prouisa sunt, quam erit cæcus monachus, qui diffidentię morbo laborauerit, & sui curam in Deum minimè retulerit?

Ratio secunda. Hæc diuinitus inspirata regulæ pars obliuioni tradita non est, cum prælati eam, quo ad opus est, fidissimè exequantur, vt quisque vestrum crebra experientia perspectum habet. Quid ergo queritis? Quid cogitatis, si in animis vestris vlli sollicitudini aditus patet? An esse vultis è numero illorum, qui malè locuti sunt de Deo? Expendite, quia nam ratiocinandi arte vsi sint. Percussit petram, & fluxerunt aquæ, & torrentes inundauerunt. Hoc prouidentię genus planè mirandum iam ipsi experti fuerant, & tamen sic rogant: Nunquid & panem poterit dare, aut parare mensam populo suo? Stulta hæsitatio de potentia, aut voluntate Dei. Debuerunt sententiam in hunc modum contexere: Percussit petram, & fluxerunt aquæ: Ergo & mensam non solum poterit

terit parare, sed parabit. Vos ergo, nisi ex antea Dei prouidentia de futuris euentibus spem altam concipitis, in populum parum fidelem degeneratis.

Ratio tertia. Ex quo monachus exemptum, hoc vite nostræ genus profiteri cœpit, probauit illud oraculum.

Pl. 54. *Iacta super Dominum curam tuam, & ipse te enutriet.*

Liquidoq. cernit, id iuxta Dei fidelitatem, in minimis quoque rebus euenire. Est enim coruus appensos rostro cibos, vt Elia, ac Paulo primo Eremitæ non deferat, ysitatiore alio modo necessaria prouidentur. Quoties autem creditam Deo sui curam resumit, oraculum improbat illud, nec iam à Deo nutriri cupit. Quis autem non iudicet, stultam esse hanc mentis mutationem, quandoquidem nullius creaturæ prouidentia diuinam valet æquare?

Ratio quarta. Bonorum monachorum mos est, vbi consanguinei, vel amici quicquam ægris, aut valentibus offerunt, illud respuere, ne humana prouidentia diuinam excludat. Cum enim sui curam in Deum coniecerint, & prælatorum fidem in regulæ præscriptionibus explendis probauerint, nolunt iniqua commutatione seduci. Cur ergo non omnes hanc doctrinam secutur? Quid meditatur, qui sui curam à Deo, & prælatis susceptam externæ prouidentie incertæ, & carptim succedenti non anteponit?

Ratio quinta. Rogamus, an qui curam gerit, iumenta, pecora, aluliaq. vobis nihil cogitantibus

bus parandi, in rebus grauioribus vos deserturus credatur? Respondebitis, omninò certum existimandum, ea quæ maiora sunt, & quæ statum decent nostrum, à Deo prouidenda. Si enim ipse libentius largitur spiritualia, quæ nobiliora sunt, quàm temporalia, quæ illorum dignitatem non æquant: cur non credatur largiturus ea temporalia, quæ alijs pretiosiora sunt, si deceant, & ad bonum status nostri conferant? Si ergo firmis rationibus nixi cēsetis, nihil ad status vestri decetiam, sine vlla vestra sollicitudine defuturum; animaduertite, quam debeatis à curis superuacaneis abhorrere, & totum, quod estis, vni Deo rerum vestrarum curatori sacrare.

Credo equidem vos ita esse animo comparatos, vt & diuinam erga res nostras prouidentiam commendetis, & vos totos in Dei curam dedere velitis. Ceterum non satis propterea fit officio, cui obnoxij estis ex tot beneficijs, quæ Deus quotidie confert, in ijs quoque rebus, quæ textu regulæ tactæ sunt. Quæ enim seculares summis laboribus ad se alendos hinc inde conquirunt, vos ab ipsis donata sine molestia vlla sani, ægriq. percipitis. Reddite ergo multæ tributum gratitudinis, quæ fons diuinæ largitatis velut incitatus fluat vberius. Rem hanc attente obseruate, ne in errorem illorum incidatis monachorum, qui non magis diuinorum beneficiorum experientia molliuntur, quam si stricto iure illa eis deberentur; quibus æquo iudicio rependi solet, vt ea subtrahantur, & inopia simul ac spiritus ariditate vexentur. Alebat eos primum Deus, vt nutrix

infantulos: postea ingratos ablaſtat. Non ne vobis videtur ablaſtandus, hoc eſt dignus, qui paſtu priuetur, is, qui dum quotidianā Dei prouidentiam ad ægroſos, valentesq. ſolandos, & promptuaria implenda in cœnaculo, cibo ſumpto, vt mos eſt, referri audit, nihilo gratior euadit, quā ſi cenſum, quem ē proprijs bonis inſtituiſſet, acciperet? Porro ſpirituales monachi dum eleemoſynas recenſeri audiunt, & officinas bene inſtruſtas circumſpiciunt, multa animi demiffione, & gratitudine, cor in gratiarum actionem attollunt, & procuratorem ſedulum Deum appellant. Fidelis monachus crebrò recolit illud ſanè ſuauiſſimum diuini vatis aſſertum,

Pſ. 122. Dominas regit (ſeu paſcit) me, & nihil mihi deerit.

Nihil ſanè deerit ijs, qui nihil præter Deum exquirunt; nā ijs, qui degenerant, omnia deſunt, contingitq. illud, quod Hebræis olim accidiſſe Ieremias commemorat in hæc verba:

Thren. 5. Aegypto dedimus manum, & Affyrijs, vt ſaturarentur pane.

Inconſtē enim cum ſecularibus tanquam cum Aegyptijs, & Affyrijs pacta, vt corradant neceſſaria; qui ſi Deo ſe totos deuouerent, haberent etiam commoda, & delectabilia. Ne ergo ſœdeta peregrina requiratis, ſed ſub Dei tutela requieſcite, & vt ipſe liberaliſſimus prouiſor vobis ad-eſt; ita & vos omnem ſolicitudinem ad eius deſœcatum amorem, & ardentiffima cœleſtis patrię vota referte.

*Exhortatio de usu animalium ad modestam
vecturam. Cap. XX.*

PArs providentiæ in Superiori exhortatione, laudatæ est usus animalium ad vecturam. Cum enim non omnes monachi pedites iter facere possent, expedire visum est, iumenta non modo ad onera gestanda, & ad ægros, aut debiles vehendos haberi. Quod non temere præscriptum censendum est, cum regula in infimis quoque rebus cælesti consilio dictata videatur. Et quidem rationi, ac disciplinæ monasticæ mirifice congruebat, ut gens, quæ humilitatem à primæuo statu professæ fuerat, in ijs præsertim occasionibus, humilem disciplinam retineret, in quibus facilior lapsus, & excusatione dignior videretur. Perfacile quippè erat, ubi morbus, aut imbecillitas ad esset, equitandi morem parum modestum induci: cui malo, anteverso tempore occurrere legislator optavit, dum eam providit vecturam, quæ discipulorum Christi humilitatem, ac mansuetudinem deceret, & nihilò secius instanti necessitati, iuxta charitatis legem minimè deesset. Hæc antiqua institutio, & consuetudo fuit, ubi necessitas cogeret. Ceterum lapsu temporis, & spiritus tepore apud nonnullos equitandi licentia, & abusus introductus est à quo per subiectas rationes vos priscæ sanctitatis æmulos cupimus dehortari.

Ratio prima. Status nostri decor, & proportio exigit, ut quemadmodum diversam à secularibus vitam domi ducimus, hoc est, austeriorem,

parciorem, humiliorem, ita extra claustra, ab eorum moribus discernamur. Si ergo domi vescimur, cubamus, induimur modestius, quale monstrum erit, ut statim ac iter inchoamus, nulla in equitandi commoditate cernatur discretio? Profectò nullus hic ordo, nullus decor deprehenditur, sed aperta deformitas seipsam ostendat.

Ratio secunda. Ex abusu equitandi exoritur enormis expensarum abusus, quod nimis comperitum, & vulgatum est. Quomodo autem cum emissio paupertatis voto ea licentia cohærere possit, cum alij eodè astricti voto aut pedites incedant, aut humiliter vehantur, ne tot, tantosque sumptus faciant? Porro res hæc timoratos animos non leuiter vexat.

Ratio tertia. Qui secularium more equitare contendit in religione inopi; arte non prorsus syn cera, aliunde viaticum elicere satagit, ac proinde multa committit, quæ spiritui non leuiter officiant. Res planè testata est: atque utinam non adeò frequentè accideret. Quis ergo huiusmodi abusum non perhorrescat? Quantò esset religiosius mori velle, quàm hunc abusum latè serpentem alere?

Ratio quarta. Qui hæc non curant, & leuibus de causis itinera frequentant, bonum suæ Congregationis nomen obscurant, deformi exemplo altè impresso, quod multis alijs modeste viam carpentium exemplis minimè deletur. Certum est autem, hoc culpæ genus ex ijs esse, quæ à Deo severe puniuntur, cum commune bonum, & multis pijs laboribus partam totius

Con-

Congregationis existimationem deterat.

Ratio quinta. Licet nulla ingruerent mala, rubor ipse, quo suffunduntur isti equites, ubi monachos alios æqualē, aut fortasse minorem austeritatem professos obuios habet, deberet eos ab hoc proposito detertere, ut necessitati, si qua vrget, humiliore vectura, quantum sat foret, occurrerent.

Has, quæ nervosæ videntur, rationes trutinante, patres, & instituti nostri decorem ne contemnite. Non est res adeo levis, quæ reticenda, vel oscitanter prætereunda sit. Recolite antiquos maiorum nostrorum mores. Christum a sella insidentem, in urbem sanctam ingressum cogitate. Non vectus fuit equo phalerato, vel commodè strato; neque enim ferox animal, ornatus & comeditas mansuetudini, humilitati, & inopiæ congruerent. Mundus nostro eget exemplo. Opinio, quam de nostra simplicitate concepit, non sine spiritus iactura interiret. Nos insequentem fugimus mundum, ut olim David pedester Absalonem. Rogo vos, qua fiducia Deum precabitur in medijs itinerum periculis, qui suam Congregationem vectura immoderata quasi dives secularis oppugnat? An Deus apostolicæ disciplinæ osorem tuebitur? Quid si in diuersorij, aut densis saltibus monachus ad commodè equitandum bene nummatus à latronibus obsideatur, & quicquid congegessit, cedat in prædam? Quanto foret honestius, ut nudus, & inops reperiretur, & inuasores ad commiserationem flecteret? Non fert animus necessariam vecturam dissipare, sed superuacaneam, & profanam, cui qui assuescit, Deo displi-

cet, commune bonum labefactat, & hominibus fit palam exosus. Notum est, nonnullos è nostris hac in re laudatissimos fuisse, qui ubi iniuncti à prælatis itineris labor incubuit, non conciderunt animo, neque quicquam disciplinæ monasticæ aduersum admiserunt: atque utinam horum numerus foret auctior. Vos verò, certo statuentes in omni disciplina, quæ perfecta, & omni ex capite absoluta sunt, à generosis animis exquiri, à lentis, & ignavis minimè attingi, nervos intendite, & selecto paucorum numero ascribi conamini. Post labores exhaustos quies porro dulcissima succedet. Hanc plerumque meditamini, ut ad vincendam virtutis arduitatē roborescimini. Ab exilio chaldæorum in charissimam Ierusalem gens, quæ iter laboriosum confecerat, alacriter reuersa est. Vos ergo viam arduā ne refugite, ut in supernam Ierusalem lætus, quem optatis, succedat ascensus.

TEXTVS NONVS.

De Oratorio, & cultu diuino.

O Ratorium, prout commodius fieri poterit, construatur in medio cellularum, ubi mane per singulos dies ad audienda Missarum solemnia conuenire debeatis, ubi hoc commodè fieri potest.

Observatio thematum, quæ ex hoc textu duci possunt ad exhortationes solitas.

P Otest fieri sermo de legitima Missæ celebratione, & ministrantium officio. Potest etiam
differi

differe de incundo modo aliquo ad fructum Sacrificij percipiendum.

Exhortatio de legitima Missæ celebratione, & ministrantium officio. Cap. XXI.

E textu regulæ, qui modo lectus est, liquet, patres, olim non tot ad Sacerdotium promoueri solitos, ac ætate nostra. Ea quippè de causa decernere oportuit, ut in Oratorium quotidie monachi conuenirent, & vni saltem sacro interessent. Nunc verò postquam sacerdotum creuit numerus, antiquæ disciplinæ ratio nonnihil mutari debuit: atque ad eius mutationis proportionem exhortationis forma variabitur. Dicemus ergo de legitima Missæ celebratione, ut tam Sacerdotes, qui plures iam sunt, quam alios altaris ministros, ad grauissimas functiones ritè obcundas exhortemur, quod sanè officij nostri ratio exigit. Quanti verò momenti sit legitima iuxta ritus ecclesiasticos celebratio, ex his rationibus expendite.

Ratio prima. In veteri testamento planè præscriptio fuit sacrorum rituum, quibus Aaronici Sacerdotes, alijsq. templi ministri fungi iuxta legem scriptam debuera. Si ergo Deus ab illis sacerdotibus, & ministris tam exactam ceremoniarum obseruationem exegit; quàm erit æquum, ut à noui testamenti sacerdotibus, alijsq. altaris ministris exacta rituum cognitio, & exequutio requiratur? Vos iudices estote, & vtrosque sacerdotes mutuo conferte.

Ratio secunda. Decor domus Dei ab hominibus Deo consecratis impensè diligendus est, ita ut ex eo amore zelus existat, qui indignos sacro ministerio actus ferre nequeat. Cum ergo decor Ecclesiæ, quæ Dei perampla domus est, in sacerdotum, aliorumq. initiatorum officijs maxima ex parte consistat: manifestū efficitur, eos si venustè officijs perfungantur, decorem illum alere, & augere, si inuenuste minuire. Quis autem eum decorem curet, si monachi rerum diuinarum studio intenti negligent? Rem hanc perpendite.

Ratio tertia. Ex legitima rituum Ecclesiasticorum obseruatione, vbi ad altare omnia tempestiuè, grauitè decoreq. præstantur, Christianus populus ad pietatem vehementer inflammatur, & è contrario si neglectum deprehendat, indignatur acriter. Quid ergo cogitat monachus sacerdos, diaconus, vel alius altaris minister, qui per ignorantiā, vel inertiam sacras ceremonias, non vti decet, exercet? Profectò nullam excusationem videtur posse prætexere.

Ratio quarta. Monachi ipsi, quantumuis inertes si principi alicui in seculo ministrarent, curiosè satis ritus palatinos ediscerent, & vbi, quomodoq. standum, genuflectendum, surgendum, caput aperiendum, mensæ inserviendum, aliaq. obsequia reddenda, non oscitanter animaduertent. Cur ergo in obeundis sacris altaris ritibus non vsque adeò decoris curam gerant, & deformatè errent? Regina Saba obstupuit, vbi Salomonis aulicos tam venustè sua obeuntes ministeria vidit. Si ergo famuli Salomonis tam exactè
regi

regi obsequuntur suo ; cur Christi famuli non ita accuratè infinitæ sui regis maiestati ministrent ?

Ratio quinta . Aetate hac hæretici . Missam, & ritus alios ecclesiasticos acerrimè oppugnât: quod ex capite , omnino æquum est , veros ecclesiæ filios ad illud præsertim tuendum animari , quod validius impugnatur . Quid ergo respondebit Sacerdos, qui indecore celebrat , & quod ad se attinet , sacrificium illud infinita veneratione dignum dehonestat ?

Ratio sexta . Etsi nulla suppeteret ratio alia, quam quæ è diuinæ Eucharistiæ præsentia petitur, deberent vniuersi sacerdotes, ac ministri alij multam sacrarum ceremoniarum peritiam comparare, & modos officij exercendi maxime decore addiscere, vt Christo sub sacramenti velo latenti cultum afferrent . Si enim ratio hæc eos non vrget, quem Dei sensum nati sunt ?

Nemo adeo ferus esse posse videtur, qui his rationibus auditis non mitescat . Non enim de bonis alijs minùs pretiosis, sed de Ecclesiæ bono, de populi solatio, de christiani sacrificij aduersus sectarios veneratione , & de Christi demum gloria sermo fit . Benè hoc nouit nostræ salutis dirisimus hostis, qui nihil ardētius eniti videtur, quam vt altaris sacramentum, si valeat, exterminetur, sin minùs, tractetur indignè . Quod vt obtineat, via nulla directior, quam sacrorum rituum neglectus, sacerdotibus, clericisq. alijs animo impressus, quo vires acquirente, altaria, vestesq. & vasa sacra sordent, intolerabilisq. euadit sacrorum ordinum abusus . Sat est , alios , quos neque Dei amor,

amor, neque domus Dei zelus extimulat, Christo rerum inspectori sorduisse, eiusq. irā in loco maxime, digno sanctoq. irritasse. Vos verò, qui mundum aspernati estis, & ad Congregationem nostram, quæ in offerendo altaris sacrificio decoros semper modos ætata est, diuinitus vocati estis, legitimas ceremonias mente retinete, & vel apicem vnum ne spernite. Si sciretis, quo pietatis affectu populus ardet, ubi vos aspicit vestibus sacris ornatos sedatè, & grauitè in locum sacrificio destinatum progredientes, thus venusto brachiorum adolentes motu, eloquia casta distincta, & ad intelligendum apposite proferentes, singulariq. modestia, absque nimia cunctatione, vel celeritate è latere in latus altaris transeuntes, exhibitis intimæ religionis signis sacrâ hostiam, & calicem subleuantes, aut deponentes, aliaq. vel simplici, suauiq. cantu, vel silentio sine nota inertie, expeditione temperata præstantes: Si sciretis, inquàm, dum hæc expletis, quàm piè populus afficiatur; multo altius officij vestri æstimatio, & legitimæ functionis cura imprimeretur. Magna sanè voluptas à frequentissimo populo Israel in dedicatione templi percepta fuit, magna exitit, valdeq. pia animorum affectio, cum sacrarum ceremoniarum ordo, & officiorum functio concinna spectaretur, ubi, ut sacer habet textus,

2. Paral. 7.

Sacerdotes stabant in officijs suis, & leuitæ in organis carminum Domini.

Cæterum sacratior est ordo vester, patres, & absolutior est Ecclesiæ quàm synagoga pulchritudo. Formosior est noua, quàm vetusta Ierusalem,

noua

noua scilicet, quæ à Deo parata est, & sicut sponsa ornatur viro suo Christo, qui concinnitate ecclesiasticorum actuum, & venusto explendorum officiorum modo mirifice delectatur. Quid enim gratius, ac iucundius sponso, quam sponsæ decor, & ornatus? Non ergo ob solum christiani populi solatium, & cumulatae pietatis incrementum, sed ob Christi redemptoris nostri gloriam, & eam, quam è decore Ecclesiæ percipit voluptatem, in studium sacrorum rituum debetis incumbere. Certate pro forma hac spectabili ecclesiæ, cuius filij minimè degeneres estis. Functiones sanctas religiosè obire pergite, ut diuinus amplificetur cultus, quem Clementissimus Deus alta mercede repenset.

813

Exhortatio de modo sacrum celebrandi, & audiendi ad eius fructum percipiendum.

Cap. XXII.

Non inculpatè agit artifex, qui eius, quam proficitur, artis exercendæ modum aliquem ad lucrum, quod capiat, appositum minimè excogitat, vel à peritioribus edificat. Quocirca mirum est, quàm sint reprehensione digni sacerdotes plurimi quotidiano sacrificio assueti, qui cū inutilia pleraque perspecta habeant, officij tamen sui utiliter explendi modum prorsus ignorant. Si ab eis quarantur subtilia multa, non theologica, vel philosophica tantum, sed mathematica, & politica, nodos soluunt, & magnam sui admirationem excitant: vbi verò de sacrificij fructu sermo insti-

amor, neque domus Dei zelus extimulat, Christo rerum inspectori sorduisse, eiusq. irā in loco maxime, digno sanctoq. irritasse. Vos verò, qui mundum aspernati estis, & ad Congregationem nostram, quæ in offerendo altaris sacrificio decoros semper modos ætata est, diuinitus vocati estis, legitimas ceremonias mente retinete, & vel apicem vnum ne spernite. Si sciretis, quo pietatis affectu populus ardet, ubi vos aspicit vestibus sacris ornatos sedatè, & grauitè in locum sacrificio destinatum progredientes, thus venusto brachiorum adolentes motu, eloquia casta distincta, & ad intelligendum apposite proferentes, singulariq. modestia, absque nimia cunctatione, vel celeritate è latere in latus altaris transeuntes, exhibitis intimæ religionis signis sacrā hostiam, & calicem subleuantes, aut deponentes, aliaq. vel simplici, suauiq. cantu, vel silentio sine nota inertie, expeditione temperata præstantes: Si sciretis, inquā, dum hæc expletis, quā piè populus afficiatur; multo altius officij vestri æstimatio, & legitimæ functionis cura imprimeretur. Magna sanè voluptas à frequentissimo populo Israel in dedicatione templi percepta fuit, magna extitit, valdeq. pia animorum affectio, cum sacrarum ceremoniarum ordo, & officiorum functio concinna spectaretur, ubi, vt sacer habet textus,

2. Paral. 7.

Sacerdotes stabant in officijs suis, & leuite in organis carminum Domini.

Cæterum sacratior est ordo vester, patres, & absolutior est Ecclesiæ quā synagogæ pulchritudo. Formosior est noua, quā vetusta Ierusalem,

noua

noua scilicet, quæ à Deo parata est, & sicut sponsa ornatur viro suo Christo, qui concinnitate ecclesiasticorum actuum, & venusto explendorum officiorum modo mirifice delectatur. Quid enim gratius, ac iucundius sponso, quam sponsæ decor, & ornatus? Non ergo ob solum christiani populi solatium, & cumulatæ pietatis incrementum, sed ob Christi redemptoris nostri gloriam, & eam, quam è decore Ecclesiæ percipit voluptatem, in studium sacrorum rituum debetis incumbere. Certate pro forma hac spectabili ecclesiæ, cuius filij minimè degeneres estis. Functiones sanctas religiosè obire pergite, ut diuinus amplificetur cultus, quem Clementissimus Deus alta mercede repenset.

213

Exhortatio de modo sacrum celebrandi, & audiendi ad eius fructum percipiendum.

Cap. XXII.

Non inculpatè agit artifex, qui eius, quam proficitur, artis exercendæ modum aliquem ad lucrum, quod capiat, appositum minimè excogitat, vel à peritioribus ediscit. Quocirca mirum est, quàm sint reprehensione digni sacerdotes plurimi quotidiano sacrificio assueti, qui cū inutilia pleraque perspecta habeant, officij tamen sui utiliter explendi modum prorsus ignorant. Si ab eis quarantur subtilia multa, non theologica, vel philosophica tantum, sed mathematica, & politica, nodos soluunt, & magnam sui admirationem excitant: vbi verò de sacrificij fructu sermo insti-

instituitur, respōdebunt fortasse, quid factū opus sit, ceterū de modo eis vītato rogati, mirabilem planē stupiditatem exhibent. Quicquid autem alij ex suā salutis incuria cogitent, vos, patres, strictissimo vinculo religati estis ad rei tantæ momentum ponderandum, & modum appositissimum ineundum, quo fructus optatus ex sententia succedat: quod proportionē seruata de ijs, qui sacro ministrant, omninō sentiendum est. Vt ergo immenso debito à vobis fiat satis, subiectas rationes audite.

Ratio prima. Sacrificij altaris dignitas infinita est, cum ibi Christus æterno Patri incruentē immoletur. Quæ nam ergo rei præmeditatio, qualis mentis attentio, qualis affectus sacrificio tanto debebitur? Nonne perspicuum est, angelicam puritatem, & seraphicum affectum requiri? Si ergo cælitum affectio à sacerdote per rei meditationem, & præstitam officio suo attentionem paranda foret; quid pœnæ non merebitur, qui ad altare inconsideratus accedit, & perfunctoriè sacrificium offert? Quid censendum de illo, qui per plateas animo vagatur, verba obtruncat, accelerat, & officio vix expleto recedit?

Ratio secunda. Christus dum se Patri immolandum exhibet, eo ipso cum sacerdote liberalissime agit, nimiumq. obtusus esset, qui ex functione illa lucrum maximū, sacerdotem referre posse dubitaret. Quid enim obtinere nequeat, cui infiniti pretij sacrificium creditum est? Si ergo lucrari tanti occasio adest? quomodò sacerdos mentis compos non se ad id acquirendum cælesti auxilio

xilio præuentus adaptat? Qualis dementia est, rem hanc planè grandem æstimare nolle?

Ratio tertia. Apud mortales felix existimatur, qui peculiarem principis audientiam impetrat, cum maior ibi, quàm in publica principis videatur propensio, & ad peculiaria oratoris negotia attentio quoque sit maior. Cùm ergo Sacerdos ad peculiarem, vt more nostro dicamus, diuinæ maiestatis audientiam oblato munere gratissimo admittatur: quæ nam ratio alia sterilitatis extremæ, quam in plerisq. Sacerdotibus cernimus, esse possit, quàm ineptus sacrificandi modus, quo diuinæ bonitatis fontem tam sæpè retardant? An possit ambigi, eos feliciores futuros, si idoneo modo sacrum facerent?

Ratio quarta. Sacerdos non sacrificat quouis modo, sed sacrificium peragit sacræ hostiæ, calicisq. sumptione, vbi nisi per ipsum stet, initur vnio planè mirabilis, qua in Christum arcana velut transformatione mutatur. Si ergo tanti boni desiderio se flagrare sacerdos dicat, & aliunde ad illud diuinæ charitatis opus non se apto comperet modo, ante, & interim dum ad altare agit, quis ei fidem habeat? Quis eum impostorem non appellet? At sibi nocet ipsi: Deus enim offensus minimè seducitur, seque ipsum vlciscetur.

Ratio quinta. Qui rerum diuinarum sensum adepti sunt, inexplibili auiditate modos dignè sacrificandi, ac sacramentum sumendi passim excogitant, & de re tanta cum viris sanctitate eximijis anxie conferunt, partim rei æstimatione, partim succedentis fructus experientia permoti:

neque

neque quicquam tam arduum, durumue proponitur, quod successuri proventus spe non peruincant. Quid ergo causæ subest, cur tam multi sacerdotes nō accuratius de modo fructuose sacrificandi cogitent, quā si de prophano pane comedendo in altari ageretur? Credendum procul dubio est, vix ab vllis alijs peccatoribus grauiorem iniuriam, quā ab indignis sacerdotibus Christo irrogari. Credendum etiā, ingratos, & stupidos boni sui censores esse sacerdotes illos, qui licet culpis mortiferis foedati ad sacrificium non accedant, itā tamen lente, & incuriose accedunt, vt cælestium donorū pluuia neutiquam perfundantur. Non enim in sacrificiū, aut sacramentum, sed in sacerdotem inopia hæc referenda est.

Contemplamini modo, patres, sacerdotes per sexennium, & decennium celebrare solitos. Contemplamini & horrete. Pastus pinguis est. Christi corpore pascuntur: fœcundum calicem hauriunt. Quæ nam ergo est macies hæc spiritualis, qua concidunt, & in sinu matris Ecclesiæ calamitosius, quam paruuli in excidio Ierusalem, velut fame intereunt? Illi matribus dixerunt,

Thren.
2.

Vbi est triticum, & vinum?

At hi non valent vllam excusationem tremendæ sterilitatis afferre. Suppetit abundè panis. Cur ergo non bene nutriuntur, & vegetiores euadunt? Et quidem si ad nutrimenti proportionem vires augeri debent, cum illi diuina esca, potuq. alantur, quomodò vires, hoc est virtutes diuinas, minimè pararunt? Lugenda profecto res est.

Vos ergo aliorum malis eruditi, & cautioreseffecti,

effecti, siue ad sacrificium, siue ad solam eucharistici panis sumptionem accedendum sit, vires animi omnes prius colligite, & humillime diuinam maiestatem precamini, adapter animos vestros ad eum è tanto bono fructum reportandum, quem dignatio tanta pollicetur. Reijcite terrenas, & importunas cogitationes, & corda in caelestem illam mensam intendite. Actus plurimos fidei, spei, amoris, & contritionis producite, quibus animus, velut argenteum vas artificis ictibus conformetur, vt balsamum pretiosissimum excipiat. Hostiam illam æterno Patri infinite acceptam, pro ante actis peccatis, pro beneficijs acceptis, pro impetrandis alijs, & in holocaustum suauissimum quadruplici distinctione offerte, & sumptum cibum planè vitalem pensitatione multa tanquàm sani stomachi calore percoquite. Hec obseruate, & sanctorum exemplis insistite.

Neque verò vobis, quod suademus, durum vlllo modo videri fas est: res quippè vestra agitur: lucra hic propria, gaudia propria conquiritis. Si semel, credo equidem, spiritualis dulcedo à vobis proprio in fonte, vt ecclesia canit, gustaretur, incredibilem sui sitim excitaret, efficeretq. vos perquam sedulos bonorum propriorum curatores. Quàm citò claudi more ceruorum exultarent! Quàm alacriter difficultatum repagula perrumperent, qui prius lète incedebant! Quàm profundas mundi despectus radices defigeret! Quàm vehementer è saucijs amore pectoribus desideriorum piorū scintillæ dissultarent! Quàm longum sacrificij præmeditationi, & gratiarum

actioni tempus impenderetur ! Quam aperta totius veteris hominis in nouum , qui est Christus , mutatio , quæ ad permouendos animos efficacissima foret , se spectandam exhiberet ! Ignauiam ergo omnem Christi milites excutite . Pastum saluberrimum , & dulcissimum vniuersis mundi honoribus , lucris , commodis anteferte . Comedite bonum , & delectabitur in crassitudine anima vestra . Crescite , vt roboremur cibo grandium , & è mensa illa leonibus fortiores denique recedite . Cæleste vobis precor lumen , & robur , vt rei , de qua dixi , digna æstimatione permoti monita nostra possitis explere .

TEXTVS DECIMVS.

De Capitulo , & correctione fratrum .

Dominicis quoque diebus , vel alijs , ubi opus fuerit , de custodia ordinis , & animarum salute tractetis : ubi etiã excessus , & culpæ fratrum , si quæ in aliquo deprehensa fuerint , charitate media corrigantur .

Observatio thematum , quæ ex hoc textu peti possunt ad exhortationes solitas .

Poterit agi de disciplina in capitulo à monachis obseruanda . Poterit quoque agi peculiariter de correptione humiliter ferenda .

*Exhortatio de disciplina in patrum confessu, si-
ue Capitulo obseruanda. Cap. XXIII.*

EX antiqua patrum nostrorum traditione per hebdomadas singulas in cœtu monachorum sermo fieri, & de promotione virtutum, abusuq; extirpatione agi consuevit. Quo ex actu ad monasticam disciplinam alendam in primis appposito fructus porro vberrimus perceptus est, vt merito à viris prudentissimis magni fiat, eiusq. conseruatio inter potissima status nostri bona reponatur. Quocirca de disciplina in eo retinenda iuxta sensum regulæ, verba facere rationi, & pietati consentaneum erit. Quia verò fructus, quem optamus, ex voto minimè succedit, nisi animi ad illum tractatum à regula præceptum comparati accedant, & ei mites ac humiles intersint; hoc ipsum ad hodiernū sermonem à vobis præsertim postulamus, vt doctrina hic altè concepta diutissimè permaneat. Hoc ergo animorum affectu præuio, quanti sit ponderis hunc actum magni facere, & eius ritibus benè vti, ex subiectis rationibus iudicare poteritis.

Ratio prima. Nemo è vobis adeò instituti nostri ingnarus credendus est, qui tractatum illum de custodia ordinis, & animarum salute à regula imperatum non censeat rem planè grandem, & ad cōmunem totius Congregationis, priuatumq. animi sui bonū opportunissimam. Si enim actum legum custodiæ, ac spirituali saluti, maturo consilio destinatum non maximi pendit, quo spiritu

nas lustrasset, libensq. ingressus fuisset, monitusque, ut in locum illum introiret, validissime reluctaretur. Si ergo capitalis inimicus noster perspecta rei experientia coactus capituli bonum extollit; quo supplicio dignus foret Monachus, qui illud pro virili parte sua non aleret, eoq. ad salutem vteretur?

Ratio quarta. Quicquid in confesso nostro sit, totum spiritu Dei plenum, & multo charitatis melle conditum videtur, si eius institutio, Prælatorum mens, & mos, & patrum modestia spectetur. Etsi enim nonnihil amarulentum proponatur, aut alicui obijciatur; adeò tamèn leue est, & tam leniter profertur, ut qui ea de causa actum illum detrectaret, non sanè Monachus, sed miles aliquis cuiusvis admonitionis impatiens appellari deberet. Si ergò, quæ subamara videntur, tanta dulcoris copia temperantur, & ex alijs capitibus actus ille pietatis teracissimus est; quàm acer esset boni communis hostis, qui non illum amaret, ac promoueret?

Ratio quinta. Interest profectò multum, ut in creberrimis vitæ huius ambagibus, & lapsibus sit statuta aliqua & frequens medicina, qua uti possimus. Interest, ut à futuris casibus præuijs monitis præseruemur. Interest, ut passim obrepentes extirpentur abusus. Interest, ut spiritus iugi intentione fatigatus roboretur. Cùm ergo bona hæc omnia abundè proueniant in actu illo, quem Clementissimus Deus iuxta Euangelicam doctrinam, prosperare creditur, cùm sint ibi multi in eius nomine congregati: dici vix potest, Mona-

ehum aliquem vel communis boni, vel sui curam gerere, qui actum tam pium, qua hucusque constitit, integritate præstare non satagat, & ritus illos è Christiana humilitate ortos minimè probet, ac exerceat.

Vidistis, patres, quàm referat, actum hunc, quem ex regulæ præscriptione, ac maiorum nostrorum laudatissima consuetudine celebramus, à vobis magni pendi, & inuiolatè obseruari. Communis boni, propriæq. perfectionis pondus pensastis. Quid ergo superest, nisi vt doctrinam vobis à primis renunciationis vestræ diebus traditam exequi pergatis eò accuratiùs, quò maiores temporis lapsu vos oportet fecisse progressus? Didicistis fanè, Monachum statim ac signum ad hunc actum dari animaduertit, debere se comparare, & animo demisso diuinam precari maiestatem, vt ex concione, cæterisq. ritibus eum, quem expetit fructum referat, puriorq. ex eo quasi balneo prodeat, quàm ingreditur. Didicistis, Monachum aures mites ijs, quæ monentur, præbiturum, & cuiusque tandem aptentur, vsurum se illis non secus ac si ipse priuatim instrueretur. Didicistis, quo candore cuncta promantur, & quàm sit turpe ob lenia monita perturbari, aut mæstitiæ pondere deprimi. Hæc, aliaq. similia didicistis. Nihil ergo noui obtrudimus, nihil noui oneris inferimus, sed pro Christo legatione fungentes, & officio ipso astricti obsecramus, vt hoc ipsum, quo sub ingressum imbuti estis, perseveranter seruetis.

Introspectite vos ipsos, & dicite, quid de Monacho

nacho miti, & docili sentiatis, qui hoc in loco quicquid profertur, tanquam oraculum cœleste accipit, syncerè interpretatur, alacriter exequitur? Dicite rogo, quid de illo opinemini? Omnino credendum, eiusmodi monachum spiritualibus bonis diuitem à vobis existimari. Si enim locus hic ad culpas alibi contractas expiandas dicatus est; si est meritorum ferax, si ad futuros armat insultus: negari nequit, quin monachus occasione hac piè, ac prudenter vti assuetus locupletior multò, quàm alij lenti pugnatores, euadat. Negari profectò nequit, quin Clementissimus Deus leuia errata facillimè illi condonet, gratiamq. vbertim refundat. Si enim publicano, statim ac culpas fateri cœpit, tam liberaliter indulgit; si seruo nequam procidenti immensum decem millium talentorum debitum dimisit; quàm pro parte existimatis, monacho leuiora deprecanti, seseq. coram diuina ipsius maiestate, totoq. patrum confessu hoc in loco prosternenti veniam concessurum? Cæterùm ipse, qui cordium inspector est, nouit, quo quisque affectu hisce proficiendi occasionibus vtatur. Prudentis, ac pij monachi animo hæret illud regij vatis votum:

Proba me Deus, & scito cor meum, interroga me, & cognosce semitas meas. Et vide, si via iniquitatis in me est: & deduc me in via æterna. Ps. 138.

Quasi ad sensum monasticæ disciplinæ in hunc modum enunciaret. Non detrecto capituli actum; nolo esse hæres Adæ, qui à te monitus cœpit excusationem prætexere. Precor potius, vt à te animorum cognitore examiner: oro, vt opera

discutias meas; ut si quid non æquum latet, corripiar, & corrigar, ne à via exorbitem, quæ ad æternitatem ducit. Quid expectatis ultra? Hoc est votum monacho mundi contempnere, suarum domitore passionum, cæliq. expugnatore dignum. Hæc est inuicta animi fortitudo. Hæc planè ratione, in hunc locum ingredi, hæc ipsæ ceremonias omnes humilitate, ac mansuetudine Christi subnixas exercere debetis, ut copiosus cælestium bonorum prouentus existat.

Exhortatio de correptione humiliter ferenda. Cap. XXIV.

DE correptione animo demisso accipienda dicturus, præmitto Apostoli monitum à bonis Prælatiis fida memoria seruatum:

Gal. 6. Si præoccupatus fuerit homo in aliquo delicto, vos, qui spirituales estis, huiusmodi instruite in spiritu lenitatis.

Correptio quippè leniter inferenda est, quod me, dum præsum, obseruaturum ope diuina polliceor. Illud verò hac exhortatione digerendum est, quod ad vos attinet, ut scilicet correptionem humiliter feratis, iuxta doctrinam, quam Christi schola commendat. Nostis confessum hunc per hebdomadas singulas celebrari solitum, ad Congregationis totius, & cuiusq. vestrum bonum esse opportunissimum, & planè suauem. Vnum dumtaxat videtur nonnihil austeritatis præferre, correptio videlicet leuium culparum, qua quis à dæmone extimulatus posset abuti, ne actum hunc

hunc omnino probaret. Quapropter ad rem erit, rationes promere, quibus correptionis humiliter acceptæ bonum ob oculos positum animos vestros, ad eam non modò non refugiendam, verùm expetendam permulceat.

Ratio prima. Medicus amaram potionem, præscribens, minister porrigens admonensve, vobis minimè exosi sunt, imo grati, atque dilecti, cum ad eam, quam optatis, sanitatem acquirendam vtilia quædam instrumenta sint. Cum ergo Prælatus corripiciens, vnus, vel alter è confessu admonens ad perficiendam animi salutem, leui quadam purgatione, tanquam spiritualia instrumenta concurrant, quænam obtendi potest ratio ad correptionem indignè ferendam? Profectò nihil excipi posse videtur, nisi praua ægrotandi voluntas, quam Deus auertat.

Ratio secunda. Meritum bonorum monachorum illatas correptiones patienter ferentium, est planè maximum, non ex eo tantùm capite expensum, quod ad virtutis exercitium pertinet, sed ex adiuncto totius confessus exemplo, quod est profectò efficacissimum. Habet enim nescio quid viuæ cuiusdam energiz illa intrinsecus nata exteriusq. sine simulatione testata humilitas, cuius vi pectora quoque dura molliuntur. Si ergo oblata correptionis occasione meritum ex profectu proprio, & aliorum pia commotione insigniter augetur; profectò parùm sollicitus spiritualium diuitiarum mercator est, qui corripì detrectat, vel monitionem non lætus admittit.

Ratio tertia. Seculares intemperantes, nego-

eiorumq. gestores vbi à suis præfectis , aut amicis monentur , animaduertentes id in ipsorum bonum cedere, patienter agunt, quòd sibi omnino persuadeant, si correpti exardescant, se boni nominis iacturam facere, neque ad vllum in Rep. magistratum gerendum , vel negocia expedienda idoneos censerì : immites quippe ex communi sententia , neque consilio, neque præfecturæ, neque negotiorum expeditioni apti creduntur. Quomodo ergò monachus ad opus vllum egregium idoneus existimabitur, qui correptus perturbatur, nequitq. sedari? Sanè sibi ipsi, erga futurum Dei præsensq. hominum iudicium, vehementer noceat.

Ratio quarta. David à Nathan correptus humillimè acquieuit. Petrus quoque à Paulo reprehensus mira animi demissione correptionem accepit. Cur ergo monachus à Prælato admonitus indignetur? An iustitiam prætexit? Profectò tametsi foret innocens, eo ipso quod innocentiam tueri, & obiectam leuem culpam reiicere, fatagit, à bonorum consuetudine recedit, & apud patres confidentes parùm proficit. Nimirum iustus accusator est sui, Deoq. sui defensionem, vbi oportuerit, desert.

Ratio quinta. Christus Redemptor noster accusatus tacuit, cum de innocentis vita perdenda ageretur. Quomodo ergo monachus levis culpæ admonitus correptionem suauem recusat? Quomodo mutato vultu eum, qui monuit, non tam beneuole, ac ante admonitionem intuetur? Nonne hic apertè proditur animus Christi Schola-

pro-

proculdubio indignus, qui è domicilio iustorum expelli meretur? Nonne manifestum sæcularis animi sub monastica veste impostor iste gestat inscriptum?

En patres, quid rationes allatæ conficiunt. Ecce quò procurrit monachus delicatus, ac degener, qui statim ac monetur, resilit, atque repugnat. Eò certè progreditur, ut non monasticam solum, sed Christianam disciplinam videatur abijcere. Si enim iuxta Euangelicam doctrinam non monachis modò, sed hominibus vniuersis promulgatam, facies percussa aptanda nouo ictui est, quid excusare poterit monachus, qui ne capillum attingi æquo animo fert? Pessimè quidem agunt, qui hoc loco, vel alibi dum corripuntur, aut postmodum, conceptum iræ, aut indignationis sensum indicant; neque credi potest eos, ut par est per arctam perfectionis viam expedite progredi. Porro inter nostros mos inualuit, ut culpe confictæ monachis imputentur ad humilitatem, ac mansuetudinem experiendam, ut scilicet pateat, qua mente correptionem accipiant, an se ab obiectis purgare, & iustitiam propriam asserere velint; vitioque vertitur, quicquam loqui, vllumve perturbati animi signum exhibere. Nostis hoc. Rogo ergo nunc, an de hac doctrina exequenda cogitetis? Imò rogo, an de Christo imitando constanter agatis? Audite Euangelica verba hæc:

Et cum accusaretur à principibus Sacerdotum, & senioribus, nihil respondit. Tunc dicit illi Pilatus: Non audis, quanta aduersum te dicant testimonio.

Matt.
27.

Stimo.

stimonia? Et non respondit ei ad ullum verbum, ita ut miraretur præses vehementer.

Verba hæc feras immanes lenirent, ferrea pectora mulcerent. Nostis, quis & à quibus accusaretur. Christus à Iudæis. Cur ergo non respondit? An suæ iustitiæ conscius non fuit? An non ei luce meridiana patentior fuit accusatorum peruersitas? Quod si criminatoribus responsum reddere abnuir, Pilato saltem non ita male affecto cur non respondit? An mundo nocuisset Christi responsio, qua suam tueretur iusticiam? Animaduertite, patres, quid exemplar nostrum Christus in hac re porro grauissima nos docere voluerit. Ne Christi sensum ad excusandas excusationes in peccatis detorqueat. Vtinam arguti quidam monachi disputatores, suiq. defensores resipiscant. Mirum est sanè, eò usque aliquos exacerari, ut cum efficacissimas rationes, & exempla ad virtutem colendam eis proposita, reiicere nequeant, semper tamen quoties corripiuntur, Christo dissimiles euadant, excipientes videlicet hanc illamue circumstantiam; ob quam æquum sit, iusticiam in particulari euentu propriam asserere: ex quo efficitur, ut penè nunquam à Prælatiis, vel mitissimè corripi queant. Hæcine est doctrina, quæ in Christi schola demum ediscitur? Recedite à consuetudine taurorum istorum, qui cornibus pugnant, vos, qui estis agni, mansuetudinem profitemini. Recolite agnum illum, qui coram tondente se obmutuit, tacitq. non modo salubria monita, suauis Dei spiritu deprompta. verum & correptiones acres accipi-

capite , æternæque salutis negocium sollicitè gerite .

TEXTVS VNDECIMVS.

De Ieiunio fratrum .

Ieiunium singulis diebus , exceptis Dominicis , obseruetis . à festo Exaltationis Sanctæ Crucis usque ad diem Dominicæ Resurrectionis , nisi infirmitas , vel debilitas corporis , aut alia iusta causa ieiunium solui suadeat , quia necessitas non habet legem .

Observatio thematum , quæ ex hoc textu peti possunt ad exhortationes solitas .

Agi potest de ieiunij bono . Mox differi poterit de iusta causa ieiunium relaxandi .

Exhortatio de bono Ieiunij . Cap. XXV.

Clbi vetiti esus malorum , quibus genus humanum obruitur , origo fuit , vt ex sacra Genetis historia nostis . Noluic videlicet primus parens noster à fructu prohibitz arboris abstinere , immensumq. proinde nobis bonum ademitt . Quocirca ad tam enormis lapsus correptionem ieiunium in morem inducere decuit , cuius observatio in nouo præsertim testamento viguit , quod in plerisque ordinibus monasticis perspicere potestis , vbi præter leges ieiunij ecclesiasticas , aliæ de eodem bono latæ sunt , quibus diuturnior eius cultus-

custodia indicitur. In ordinum istorum agmine recensetur noster, cuius ieiunium ab Exaltatione Crucis vsque ad Pascha procurrit. Cum ergo lex hæc sancita fuerit, & eam explere interfit plurimum, ieiunij bonum rationibus multis commendandum est, vt animis hæreat.

Ratio prima. Licet multis, ac sæuissimis bellis in hac mortali vita passim infestemur, exploratum est tamen, carnis prælia omnium esse periculosissima. Cum ergo ad ea vitanda, vel victoriam comparandam, ieiunij remedium sit maxime appositum; nemo victoriæ cupidus illud non probare, & quantum per vires licet, obseruare posse videtur. Et quidem rationis huius energia inde patet, quod subtracta tentationum materia, licet nonnulla excitentur bella, non sunt æquæ grauiæ, & periculosa, ac illa, quæ corpore bene pasto ingruunt, & vires acquirunt.

Ratio secunda. Qui ieiunio deditus est, mentis aciem non obtundit, neque grauat, quò minus apta semper, ac expedita sit ad negocia gerenda, variosq. virtutum actus exercendos. Quo sanè bono carent, qui corpus epulis farciunt, seq. ipsos adeò hebetant, vt vix rei alicuius discussioni pares sint, & velut inanimes trunci, ad opera homine digna per horas multas inepti desideant. Si autem deformitas hæc in secularibus deprehensa displicet; profectò disciplina ieiunij in monachis laudanda, & alenda est.

Ratio tertia. Ieiunium creat animum vigilem, dum subtrahit longioris somni materiam. Omnino autem patet, vigiliam boni monachi
notam

notam esse, cum somnus ei breuior, quàm in seculo, & longius rerum monasticarum studium, esse debeat. Quomodo ergo vigil, & perspicax erit, si corporis pondere ex ingesto cibo, deprimatur? Quantò fiet vigilantior, ad exiliendum è lecto agilior, & ad obeundos actus quotidianæ disciplinæ promptior, si diuturno ieiunio assuescat, nutrimentoq: necessario naturæ minimè negato, superfluum reseceat?

Ratio quarta. Ex instituto nostro Dei præsentiam iugiter menti impressam gerere, & res diuinas meditari debemus: cui profectò mentis intentioni nihil opportunius excogitari posse videtur, quàm ieiunium, cuius observatio perennis quædam oneris detractio, & motuum rebellium animum à rerum cælestium studio diuertentium castigatio est. Quis ergò non videat, probetq. longi ieiunij nostri congruentiam, si meminit officij, quo, ad perennem mentis eleuationem altringimur?

Ratio quinta. Quanti sit ponderis ieiunij bonum, multis ex capitibus alijs posset euinci: ceterum monacho Christi imitatori sat est, nosse longum sui Redemptoris quadraginta dierum ieiunium, & totius frugalissimæ vitæ suæ decursus. Sat est, nosse tot monachorum, & anachoretarum millia ieiunio penè miraculoso astricta, quæ prudenti consilio, corporalis cibi subtractione spirituales pastum multò pinguiorem, ac delectabiliorem obtinere.

Hiscæ argumentis minimè ambigendum est, patres, quin vos flecti sinatis, & regulæ præscriptio-

est, lautis seculi epulis, dæmonis arte per imagines viuas impressis ita exerceari, vt immensa excresecat appetentia. Cæterum hæc sunt prælia iustorum, quibus fortiores euadunt, dum mori se malle, quàm ieiunium relaxare constituunt. Non in cassum quotidiano agone decertant: nam præter meritum spirituales opes, solet Clementissimus Deus fatigatos mirificè reficere, lautiorremq. mundi epulis cibum animæ palatoingere, quo illi vegetiores fiunt, quàm si regum mortalium mensis nutrentur. Hunc cibum appetite, qui semel sumptus cor erigit, & austerioris vitæ tenax efficit. Via, quam carpinus, ascensus quidam in patriam nostram est; ex Aegypto in terram promissionis iter inchoauimus. Quomodo autem onerati ascendemus? Desideria vesera columbæ gemitibus similia sint, columbæ inquam gementis, pennasq. quatientis, vt in receptaculum quieti destinatum quantocyus pertingat. Nunc in agone contenditis, in fame, & siti, in frigore, & nuditate: verum non semper in hac lucta cum tot hostibus congrediendum est. Succedet enim fami saturitas, nuditati vestimentum. Fortiter concertate, & ad candidissimam gloriæ vestem, & lautissimam, in Regno Cælorum, Christi mensam per arduam ieiunij viam ascendite.

*Exhortatio de causa iusta ieiunium omit-
tendi. Cap. XXVI.*

Satis profectò cæcus foret, qui in ipsis austeritatis nostræ præscriptionibus prudentiam legis-

bōrant , renitente etiam conscientia , vbi fames
vrget , ieiunij legem violent , quod experientia
diuturna constitit . Si ergo facilitas illa lapsui ,
siue transgressioni viam aperit , cauendum pro-
fectò est , ne lex ieiunij solvatur nisi causa ad ti-
morati animi sensum , iusta suppetat .

Ratio tertia : Nostræ salutis inimicus famem
irritare nouit varijs artibus , quibus ad mona-
chos impugnandos abutitur , & vt in proxima ex-
hortatione obseruauimus , incredibilem plerumq.
excitat appetentiã . Iam ergo hoc monasticæ
disciplinæ documentum antiqua sanctorum ob-
seruatione deprehensum habemus , ne languori
cuiuslibet , aut apparenti necessitati , quæ dæmonis
inpostura sæpè confingitur , fidem habeamus , sed
fortium Christi militum more pugnemus .

Ratio quarta . Nulla tam fraudulenta vulpes
est , ac propria caro , quæ incautos monachos
crebrò seducit . Nunc enim somni , nunc cibi ne-
cessitatem mirificè simulat . Cui certè doctrinæ
fidem astruit experientia : Vt enim nonnulli in
choro , vel oratorio graui somnolentia oppressi ,
& necessitatis prætextu ad cellam petita venia
recedentes statim euigilant , neque licet id cu-
piant , dormire valent ; ita & alij fame quadam ,
quæ inexplibilis eis videbatur , exorta incitati ,
veniaq. impetrata vescentes faciliè animaduer-
tunt , appetentiã illam modica cibi , potusq.
quantitate sedari . His ergo obseruationibus fi-
dus legum custos vti debebit , ad iustam soluendi
ieiunij causam non temerè credendam .

Ratio quinta . Spectata nostrorum Prælato-

L rum

rum charitas in ope ferenda ijs, qui quavis de causa refectioe indigent, debet proculdubio fideliores ieiunij observatores efficere: quod in quavis alia necessitate pariter asserendum. Quod si quis sibi quicquam deesse causetur, curæ potius sui nimis, quam Prælatorum incuriæ id posset ascribere. Divino quippe iudicio id fieri videtur, ut qui sui sollicitus est, à Deo, ac proinde à Prælato, qui eius nomine præsidet, obliuioni tradatur, tametsi euret reminisci. Sic nempe culpa illa plectenda est. Si ergo à Deo nutrirî optatis, perspectæ charitati eorum, qui præsumt, vos ipsos credere, & quod ad proprium spectat iudicium, in causa soluendi ieiunij censenda, seueritatem potius, quam indulgentiam sectari debebitis.

Spero equidem, vos fidos legum fore custodes, & cum hoste domestico validè certaturos, ut Deo probati ample remuneremini. Nolumus vos arctare, aut quicquam adicere ijs, quæ regula ipsa traduntur. Imo fert animus, lege uti, ad vos largè solandos, cum lex ipsa eum nobis spiritum videatur imprimere, qui ad commiserationem pronus est. Et quidem vestem hanc, qua regimur, exuere, & quemq. vestrum induere, exemplo Ionathæ in David, ad eamq. proportionem cibum nobis subtrahere, vobisq. erogare, yellemus. Id ergo dumtaxat hortamur, quod vobis cordi est, ut bonum, quod possidetis, felicius cumuletur. Quod ut ex sententia cedat, dogma illud pestilens cauete, quo aliqui inter sanctos minimè sancti, velut laqueo, quem retende-

rant,

rant, capti sunt; prætexentes ad ieiunij nostri obseruationem eneruandam, culpam solummodo venialem admitti ab ijs, qui ieiunium nostrum, omittunt, culpam scilicet, quæ aqua lustrali posset elui, qualis est linguæ licentia, ad otiosa verba, vel officiosa mendacia: proptereaq. transgressionem illam non ita exaggerari, aut horrore esse debere. Pestilens est dogma hoc: quod si ad aliam etiam disciplinæ nostræ capita deriuetur; de Carmeli flore, qui summo labore renatus cælesti munere alitur, actum est. Væ desertoribus instituti, qui, culpas leues, vt mortem ipsam non perhorrescunt. Etenim, vt in hac ipsa ieiunij causa exemplum aliquod tremendum proferamus, nobis constat, aliquos venialibus in hoc genere, culpis assuetos à Deo sensim fuisse derelictos, donec à statu monastico expulsi sunt, vel in laxiorem ordinem infausa commutatione transiere.

Quorsum autem illos ijs culpis leuibus assuetos appellemus cum eas rarò commisisse prudens coniectura sit? Verùm in loco tam exactæ iustitiæ laude conspicuo, ijs culpis vel rarò fœdari res fuit adeò deformis, sanctorum consortio adeò indigna, Deoq. tam exosa, vt tepidos illos quadam iustæ indignationis, velut nausea, diuina maiestas euomuerit, vt non ab re eis aptetur celebratum illud:

Adbuc esca eorum erant in ore ipsorum, & ira Dei ascendit super eos. Pl. 77.

Ascendit videlicet vt pessundaret, ac proculcaret ingratos, qui à leuibus exordium ducentes ad culparum mensuram paulatim derelicti, in

grauiores demum prolapsi, ac explosi sunt. Has tragœdias certis euentibus notas referre placuit, vt ex aliorum damno cautiore fieri, & salutem ex inimicis nostris similium transgressionum fuga parare possitis. Estote fideles legum obseruatores, creditamq. Deo vestri curam ne intemperanter resumite. Ieiunia vestra benè repensabit Christus, ad cuius mensam victa iam morte confidebitis. Extendet famelicus monachus manum in arborem vitæ, & fructum dulcissimum carpere, dicetq. iarus: Fructus hic ieiunio emptus est, pro quo esuriem tuli, maluiq. fame torqueri, quàm ieiunij legem villo prætextu violare. Ieiunia transiere, vitalis fructus æternus mihi pastus, & radij expers saturitas erit. Hæc cogitate, & iter ceptum animosè conficite.

TEXTVS DVODECIMVS.

De Abstinentia Carnium.

A Besu carniū abstineatis, nisi pro infirmitatibus, vel debilitatis remedio sumantur, & quia vos oportet frequentius mendicare itinerantes, ne sitis hospitibus onerosi, extra domos vestras sumere poteritis pulmenta cocta cum carnibus: sed & carnibus supra mare vesci licebit.

Obseruatio thematum, quæ ex hoc textu peti possunt ad exhortationes solitas.

D Ici posset de vitanda facilitate esus carniū: verum quia hæc facilitas per rationes,

nes, quas in proxima exhortatione produximus, dissuaderi potest, vtilius videtur de mendicandi exercitio differere. Poterit etiam de bono extra domos nostras exemplo dici.

Exhortatio de exercitio mendicandi.

Cap. XXVII.

A Postolicæ paupertatis exercitium summis votis expetendum est, vt bona plurima, quæ parit, animam verè diuitem efficiant. Cæterùm dolendum est, quàm pauci ex ijs etiam, qui eam profitentur, paupertatis exercendæ occasionem amplectantur. Mirūq. profectò est, quo pacto cū emissio illius voto, perennis, & accurata eiusdem fuga consistat. Constat certè plurimos qui sibi satis iusti videntur, prætexere, nolle se rebus superuacaneis vti, sed id dumtaxat velle, vt necessaria minimè desint. Verùm si res necessariæ semper suppetant, qualis paupertatis cultus est? Si autem ita suppetant, vt sine vlllo labore parentur, cur non potius prouidentia commoda, quàm paupertatis exercitium appelletur? Profectò si monachus instituti sui memor, & æquus æstimator esset, non eam commoditatem, sed mendicitatem, in qua voti exercitium, & multiplex pietatis cultus elucescit, optaret, quod his rationibus asseritur.

Ratio prima. Regula nostra, qua Dei voluntas exprimitur, tanquàm certum statuit, monachos iter facientes mendicaturos, quod ex emissio paupertatis voto palam deduci videtur. Nisi enim.

excepiatur necessitas, quæ ex morbo, vel alia idonea causa enascitur, mendicandi actus statui nostro nativus est. Quid ergo censendum de monacho illo, qui eiusmodi actum exercere detrectat, ubi nullam coram divina maiestate, & viris monasticæ disciplinæ consultis, iustam exceptionem afferre valet? Profecto emissi voti degener observator est.

Ratio secunda. Vbi monachus prospere valet, neque à Prælati iusta aliqua de causa, commodior aliqua itineris faciendi ratio præscribitur, pedes viam carpere debet. Cur enim si robustus sit, neque via difficilis obstat, aut per obedientiam aliud decernatur, id non observet? Si autem id exequi omnino debet, quid congruentius, quam ut eleemosynam postulet, conscientiamque propriam fidei voti custodia exhilaret?

Ratio tertia. Certa quidem experientia probatum est, Deum Clementissimum mira providentia mendicantibus adesse, eosque è perspecta in hospitio, & victu Dei ipsius ope voluptatem haud modicam capere. Cum enim Apostolicis vestigijs insistant, nunquam ita destituuntur, ut rebus necessarijs careant, imò eas lætius, quam domi recipiunt. Si ergo mendicandi actus è præfenti Dei auxilio læticiam elicit, cur ita à plerisque refugitur?

Ratio quarta. Non fert animus asserere, actum illum inexpertis non esse difficilem. Sit planè difficilis. Verùm si in arduitate illa superanda Christi humilitas, & mansuetudo succrescunt, cur actus tot, tantorumque bonorum ferax non expectatur?

tatur? Sanè nonnullis ratio hæc adeò probatur, vt videatur eis immensi cuiusdam boni prouentus deesse, si mendicandi desit occasio.

Ratio quinta. Mos verorum monachorum est, non mendicare modo, vbi id monet occasio, verùm Deo gratias agere, vbi grauitè repelluntur. Bonum quippè illud repulsæ ob Christi amorem acceptæ, pretiosum sanè, ac proinde auidè arripiendum eis videtur. Et quidem, quo repulsa est acrior, eo lætantur magis, impenseq. cupiunt, frequenter reijci, vel ob meritum auctius, vel ob cælitus delapsam voluptatem. Quid autem cum his, qui bono conscientie testimonio gaudent, commune sit illis, qui diuitum secularium more, iter faciunt, & Christi paupertatem præferre erubescunt?

Ratio sexta. Quòd ad Dei iudicium attinet, minimè dubium est, quin mendicandi actus monacho inopi sit laude dignus. Quòd verò ad homines spectat, exploratum est, eos vno, vel altero excepto ad commiserationem flecti, & de monacho eleemosynam modestè postulante bene opinari. Cur ergo id non ametur, quod Deo, hominibusq. probatur?

Omninò credendum est, patres, vos non ita esse proteruos, vt Apostolicam doctrinam improbare, aut extenuare velitis. Non hic de ijs differimus, quos à communi sententia morbus, aut ratio aliqua à Prælatis expensa eximit. His potius miseremur, libenterq. nos mendicandi suscipere laborem, qui eis in refrigerium vertetur. De ijs ergo dumtaxat agimus, qui pro-

tartari demum angustijs astringitur. Quid cogitatis? Quid ambigitis? Benè profectò est transire per ignem, & aquam eos, qui educendi sunt in refrigerium.

Exhortatio de bono exemplo extra domos nostras præbendo. Cap. XXVIII.

O Blata virtutem colendi occasio monachum Dei zelo flagrantem à tepido discernit. Deus animorum cognitor est, nouitq. quæ quisque virtute præditus sit: ac homines, qui interna cognoscere nequeunt, faciliè seducuntur, dum externa tantum obseruant. Euenire quippe solet, ut eisdem actus virtutum generosus, & degener obire proponant, ut nullum eminens in alterutro discrimen appareat: cæterum præsens occasio, quid quisque sit, & valeat, luculentè demonstrat. Generosus enim virtutis exercendæ occasionem nactus in proposito constanter persistit, degener deficit, & difficultati succumbit: quod & alijs certè multis, & familiaribus quoque disciplinæ nostræ patet exemplis, qualia præsentis regulæ textus occasione cernuntur. Cum enim venia detur, ut pulmenta cocta cum carnibus nostri edere queant, ne sint hospitibus onerosi, & supra mare carnibus etiam vescantur, plerumque contingit, ut monacho anceps cogitatio subeat, an hospitibus molestiam afferat, & an in breui aliqua navigatione, ubi alia esculenta suppetunt, carne vesci expediat. His ergo in euentibus quæ virtute quisque præstet non obscure indicat. Nos
verò

verò licet, quod lege permissum est, improbare nolumus, hortamur tamen ad meliora sectanda, & seculares tam in his, quam in alijs occasionibus exemplo bono instruendos, quod ratione multiplici asseritur.

Ratio prima. Sanctitatis persuasio, quæ secularium animis de nostris monachis impressa est, eò processit, ut bonis operibus quantumvis egregijs vix æquari possit. Si ergo in itineribus, & nauigationibus sanos, & robustos, sine vlllo valetudinis detrimento solitam disciplinæ nostræ abstinentiam retinere valentes, videant laxiora sequi, dicendum videtur, eos non instrui exemplo illo bono, quod prius conceperant. Meliora quippe sibi persuaferant.

Ratio secunda. Monachus, qui accumbens mensæ, ubi oua, & lactei cibi facile apponuntur, vel apponi possunt, & rogatus pulmenta incocta carnibus edit, persuadet, ut plurimum, id sibi licere. At si melioris doctrinæ tenax, comiter respondeat, sibi cibos alios, qui suppetunt, satis lautum esse conuiuium, se non licita modo, sed honesta, & meliora sectari conuincit. Cum ergo satis bene pastus exemplo bono possit seculares ad pietatem vrgere, cur id non efficiat?

Ratio tertia. Compertum est, ex facilitate hospitibus conuiuendi, bonum Congregationis nomen alicubi diminutum, cum eo, quod vnus est nostris agere conspicitur, de reliquorum virtute iudicium feratur. Cum ergo monachus bene valet, & opinionem de nostris conceptam sine vlllo damno alere potest, quomodo lentescit,

& in

& in mitiora propendet ?

Ratio quarta. Consuetudo nostrorum est, austeram retinere disciplinam, apud eos quoque seculares, à quibus molestius incitantur, siue ob consanguinitatem, siue ob causas alias minimè indecoras. Constatq. eos ipsos, qui abstinentiam agere ferre videbantur, postea eam commendasse, eaq. de causa piam animi commotionem ostendisse. Quid ergo prodest facilis assensus rogantibus prætibus, qui animos non ità pie afficit ?

Ratio quinta. Non sunt adeò cæci, aut obdurati monachi nostri, ut occasione virtutis colenda lapsa, non sentiant aliquos ictus conscientie suggerentis, quantò fuisset Deo acceptius, & secularibus utilius, austeræ disciplinæ tenacitatem, quam laxitatē amplecti. Sic quisq. sui ipsius testis, ac iudex. Si ergò varia occurrit proficiendi occasio, & proximi inde ad pietatem inflammantur, profectò parùm sollicitus opum cælestium mercator est, qui bonum exemplum præbere non certat.

Audistis, quibus rationibus exempli boni æstimatio asseritur, & quàm referat, meliora in hoc genere exquirere. Multa sanè licent, quæ minimè expediunt. Licet quidem ijs, quæ à regula conceduntur, uti, verùm an id expediat, ex circumstantijs censendum est. Sat est, aiunt nonnulli legi non aduersari; verùm nos meliora monemus, bonosq. monachos nouimus, non id spectare dumtaxat, quod bonum, sed quod perfectius est. Quemadmodum enim in generis humani redemptione non id tantummodo præstitit

Chri-

Christus, quod sat fuisset, sed largiora refudit; ita pij, generosiq. animi, non quæ sufficiunt tantum, sed quæ meliora, Deoq. gratiora videntur, explere nituntur. Mundus festinat occidere, desertorumq. monachorum scandalis validè concutitur. Hic in apostasiam, ille in hæresim tremendo iudicio prolabitur, alius sordidam ducit vitam, & publicus solemniū votorum violator est. Si ergo multa monachorum infidelium colluies Ecclesiam Christi sponsam dehonestat, apertisq. perturbat scandalis; à quibus rogo monachis, nisi à nostris exigendum est, vt perfectò virtutum exemplo Ecclesiam condecorent? Recolite illum B. Tereziæ fundatricis nostræ zelum, & tenerrimum iam morientis sensum, quo se Ecclesiæ filiam esse, dicebat. Recolite, & sensum illum concipite, vestemq. deauratam reginæ à dextris Christi sponsi assistentis, quam alij dilacerant, vel inficiunt, vos, quoad per vires licet integram, mundamq. seruare. Non ergo in ijs solùm euentibus, quos textus è regula lecti occasione tetigimus, sed in alijs quibuscvis eo affectu, quo Apostolus Titum, hortamur, vt præbeatis vos ipsos exemplum bonorum operum, in doctrina, in integritate, in grauitate verbum sanum irreprehensibile: vt is, qui exaduerso est, vereatur, nihil habens malum dicere de nobis. Expendite, quàm accuratè homines, qui prælationes, aut magistratus ambiunt, indecoros actus ea præfectura, quam expetunt, indignos vitare studeant, cum sciant, se à multis attentè spectari, quibus placere opus sit. Diuinam vos maiestatem spectatri-

atri-

Matricem habetis in statu hoc, in quem cœlesti consilio cooptati estis, ut regnum æternum parare niteremini. Quid ergo desideratur, nisi ut Deo perplacere conemini, nihilq. deforme committatis, quod improbet ille, qui vos felicissimi regni sui consortes efficiet, si legitimè certasse comperiat. Hæc mente pertractate, & altè impressa retinete.

TEXTVS DECIMVSTERTIVS.

Exhortationes.

Q Via verò tentatio est vita hominis super terram, & qui pie volunt vivere in Christo, persecutionem patiuntur: aduersarius quoque vester diabolus tanquàm leo rugiens, circuit quarens, quem deuoret; omni sollicitudine studeatis indui armatura Dei, ut possitis stare aduersus insidias inimici.

Accingendi sunt lumbi vestri cingulo castitatis, muniendum est pectus cogitationibus sanctis. Scriptum est enim. Cogitatio sancta seruabit te. Induenda est lorica iustitia, ut Dominum Deum vestrum, ex toto corde vestro, & ex tota anima vestra, & ex tota virtute diligatis, & proximum vestrum tanquàm vos ipsos. Sumendum est in omnibus scutum fidei, in quo possitis omnia tela nequissimi ignea extinguere. Sine fide enim impossibile est, placere Deo. Galea quoque salutis capiti imponenda est, ut de solo Salvatore speretis salutem, qui saluum facit populum suum à peccatis eorum. Gladius autem spiritus, quod est verbum

Dei,

Dei, abundanter habitet in ore, & in cordibus vestris, & quaecunque vobis agenda sunt, in verbo Domini fiant.

Faciendum est vobis aliquid operis, ut semper Diabolus inueniat vos occupatos, ne ex otiositate vestra aliquem intrandi aditum ad animas vestras valeat inuenire. Habetis in hoc beati Pauli Apostoli magisterium pariter, & exemplum, in cuius ore Christus loquebatur, qui positus est à Deo Prædicator, & Doctor gentium, in fide, & veritate, quem si secuti fueritis non poteritis oberrare. In labore, inquit, & fatigatione fuimus inter vos nōte, & die operantes, ne quem vestrum gratiamur: non quasi nos non habeat, eius potestatem, sed ut nosmetipsos formam daremus vobis, ad imitandum nos. Nam cum essemus apud vos, hoc denuntiabamus vobis: quoniam si quis non vult operari, non manducet. Audiuius enim, inter vos quosdam ambulare inquietè, nihil operantes. His autem, qui huiusmodi sunt, denunciamus, & obsecramus in Domino Iesu Christo, ut cum silentio operantes, panem suum manducent. Hæc via sancta, & bona: ambulate in ea.

Observatio ibernatum, quæ ex hoc textu duci possunt ad exhortationes solitas.

Potest differi primùm de tentationibus, deinde de studio virtutum, quæ spiritualis armatura est, mox de familiari vlu verbi Dei, denique de otio vitando.

Exhortatio de bono, quod in tentationibus paratur . Cap. XXIX.

Parsens regulæ textus, grauis quædam, & salubris eruditio est, quæ in memoriam reuocatur mortalis vitæ conditio, & perennis militia, seu tentatio, quæ infestatur. Non disceptat, sed supponit hominis vitam tentationibus obnoxiam esse. Quapropter monachus quisque secum statuere debet, se omnino tentandum, ut non turpem fugam, sed claram victoriam meditetur. At hoc neutiquam præstabit, si bonum, quod in tentatione prouenit, non curet habere perspectum. Has ergo rationes percipiat.

Ratio prima. Suspecta est virtus, quæ aliquo experimento probata non fuit: quis enim credat ei, qui grandia pollicetur, si opera promissis fidem non astringant? Cum ergo tentatio, quædam virtutis experientia sit, qui sibi cupit non esse suspectus, tentationis experimentum refugere, aut ægre ferre non debet. Aurum certe igne examinatur, & suspicionem omnem excludit. Ut ergo qui rudem auri massam non excoxit, sibi minimè satisfacit, meritoq. ambigit, an aurum syncerum sit; ita qui virtuti parandæ studet, neque tentationis experientia, quid valeat, deprehendit, non potest propriam virtutem, non habere suspectam, interestq. multum, ut tentari non renuat.

Ratio secunda. Victoria vniuersè placet: quis enim victor esse nolit? At victoria sine bello nequit

229

quit acquiri, paratur autem edomitis hostibus. Cum ergo certum fit, vobis placere victoriam, æquum profectò est, ut tentationis prælium minimè formidetis. Victoriz decus, & prædam meditamini, & vim rationis expendite.

Ratio tertia. Lætitiæ, quæ ex parva tentationis victoria succedit, ea est, quæ bonos certatores ad certamen perurgere valeat: quod varia similitudine explicari posset, qualis hæc: Qui requiem post acres neruorum dolores nactus est, ingens quoddam bonum sibi parasse videtur, ex cuius amplexu, vel possessione magna vis lætitiæ subit. In hunc modum tentatione victa succedit pax lætitiæ ferax, qua totus homo mirificè peruaditur, & exhilaratur.

Ratio quarta. Quicquid de lætitiæ successu asseratur, negari nequit, meritam tentationibus magnoperè augeri. Illa enim spectata fides, patientia, constantia, qua ictus valdè excepiuntur, animo interim non concidente, sed generosè reluctante, horreum quoddam selecto critico plenum est, quo monachus ditescit. Cur ergo tentari nolit? Cur conflagrescat?

Ratio quinta. Etsi nullum proueniret lucrum, maximi fieri deberet, diuinæ maiestati iucundum spectaculum inuicta fortitudine exhibere. Quibus enim oculis, putatis, strenuum militem grauiter impugnatum, & nunquam cedentem, vel de integritate, & constantia quicquam remittentem Deus intuetur? Profectò gratissimum spectaculū, & amplæ remunerationis spe benè fultū est.

Ratio sexta. Recolite amicorum Dei præclarissima

rissima exempla, & proculdubio animaduertetis, decuisse, vt quò Deo acceptiores fuere, eò grauius tentarentur. Quid durius imperari potuit Abrahæ, quàm vt filium immolaret? Quàm acris hæc tentatio fuit? Quid de Iob subtexam, quem Deus dirissimis inimici telis exposuit? Quid de Tobia, cui lumen oculorum ademit? Hi sanè Deo charissimi fuere, & tamen interfuit plurimum, vt acerrimè tentarentur. Si ergo inter Dei amicos vos recenseri posse, confiditis, ne terga vertatis, sed armis à regula præscriptis, cum hoste sæuissimo dimicare, honorificum ducite.

Appendite nunc rationum pondera, & iudicate, quàm errent grauitè, qui in statu nostro, semilitia concidere patiuntur, quòd temptationibus vexentur. Diuino munere in statum monasticum asciti sunt, vbi est multiplex armatura, qua obsepti victorias illustres de mundo, tartaroq; referre valent: & bellum degeneri corde detrectant. Quænam imbecillitas est hæc? statim, ac armati sunt, deberent ipsi congressum optare, memores Christi, quem Spiritus impulit in desertum, vt tentaretur. Non est planè Christi militia dignus, qui spiritualia prælia reformidet. Expendite verba sacra regulæ nostræ textui inserta: *Qui piè volunt viuere in Christo, persecutionem patiuntur.* Quam persecutionem? An omnes pij a tyrannis ob Catholicæ fidei defensionem trucidantur? An omnes martyrio coronati intereunt? Non est hic sensus ad regulæ mentem necessarius. Sat est, vt dæmonis, mundi, propiarumq; passionum infestatio non

desit. Hæc est monachorum persecutio, quæ
 excruciantur, cui si validè obstant, catalogo il-
 lustrium certatorum ascribi possunt. Hæc est
 militia, hæc est tentatio, hæc est persecutio, quæ
 vos exercendi estis, si bona immensa parare ve-
 litis. Huc conferunt arma spiritualia fidei, spei,
 charitatis, patientiæ humilitatis, quibus conser-
 tis velut loricati ad certamen procedunt mona-
 chi a tartaro formidati.

Quid cogitatis? Memoria repetite Apostolos,
 qui spiritus primitias acceperunt, & eos quasi
 homines neci destinatos, instructis tartari, mun-
 dique agminibus, & vniuersali quadam con-
 iuratione tentatos aspiciete. Lustrate etiam
 omnia Ecclesiæ castra, & Dei electos, quorum
 nomina scripta sunt in libro vitæ, internis præ-
 lijs, morbis, doloribus, fame, siti, inopia alijsq;
 sexcentis malis obsessos intuemini. Si ergo tan-
 torum virorum consortium placet, adeste animis,
 & virili fortitudine dimiccate.

Ne probetis consilia eorum, qui vnius mensis,
 vel anni impugnationem se ferre non valere,
 prætexunt. Illorum potius sententiam probate,
 qui per decennium, & vltra, vno, aut multis ten-
 tationum generibus concussi, in Christi amore, &
 promissa ei fide persistunt. Sive caro rebellet,
 siue passionēs sæuiant, siue dæmon extimulet, si-
 ue homines obrectent, siue iniuriæ irrogentur,
 siue interna ariditas vexet, ne stationem vestram
 deserite. Respicite Christum Pontificem nostrum
 tentatum per omnia, pro similitudine absq; pec-
 cato, & exemplari nostro aptè congruite. Bellum
 deniq;

deniq; tranſit, pax ſuccedit æuo ſempiterno permanſura. Præclare cum David actum fuit, vt cum Philiftæo congredere-²³¹tur, quandoquidem illo caſo, caput geſtans occiſi, honorificentiffimè ab Iſrael exceptus eſt. Pug-
nate, & vos, & prælij finem contem-
plamini. Aſſiſtite Chriſto tenta-
to, vt ampliſſimi promiſſi vos partici-
pes efficiat. Promiſſum audite.

*Ego in medio veſtrum ſum, ſicut qui miniſtrat, vos autem eſtis, qui permanſiſtis mecum, in tenta-
tionibus meis. Et ego diſpono vobis, ſicut diſpoſuit
mibi pater meus, regnum, vt edatis, & bibatis ſuper
menſam meam in regno meo, & ſedeatis ſuper thro-
nos iudicantes duodecim tribus Iſrael.* Luc.
22.

Ecce quàm optandus accubitus, ad Vnigeniti Filij Dei menſam, ecce, quàm ſublimis ſeſſio in thronis à Deo paratis. Hæc eſt merces, quæ re-
penditur monachis, qui cum Chriſto tentari per-
tulerunt. Huc ergo incumbite, & armatura Dei
muniti certate.

Exhortatio de ſtudio virtutum.

Cap. XXX.

ALtè imprimenda ſunt illa regulæ verba: *Omni ſollicitudine ſtudeatis indui armatu-
ra Dei, vt poſſitis ſtare aduerſus inſidias inimici.* Hæc præfatur, & mox attexit catalogum armo-
rum, quæ ſunt chriſtianæ virtutes, quibus mona-
chum, ad varios inſultus oportet præmuniri. Contextum obſervate, & animaduvertite, quàm
ſic ex legiſlatoris mente ſtadium virtutum, cui

accurata debetur attentio . Neq; id solummodo obseruate, sed vterius procurrite, & prodigiosam monasticorum ordinum calamitatem, quæ ex virtutum neglectu successit, contemplamini, vt similem cladem præcauere aliorum damno discatis . Quod vt efficaciter præstetis, has rationes perpendite .

Ratio prima . Virtus per se spectata, bonum honestum, & amore dignum est, cum hominis naturæ congruat, eamq; perficiat . Est ergo naturali propensione consentaneum, vt homo studio virtutum se ipsum dedat . Si autem id omni consonat homini, quanto est æquius, vt monachus virtutibus veris excellat ?

Ratio secunda . Christiana virtus est quoddam bonum non honestum modo, verum & diuinum, quod homines mundo altiores efficit . Cum ergo monachus statum mundo excelsoiorem elegerit, quid superest, nisi vt Christianas virtutes, quæ animum sublimen creant, curet exquirere ?

Ratio tertia . Vires animi peccato originali, & alijs inde ortis malis attrita sunt, & plurima, grauiaq; imminēt bella, quibus vt homo fortiter occurrat, virtutibus Christianis, quæ sunt animi robur, proculdubio eget . Quomodo ergo monachus tot, tantisq; malis non succumbet, nisi se armatura virtutum vndiq; seperit ?

Ratio quarta . Monachus rerum celestium, debet esse consultus, & in summum bonum cor intentum gerere : quod vt efficiat, sincera fide, firma spe, ardenti charitate, inuicta patientia, alijsq; virtutibus omnino indiget ; nam difficul-

tas è multis orta capitibus, nisi huiusmodi armis minimè superatur. Quàm ergò cæcus erit monachus, qui virtutes has comparare non sollicitè studuerit?

232

Ratio quinta. Monachi vita, iugis quædam ad Dei vnionem aspiratio est; quid enim aliud optandum superest, postquàm creata omnia, pia animi erectione pertransijt? Constitutum est autem, veras virtutes, nexus esse quosdam, quibus animus noster Deo, velut astringitur, quod diuinæ præsertim congruit charitati, quæ vinculum perfectionis est. Si ergo vobis vnio diuina videtur expetenda, opus est, vt medijs virtutibus, Deo hæzere conemini.

Quæ promptissimus, vt credi debet, pios animos possent excitare. Cæterùm hoc mirum videtur, quòd cum virtutum studium tam pium, honestum, & monachi proprium sit, tam sint pauci, qui veras virtutes colant. Labuntur tempora prolixa, & post monasticæ disciplinæ decennium, non maior patientia, humilitas, mansuetudo, obedientia deprehenditur, quàm sub ipsum primi ingressus initium. Quin etiam, quòd mirabilius est, multò minor præfertur virtus, siue humilitatis, siue obedientiæ, siue mansuetudinis occasio se se offerat: vixq; rebus theologicè perpen-
sis, concludi potest, vllum esse progressum, cum rationes validæ suppetant ad regressum, persuadendum. Hæc sanè observatio bonos censores torquet, timentq; vehementer, ne via, quæ multis recta videtur, eos ad interitum ducat. Et quidem causa hæc, de qua dicimus, non adeò ab-

strusa est, vt vos omnino lateat . Estote vos ipsi Iudices, ac mihi roganti satisfacite . Rogo : Monachus ante decennium a prælato monitus statim acquiescebat, tñlebat reprehensus, imposita onera mitis subibat : Nunc Prælato reluctatur, excusationes prætexit, onera palàm detrectat, & hoc in morem induxit, ita vt nisi imperata eius ingenio fortuito placeant, vix quicquam, sine auersi saltem animi indicijs, exequatur . Rogo inquam, an iste lapsu decennij progressus, an regressus fuerit ? Dicite quid de homine isto censendum sit . Profectò, aut omnis theologica doctrina de medio tollenda est, aut sentiendum, monachum istum retrocessisse . Quomodo enim tam licenter ex more ageret, si veras virtutes comparasset ? Si autem verarum virtutum expertus est, quomodo progredi potuit ? Ne vobis ipsis blandiamini, patres : ne fragilibus leuium rationum fundamentis innitamini . Apprehendite disciplinam tutam, solidam, sanctorum exemplis confirmatam, ne quando irascatur Dominus doctrinis peregrinis irritatus, & pereatis de via iusta, per quam incedere cœpistis . Nullus sanè negociorum gestor, lucri, aut honoris cupidus opinionibus minus tutis innititur : per tutiora, & opportuniora, lucrum, honoremuè perquirat . Actus virtutum, quæ sunt itinera æternitatis frequentate : dum instat difficilis obedientiæ, humilitatis, patientiæ, arduitas, occasionem cupide arripite, & pro tuenda virtutum honestate, quicquid in hac mortali vita speciosum, & expetendum videtur, excelsè contemnite : atq;

ad

ad hunc modum ad supernæ vocationis palmam
celerrimè currite.

233

Exhortatio de familiari usu verbi Dei.

Cap. XXXI.

Regula certè nostrà, velut turris David est,
è qua pendet omnis armatura fortium. Et
quidem inter arma plurima, meritò recensetur
Dei verbum intus impressum, & externè frequen-
tatum, vt patet è textu illo: *Gladius autem spi-
ritus, quod est verbum Dei, abundanter habet
in ore, & in cordibus vestris.* Ex hoc profectò
textu liquet, legislatoris mentem fuisse, vt de
Deo, ac diuinis rebus monachi nostri crebrò ver-
ba facerent: quæ quidem res, cum momenti ma-
ximi sit, omisso interim verbi diuini in corde la-
tentis tractatu, rationibus multis asserenda est.

Ratio prima. Potior instituti nostri pars est,
rerum diuinarum contemplatio, quod vobis sa-
tis compertum statuo. Si ergo status, & officij
proportio, vti decet, obseruanda est, quibus de
rebus, nisi de cœlestibus nostri loquantur? Pi-
ctor, Scalptor, Iuriscōsultus, Medicus, & alij pro-
fessores, de instituto quisq; suo passim verba fa-
ciunt, officio penè coacti. Cur ergo monachus,
qui diuinorum contemplationem proficetur, non
de diuinis agat? Non ne perspicua rei proportio
diuinum sermonem à nobis exigit, & contrariæ
consuetudinis deformitatem ostentat?

Ratio secunda. Manifestum est, familiari ver-
bi Dei usu innumeras vitari culpas, quas lingua,

fortè conspiciunt, auidè cum illo de patria, eiusque successibus colloqui, Cum ergo nos simus exules, à patria nostra, quàm dulcissima multum disici; quid agimus, aut quomodò affecti sumus, si de Ierusalem cœlesti, immensisq; eius bonis non identidem differimus?

Ambigi nequit, patres, quin statui nostro sermo diuinus congener sit; vixq; in vniuerso orbe Christiano, gens vlla reperitur, quam proprium institutum ad eum tam arctè, ac nos ipsos astringat. Ab ipsa quippe educatione, à quotidianis, aut frequentibus exhortationibus, à libris; quibus nouitij, professiq; passim vtuntur, à familiari vsu præsentiae Dei, ab scopo contemplationis multa, & firmissima duci possunt argumenta ad illum efficaciter persuadendum. Quocirca mirum videtur, paucos demùm inueniri, qui de rebus diuinis, tam sæpè, ac expediret, loqui velint. Quid est hoc? Cur non omnes hanc cœlestem eloquentiam ediscimus, & non in concionibus tantum, sed in familiari sermone Dei præcones disertissimi euadimus? An verum non est illud regis psaltis effatum.

Ignitum eloquium tuum vehementer.

Psal.
118.

An non & illud.

Eloquia Domini, eloquia casta.

Ps. 11.

An Dei sermo non est viuus, & efficax? Cur ergo non ei linguæ omnes assuescant? Animaduertite, quàm solícite patritiorum filij palatinum sermonem addiscant, vt principibus placeant. Nonne æquum foret, vt nos Ciuitatis Dei linguæ, siue sermonis periti essemus, & casta verba

con-

contexere pergeremus, ut diuinæ probaremur maiestati. Profecto turpiter errabimus, si sermone diuino neglecto, otiosa, seu uana uelimus efferre. Etenim hoc à nobis officium mundus expectat, & hæreditario iure censet explendum. Parens quippè, & fundatrix nostra Teresia hanc spirituales patrimonij partem minimè despicendam nobis reliquit, quam dissipare nefas est. Caterùm licet argumenta deessent alia, hoc vnū omninò conuinceret; quòd si corda cælo affixa sunt, uerba proculdubio cælestia proferent, iuxta illud Euangelicum.

Luc. 6. *Ex abundantia cordis os loquitur.*

Cùm ergo nos stricto uinculo innexi simus ad corda iugi Dei præsentia cælis inferenda; aut de cælesti patria loquendum, aut internum hominem officio deesse, fatendum est. Quid ergo eligitis? quid agere decernitis? Quid consilij capietis exules? Mementote ciuium Ierusalem in captiuitate Chaldaica lugentium, neque aliud, quam Sionem cogitare, aut loqui statuentium, in hæc uerba.

Ps. 136. *Adbareat lingua mea faucibus meis, si non meminero tui.*

Proprijs linguis captiuus populus imprecabatur malum, si se in alia uerba, quam Sionis exererent. Et quidem satius foret, ut monachi lingua intus faucibus hæreret, quàm ut se otiosis, aut uanis uerbis pollueret, quod de Sacerdotibus præsertim asserendum est. Quomodo enim audent, linguam, qua consecrationis uerba paulò ante protulerunt, ad uana, uel otiosa laxare?

Ergo

Ergo ne lingua, quæ Dei instrumentum fuit, ad animas sanctificandas, & panem in Christi corpus conuertendum, à dæmone paulò post regenda, & fœdanda est? Hæc patres meditamini, ac horrescite: & è casto ac ignito Dei sermone meritum, & puram voluptatem elicite.

Exhortatio de otio vitando. Cap. XXXII.

Non sunt oscitanter prætereunda verba illa regulæ, *Faciendum est vobis aliquid operis &c.* quæ legislator à dæmonis impugnatione, & Apostoli consuetudine confirmat. Nimirum, opus fuit, vt otium lege damnaretur, cum quoddam vitiorum seminarium sit. Sanè vt ager incultus spinas, & vrticas, sic otiosus monachus innumeros culparum aculeos profert, quibus & propriam, & aliorum conscientiam dilacerat. Ne, ergo tantum ingruat malum, rationes hæ animo imprimendæ sunt.

Ratio prima. Homo ad laborem natus est, otiumq. communi omnium nationum conspiratione reprehënditur, vt ex varijs artibus ad otium vitandum ingeniosè inuentis perspicitur. Si ergo vbiq. vitio vertitur otium, necesse est, vt intra claustra quoque reprobetur, cum infame gestet inscriptum, quod grauium malorum suspicionem ingenerat.

Ratio secunda. Otium efficit hominem inertem, cui accidit; quod ijs, qui diu in compedibus fuere, solet euenire, vt scilicet ægre incedant, vbi soluti sunt. Quo quidem ex malo efficitur, vt ad

virtu-

virtutum actus difficulter procedat, & in dies ad opera homine digna fiat obtusior. Quis autem non iudicet, mala hæc in monacho, qui ad spirituales palæstram accessit, turpiora, quàm in secularibus esse?

Ratio tertia. Otiosus monachus passiones proprias non modò non coercet, verùm conualescere sinit; quarum impetu peiora interdum, admittit, quàm in seculo perpetrasset, quod tragædijs multis compertum est. Corpus quippe nullo labore domitum, & disciplinæ monasticæ impatiens animam vacantem præcipitat, & quò status sanctior est, eò grauior succedit legum transgressio, & conscientiæ perversitas. Quis ergo tremenda mala non formidet, otiumq. depellat?

Ratio quarta. Loca sacra pijs laboribus dicata otiosum monachum minimè sustinent: ex quo fit, ut ille neque cellæ angustijs, neque claustri septis, se contineat, & vel frequenter domo exire, vel si domi maneat, loca omnia pererrare, non cesset. Hinc existit multiplex damnum, quo legum custodia languet, & varij introducuntur abusus: Quomodo ergo zelo Dei flagrare potest, qui otium non grauiter detestatur?

Ratio quinta. Monachus otiosus complices habere satagit. Cùm enim, ipse nihil boni agat, alios à bonis operibus diuertit, ut cum eis verba faciat, & tempus vanè terat. Quis autem non animaduertat, in hunc modum, catenam quandam multorum otio torpentium, conseri, & silentium, recessum, Dei præsentiam, & pios affectus interire? Profectò otij malum

genus quoddam morbi contagiosi latè serpentis est.

Ratio sexta. Animus otio resolutus vrbs quædam muris minimè septa est, quam nostræ salutis inimicus facillè capit, ac funditus euertit; quod multis prodigiosis casibus ostenditur. Cùm ergo monachus eo ipso, quod otio langueat, se telis scississimi hostis exponat, peruiumq. sit capi, & ad interitum vsque sauciari; quid cogitat, si otium excutere non satagit?

Dicite nunc, patres, quid de otij deformitate censeatis. Dicite, quid vobis videatur de hoc regulæ monito, quo nos ab otio dehortatur. Opus sanè fuit, vt graue hoc malum procul arceretur à claustris, quorum cœtus, quædam spiritualium apum examina, sollicita, ordinata, & operi perseveranter intenta esse debent. Expendite graua illa Apostoli verba regulæ inserta: *Audiuius inter vos, quosdam ambulantes inquietè, nihil operantes. His autem, qui huiusmodi sunt, denunciamus, & obsecramus in Domino Iesu Christo, vt cum silentio operantes panem suum manducent.* Hæc Apostolus, qui ægerrime ferebat genus quoddam hominum, quibus manus inertes, lingua semper exerta fuit, quos grauitè compescere oportuit. Quid autem sentiret Apostolus, si ætate hæc, monasteria multa, in quibus olim legum custodia, & pia quædam monasticorum operum contentio vixit, aspiceret? Quem conciperet sensum, si otio torpentes, verbolos, nouitatum obseruatores, cellæ impatientes, extra, intraq. claustra vagantes monachos intueretur?

tur? Quid ille diceret, si vias novæ Sionis lugentes, & à nemine tritas, chorum, inquam, oratorium, locaq. sacris actibus destinata, minime frequentata cerneret? Contemplamini vos rerum statum, ubi otium inualuit, & dicite, quàm sit æquum, similem calamitatem præcauere, & pios instituti nostri labores, velut præservativam medicinam æstimare. Consideret etiam quisque veltrum, quid Christo responsurus sit, si talentum in terra defodiat, neque fœnus aliquod reddat. Consideret filiorum huius seculi prudentiam, & incredibilem ad honores aucupandos, opesq. congerendas sedulitatem. Quem rogo laborem detrectant, quam commoditatem non respiciunt, quas noctes non peruvigilant, quæ itinera non conficiunt, ut quod animo conceperunt demum obtineant? Parentes filios instruunt, ut otium auerfentur, seduloq. laborent, ut in senectute quiescant. Vos ergo, qui æternam requiem, quam Ecclesia è vita migrantibus precatur, meditamini, qui amplam mercedem in cœlo repositam vobis esse confiditis, cur otio velitis desidere? Breves dies hominis sunt, iustusq. è corporis custodijs liberatus dicitur implexisse tempora multa. Qui enim spiritu Dei agitur, præsentem laborem futuramq. remunerationem mutuo confert, atque perpendit, præmijq. successuri spe erectus, ac roboratus, ne punctum quidem temporis, sine pio labore aliquo vellet elabi. Hæreant animo verba illa Christi:

Luc. 19 *Negotiamini dum venio.*

Hæreant alitè, hæreant perseveranter: & tanquam

quàm solliciti Regni Cœlorum mercatores, otio depulso, opera operibus adijcite, laboribus labores addite, & ad optatissimam requiem, quam expetitis, quantocyùs peruenire contendite.

TEXTVS DECIMVSQVARTVS.

De silentio.

Commendat autem Apostolus silentium, cùm in eo præcipit operandum. Et quemadmodum propheta testatur: Cultus iustitia silentium est: & rursus, in silentio, & spe erit fortitudo vestra. Ideò statuimus, ut dicto completoria; silentium teneatis usque ad primam dictam sequentis diei. Alio vero tempore, licet silentij non habeatur obseruantia tanta; diligentius tamen à multiloquio caueatur. Quoniam sicut scriptum est, & non minus experientia docet: In multiloquio peccatum non deerit. Et qui inconsideratus est ad loquendum, sentiet mala. Item qui multis utitur verbis, ledit animam suam. Et Dominus dicit in Evangelio: De omni verbo otioso, quod locuti fuerint homines, reddent de eo rationem in die iudiciij. Faciat ergo unusquisque stateram verbis suis, & franos rectos ori suo, ne forte labatur, & cadat in lingua sua, & insanabilis sit casus eius ad mortem, custodiens cum propheta vias suas, ut non delinquat in lingua sua, & silentium, in quo cultus iustitia est, diligenter & cautè studeat obseruare.

*Observatio thematum, quæ ex hoc textu duci
possunt ad exhortationes solitas.*

Potest dici de silentio. Poterit etiam differi
de linguæ lapsibus.

Exhortatio de observatione silentij.

Cap. XXXIII.

Mirum profectò videtur, ut in regulæ nostræ
textu adeò breui, de cultu silentij tam lon-
gè differatur. Breuitas ea est, quæ maior vix esse
potuit, & tamen ubi legislator ad silentij leges
accessit, penè prolixus euasit. Quæ quidem ex
re illud confici videtur, ut silentij cultus momenti
maximi in monastica disciplina sit, & è linguæ
moderatione bonorum spiritualium seges multa
proueniat: quod his rationibus suademus.

Ratio prima. Ipsum certè silentij nomen, quod
non sine consilio in aliquot cœnobiorum locis
grandi charactere solet inscribi, habet nescio
quid veneratione dignum, & lectum dūtaxat, vel
auditum, religiosum quendam sensum à mundi
strepitu exemptum imprimere videtur. Quocir-
ca vel ob eam religionem, quam nomen ingene-
rat, magni fieri debet.

Ratio secunda. Silentium adeò monachi pro-
prium est, ut eius officium homini verboso repu-
gnare videatur. Functiones quippe monasticæ,
quæ animo in res diuinas intento exercentur,
rectè obiri nequeunt, nisi lingua cohibita,

& ad

& ad pauca verba , vbi oportet , exerta .

Ratio tertia . Perenne orationis , ac præsentis Dei studium , quod profiteamur , cum verborum copia proculdubio pugnat . Quomodo enim interna virium collectio , quam studium illud planè requirit , cum earundem virium dissipatione , quæ per verba fit , cohærere poterit ? Verborum autem multitudine collectionem illam discuti , ac interire ita notum est , vt confirmatione vlla non indigeat .

Ratio quarta . Linguz moderatio , quàm difficillima est , vt disertè Iacobus Apostolus ostendit in hæc verba :

Linguam nullus hominum domare potest . Iac. 3.

Præmiserat feras à natura humana domitas , & subtexuit linguam indomitam . Cum ergo domesticus linguz inimicus tam sit proteruus , necesse quidem est , vt silentij studium , quo illi vires adimuntur , accuratissimum sit .

Ratio quinta . Silentij cultus ita hominem honestat , vt illum alias exigui meriti , mira quadam virtutis persuasione laudabilem efficiat . Res vera , & vulgata est . Constat quippe , hominem tacitum prudentiæ famam compendio quodam acquirere , & ab alijs , velut quandam sapientiæ arcam benè clausam existimari . Quo quidem ex capite id boni exoritur , vt quemadmodum thesauri thecam omnes aperiri cupiunt , vt auri repositi aspectu delectentur ; ita hominis taciti labia diduci optent , vt verba expensa denique audiant . Hæc silentij æstimatio est : Si ergo ita se res habet , profectò monachus loquax

non disciplinæ tantum monasticæ, sed propriæ etiam exultationi nocet.

Ratio sexta. Qui tacitus est, culpas vitat innumeras, & velut sylvam quandam veprium ictu vno succidit. Manifestum est quippe linguæ licentiam sine multiplicibus erratis non posse permitti, quod vos expertos fuisse statuo. Si ergo tot mala monachus taciturnus cauere potest; quo spiritu afflatur, si præstituta silentij claustra perrumpit?

Ratio septima. Christus Dei verbum, cui verba officere non poterant, cum quicquid proferebat, diuino prius consilio fuisset expensum, adeo silentij tenax fuit, vt triginta annis tacuerit, tribus verba fecerit, quod sancti dum considerant, obstupescunt. Cum enim mundus doctrina eius saluberrima, diutissimeq. expectata indigeret, & vaticinia ybertim explenda speraret, quibus prædictum fuerat, ipsum Dei Unigenitum præceptoris munere functurum; mirum sanè visum est, vt è breui triginta trium annorum periodo, annos triginta silentio, tres prædicationi destinaret. Quis vnquam hoc excelsum, & abstrusum Dei consilium sibi persuasisset, nisi Deus ipse id ob diuinam auctoritatem suam credendum, Evangelico textu expressum euulgasset? Aruerat mundus spiritali rore destitutus, & ad verborum Christi optatissimam pluuiam anhelabat: & tamen Dei Verbum decuplo plus silentio, quam sermoni tribuit? Quid est hoc? An hoc fortuito successit? Nonne æternum senatusconsultum est? Quid ergo dicemus? Profecto dicendum videtur, Christum non minus

silen-

filendo, quam loquendo in admiratione habendum: credendumq. omnino, illud vnigeniti Filij Dei silentium diuinæ sapientiæ fuisse congruentissimum, vt homines exemplo tanto erudirentur. Quid monachus aduersus exemplum hoc possit excipere? Quomodo non vniuersi monasticæ disciplinæ professores silentij amore capiuntur?

239.

Non dubium, patres, quin ad Christi scholam cælesti munere vocati fueritis. Non dubium, quin silentij decorem ametis. Non enim obdormistis, vt tam salutaris doctrina cordi non hæreat. Cæterum non sat est, silentium, vtcunque, obseruare. Altius ascendendum est: vt scilicet, vbi iusta loquendi ratio vrget, parcè, & modestè admodum dicatis. Quod vt vobis persuaderi possit, non rationes, aut exempla multa congeremus. Insistite proposito Christi nostri præceptoris exemplo. Contemplamini illum ad Pilati tribunal multis teterrimis criminationibus accusatum, & videte, an multa verba faciat, longamq. orationem ad sui defensionem subtexat. Instant acerrimi calumniatores, & tacet: & vrget iudex, vt quicquam loquatur, & tacet, atque ita tacet, vt præses miretur vehementer. Quale silentium est hoc? An non de vita innocentis agebatur, poteratq. seipsum efficacissimis rationibus, & cælesti eloquentia sine vllò linguæ lapsu tueri, & objecta omnia diluere? Cur ergo silet? An Verbo Dei verba defunt? Altum est secretum hoc, & vulneres cæli latet. Nos ergo ne secretum rimemur, sed miremur silentium, tam ar-

& seruatum, vbi loquendi causa perurgere, & penè cogere videbatur. Si ergo Dei Filius in eiusmodi occasione tacet, quid mirum, si monachum hortemur, vt parè, ac modèstè loquatur, vbi tandem loqui necesse est? Profecò Christi silentium disertissimos homines in claustra, vel deserta abditos, quodammodo fecit elingues. Et ne longinqua petamus, scitis, inter nostros fidelissimam viguisse silentij disciplinam, ita vt per nutus, ac schedulas plerunque negocia expediri consueuerint, vt ab vno, vel altero verbo, nocturni præsertim silentij tempore, abstinerent. Hæc aliaq. antiquorum patrum gestis similia, proposito Christi silentis exemplari mirificè consentiunt, & loquaces monachos Christo dissimiles, sine vllò linguæ vsu, tacita, & diuina quadam energia redarguunt. Quid ergo expectatis? An Christo in re tam decora, & status vestri propria congruere non vultis? Compescite linguam, & ori custodiam, ostiumq. circumstantiæ tandem apponite. Estote taciti rerum diuinarum contemplatores, diuinamq. eloquentiam, qua in Ciuitate Dei vsuri estis, addiscite.

Exhortatio de linguæ lapsibus.

Cap. XXXIV.

Mala, quæ ex linguæ lapsibus oriuntur, adeò à regula exaggerantur, vt quemlibet suæ salutis cupidum mouere debeant, ad aliquid peculiare ea de causa meditandum, quo se à lapsibus ope diuina seruet immunem. Quis enim ita
 stupi-

stupidus sit, qui non subsistat, & sibi prospiciat, dum legit verba illa: *Faciat ergo unusquisque stateram verbis suis, & franos rectos ori suo, ne forte labatur, & cadat in lingua sua, & insanabilis sit casus eius ad mortem?* Profectò si lingue lapsus ad mortem vsque animum sauciant, accuratissimè cauendi sunt, quod his rationibus monetur.

Ratio prima. Statuamus monachum aliquem loquacem esse, idque vitium respuere nolle. Rogamus nunc, quid de hoc homine verboso sperandum sit? Certum est quippe, eo ipso, quòd linguam soluat, præfixam virtuti metam transgressurum. Si etenim, qui taciti esse student, in re nulla frequentius, quàm in sermone se errare fatentur; quid de homine loquaci censebimus, qui immoderata verborum conglobatione latatur? Profectò absque numero labetur.

Ratio secunda. Quotidiana liquet experientia, eos, qui Dei timorem non prorsus abiecerunt, stimulos conscientie pati ex verbis, vel otiosis duntaxat, vel damnosis; aut enim tempus se vanè consumpsisse, aut alicui loquendo nocuisse, cum ad se redeunt, deprehendunt. Hoc experiuntur timorati: quid ergo si Dei timor absit? Porro, & culpa, & stimulus culpe mala sunt, quæ præcaueri debent.

Ratio tertia. Satis frequens malum est detractio, quæ inter crebros lapsus verbosi monachi recensetur, & quasi lepra quædam lingue non coercitæ est. Eoq. solet excreescere, ut vix loquax monachus linguam exerat, nisi ad alios carpen-

dos, vel mordendos. Quàm ergo salutare consilium foret, pietatis freno, ab huiusmodi lapsibus linguam præservare?

Ratio quarta. Nihil familiarius verboso monacho, quàm altercatio in cœtu patrum, ubi parè, & modeste loquendum esset. Quale autem malum sit altercatio, ex bono patris, quod aufert, censerì potest. Pax bonum quoddam divinum est, quod in claustris, quandam celestis patriæ imaginem refert: atque adeò altercatio pessimum pestis genus est, quod pia linguæ moderatione vitare, plurimum interest.

Ratio quinta. Satis crebrò loquaces monachi in vanæ ostentationis culpam prolabuntur, dum laudes proprias amplificant, quod ab humilitatis studio longè abest. Huic autem malo præsentaneum remedium parcitas sermonis expensì est, cum Dei timore connexa: quod memoriæ imprimi debet ab ijs, qui de spiritus cultura non segniter agunt.

Ratio sexta. Christianorum concionatorum cura verbis impensa, argumentum efficax struit ad lapsus familiaris sermonis præcauendos. Illi enim accuratè sententias, & verba præmeditantur, studioq. prævio demum enunciant; & tamen multi ab auditoribus lapsus deprehenduntur, quos ipsi minimè dignoscunt. Quos ergo lapsus non incurreret, qui absque consilio vllò linguæ indulget, & nunquam dicendi finem facere vellet?

Ratio septima. Grauiiores lapsus mendacij, periurij, calumniæ, & aliorum peccatorum, quæ lingua perpetrantur, licet à loquacibus monachis,

his, se nihil grave committere velle prætendenti-
bus, non formidentur; proclivè tamen est, vt
postquam loquendo incaluerè, in illa se quoque
præcipitent, casusq. subsequatur ille, quem re-
gula insanabilem appellat, non sanè quòd sanari
nequeat, sed quòd de resipiscèntia monachi lo-
quacitati assueti, & in errata gravia prolapsi mo-
dica spes supersit.

Lapsus, quos attigimus, satis multi sunt, cum
tamen alios multos reticere oportuerit, quos
prolixum foret hoc loco referre. Incredible
quippe ijs, qui rem hanc minimè sunt contempla-
ti, videtur, linguæ lapsus in tantum excrecere
numerus, & disciplinæ monasticæ tantoperè of-
ficere. At ij, qui rem perspectam habent, facili
consentiunt in florentibus ordinibus monasticis,
numerosius multò, & gravius linguæ lapsibus;
quàm alijs actibus peccari solere, qua de re sape
inter prudentes monachos prævia observatione
collatum est. Cum ergo tot malæ linguæ licen-
tia originem ducant, quis adeò instituti nostri
capitalis inimicus sit, qui non exstimeret, linguam
quodam timoris Dei cauterio potius vrendam,
quàm licenter ad verba laxandam? Vos ipsi di-
cite, quoties verba fecisse pœnituit? Verisimile
autem est, vos etiam de silentio rogatos respon-
suros, nunquàm ob linguam coërcitam, vllam
pœnitentiam subiisse. Vnde putatis, tot mona-
chos duabus quotidie statis horis orationi va-
cantes, & rerum diuinarum scientia satis instru-
ctos, post annos multos tam esse aridos, & a Dei
gustu alienos, ac si in seculo remanissent?

Prudens veteranorum coniectura est, monachos istos ob frequentem linguæ licentiam aruisse, ac propemodum obduruisse, ut iam spes profectus penè nulla suppetat. Ut enim desperatur vita, ægroti ingestum stomacho cibum diù euomentis, ita & profectus istorum, qui tamen si aliquod spiritus alimentum quotidie traijciant, eodem die lingua laxata reiiciunt, atque adeò spiritus minimè alitur, & ferè ad interitum ægrotat. Vtinam doctrinam hanc dignè æstimatam non calamo, sed spiritus sui digito cordium vestrorum, tabulis Deus inscriberet. Quàm feliciter progredere mini si lapsuum linguæ sylvam caderetis! Quàm suavis vobis accideret sermo Dei intus loquentis, & subtractum ipsius causa sermonem repensantis? Imperate vobis ipsis, & instrumento linguæ ad pietatem dumtaxat utimini. Otiosa verba à Christo iudice improbantur, quantò magis noxia? Ne iudicem irritate. Exerite potius linguam ad Dei laudes celebrandas, & eloquijs castis ad legis diuinæ lineam exactis eruditi, erga cætera taciti, æternorù desiderijs conflagrate.

TEXTVS DECIMVSQVINTVS.

Exhortatio Prioris ad humilitatem.

T*V. autem, frater Brocarde, & quicumque post te institutus fuerit Prior, illud semper habeatis in mente, & obseruetis in opere, quod Dominus ait in Euangelio: Quicumque voluerit inter vos maior fieri, erit minister vester: & quicumque voluerit inter vos primus esse, erit vester seruus.*

Ob-

Observatio thematum, quæ ex hoc textu peti possunt ad exhortationes solitas.

Dici poterit de humilitatis cultu; Poterit etiam agi de actibus ad humilitatem parandam opportunis.

Exhortatio de humilitatis cultu.

Cap. XXXV.

TAmetsi lecti textus titulus Priori dumtaxat destinetur, causa, de qua agitur, communis est; cum perspectum sit, humilitatis cultum ad omnes pertinere. Ergo, & me ipsum, & vos ad tantæ virtutis studium hortabor, quod tantò diligentius impendendum est, quanto rariùs humilitas imis radicibus nixa provenit, & quantò est felicius in selecto paucorum humilium numero recenseri. Ut verò res cedat ex sententia, has rationes expendite.

Ratio prima. Nemo prudens extruendæ aliquius fabricæ cupidus, de fundamento bene firmo non cogitat. Cum ergo humilitas sit spiritualis fabricæ fundamentum, sine quo nihil satis tutum, firmumve construitur; omnino necesse est, ut monachus eius virtutis cultui se accuratissimè dedat, neque sine hoc studio, spiritui quantumvis sublimi credendum existimet.

Ratio secunda. Humilitas hoc parit bonum sanè maximum, ut animum diuinorum munerum capaciores efficiat. Depellit quippe superbiam

ventum, quo mens vana distenditur, & quandam velut cavitatem relinquit, quam Clementissimus Deus donis celestibus explet ea fidelitate, qua in rebus naturalibus locum depletum implet, ne quid vacuum remaneat. Cui certe doctrinae fides conciliat pietas, quæ non obscuris indicijs deprehenditur in viris humilibus, quos in schola Christi felicius prosperatos, quàm alios virtutum cultores animaduertimus.

Ratio tertia. Vir humilis cordium dominus est. Experientia quippe constat, eius consuetudinem esse omnibus acceptissimam, eumq. cordibus sine renisu imperare, quod & ratio ipsa persuadere videtur. Cum enim ipse omnibus cedat, nihil in eo asperum deprehendunt, cuius pretextu displiceat: E contrario verò mores suauissimos experiuntur, quorum vi efficacissima capti ei semper hærere vellent. Quod adeò verum ac testatum est, ut in cœtibz monachorum ijs, quos humilitate præcellere exploratum est, ab omnibus impensè amentur, & omnes ab eorum confortio separari timeant, quod vos obseruasse credimus. Si ergo monachus humilis impensè diligitur, ac proinde omnibus dominatur, & velut regno quodam non quidem affectato, sed ab alijs sponte delato potitur, cur non omnes hoc modò imperare, siue regnare velimus?

Ratio quarta. Humilitas pacis feracissima est. Nihil enim affectat ex ijs, quæ discordiam parere solent: non honorem, non primos accubitus, non commoda, vel utilia. Credit quippe vir humilis, se omnium vilissimum esse, rationiq. congruere,

ut no-

ut nouissimo in loco recumbat, & postrema fors ei in rebus quibuscumque obtingat. Sublata verò bonorum honorificorum, utilium, delectabilium, appetentia, libenter alijs defert, quæ ipsi cupiunt, sibiq. attribuit quæ alijs reijciunt: quo certè posito, pax dulcissima, & constantissima succrescit. Cum ergo creaturæ omnes pacem appetant; profectò monachus humilitatis neglector extra rationis metas vagatur, sibiq. ipsi consulere nescit, dum discordiæ sementem spargit.

Ratio quinta. Clarissima sunt exempla sanctorum, qui virtutis huius ardentissimo amore capti rara mundo spectacula exhibuere, ut Alexander Carbonarius, Franciscus, aliique permulti, quibus nihil fuit antiquius, quam ut se ipsos aspernarentur, & alijs despicabiles apparerent: quos tamen luculentissima gloria, in hac etiam mortali vita Deus illustrauit. Si ergo exempla sanctorum pondus habent, quo nomine dignus erit monachus, qui ijs insistere renuerit?

Ratio sexta. Recolite genus vestrum, estis enim Beatissimæ Virginis filij. Quò autem non pertigit Mariæ humilitas, quæ vnigeniti Filij Dei eor permulcere potuit? Profectò non sine sublimissimo consilio, diuina maiestas ad incarnationis mysterium Virginis assensum per nuncium caelestem postulauit, expectauitq. responsum profundissima humilitate redditum; quo accepto, mox sese Virginis viscibus infudit, & Verbum caro factum est. Si ergo quidam perfectissimæ humilitatis actus fuit, velut vltima, ad incarnationis mysterium dispositio, in

ea Virgine, quam ut matrem diligitis, ac veneramini; aut genus negetis, aut humilitatem impensè colatis necesse est.

Ratio septima. Contemplamini Christum pedes discipulorum abluentem, & obstupefcite. Audite illum postquam recubuit, humilitatis scholam instituentem his verbis, quibus ferè indomitæ mitescerent:

10.13. *Scitis, quid fecerim vobis? Vos vocatis me Magister, & Dominus: & bene dicitis, sum etenim. Si ergo ego laui pedes vestros Dominus, & Magister: & vos debetis alter alterius lauare pedes.*

Hæc mitissimus, cordeq. humillimus Redemptor noster. Quomodo ergo vniuersorum hominum colla non flectuntur, & studium Christianæ humilitatis cupidissimè arripiunt?

Profectò rationes hæ & me, qui à regula moneor, & vos, quos ad necessariæ virtutis cultum adhortor ego, pervincere, & ad humilitatis cultum vehementer inflammare deberent. Quid enim non fecit Vnigenitus Dei Filius ad mortalitatem nostram delapsus, ut nos humiles efficeret? Quænam impropéria non pertulit? Si pedum ablutio dura pectora molliat, cur non & facies sputis respersa? Si Christus æternus Deus ad discipulorum pedes genuflexus humilitatem efficacissimo docet exemplo; cur non & Crucifixus, ac publicè irrisus illam persuadeat? Contemplamini statum vestrum, & Christi discipulos repræsentate. Apostoli hoc Christi magisterio eruditi facti sunt tanquàm purgamenta huius Mundi, impropériû Crucis Christi sustinentes, ut

ma-

magistro congruerent suo . Vos ergo cum eundem nati sitis præceptorem , quid cogitatis ? Nondum saluator noster salutem operatus fuerat in medio terræ , & David coram fœderis arca tripudians, se humiliter acturum iuravit : Cur ergo nos prævio tanti præceptoris exemplo, humilitatis studio nos totos addicere non decernamus ? Quid dicam vobis ? Porro si prudentes negotiorum gestores esse velitis, modus cū diuina maiestate feliciter agendi, est ipsa Christianæ humilitatis affectio , quæ tam est efficax , vt Dei cor, quò velit inflectere posse videatur . Sit peccator quilibet tartaro penè demersus, humiliterque clamet ; & statim ira posita illum Deus amplectetur . Nonne publicanus humili sensu, suiq; despectu Deum precatus, confestim inter amicos relatus est ? Si ergo eos , qui cum in peccatorum cœno iaceant , diuina gratia excitati humiliter agunt, Deus amplexurus accurrit, vt ex dulcissima filij prodigi parabola censere quoq; potestis; quid non præstabit ijs, qui cum à peccatis abstinuant, tantæ virtutis studio se totos dedere certant ? non dubium quin clementissimus Deus eos in delicijs habeat . Pergite ergo patres , & Christianæ humilitatis cultu bona immensa comparete .

Exhortatio de actibus ad humilitatem parandam opportunis . Cap. XXXVI.

EX Evangelico textu liquet , viam, quæ ducit ad vitam , esse arctam , & à pauci carpi, quod

quod tam lugendum, quam verum est. Quid enim luctuosius, quam à salutis via exorbitare, ac proinde ad tartari præcipitium ferri eos, qui Christi sanguine redempti summo, ac sempiterno bono frui possent? Profecto deslenda est raritas hæc, cui fidem astruit humilitatis penuria, quæ in ijs quoq; deprehenditur, qui eam profitentur, ut raro vir humilis appareat vnus è plurimis, qui mundum despexisse videntur. Nimia sanè sterilitas, est hæc, cuius causam si peruestigare velimus, comperiemus proculdubio, fugam humilium actuum tanti mali originem esse. Vt enim ad exercitium humilitatis ventum est, incipit degener animus à proposito resilire, neq; vult preciosissimam humilitatis gemmam duro humilium actuum exercitio comparare. Erit ergò ad rem, ut eiusmodi actus animosè obire decernamus, quod hæ rationes exposcunt.

Ratio prima. Omnes in sententiam conspiramus hanc, virtutem scilicet humilitatis esse præstantissimam, meritoq; per agones, laboresque quærendam, ut è proxima exhortatione censere potestis. Cum ergo humilia obsequia, & vniuersè actus illi, quibus se quis neglectui habendum ostendit, ad eam virtutem parandam magnopere conferant; quo iudicio valet, qui actus illos passim detrectat?

Ratio secunda. Familiare est monachis, in quotidianis occasionibus versari, quibus possent ministeria postrema disciplinæ monasticæ exercere, à doctrina, vel prudentia ostentanda abstinere, quod suis culpis nullam excusationem ob-

ten-

tendere, solitos humilitatis ritus, puta alijs cedendi, genuaflectendi, vel se prosternendi, observare: quibus actibus omni dubio procul norunt ipsi sterni viam ad virtutem acquirendam. Quomodo ergo eam parabunt, si eas occasiones vitent, ijsuè abutantur rationibus ducti humanis? Nonne manifestum est, ea vivendi ratione, non modo humilitatem non parari, sed superbiam, ali? Nonne luce clarius est, eiusmodi monachos veste, quam gestant indignos, hypocritas censendos esse, qui animi elationem humili vestimento contegunt?

Ratio tertia. Vehementer ad pietatem commouentur animi, ubi qui in cœtu monachorum antiquiores, & varijs dotibus doctrinæ, ac prudentiæ cultiores sunt, humilibus insistent obsequijs, quod in Congregatione nostra ab origine huc usque observatum est. Quo quidem exemplo, & humilitas colitur, & aliorum animi ad æmulationem incitantur. Qua ergo mente leuibus ex causis, ministeria humilia recusentur, aut lentè exerceantur?

Ratio quarta. Quàm indecorum est, patritio seculari mechanicis actibus se dedere, tam speciosum est monacho, postrema cœnobij ministeria exequi, rebus quoque iuxta hominum opinionem, expensis, patetq; omnino, monachum, propriæ existimationis causa, ijs se subtrahentē, apud seculares, nedum apud monachos alios, boni nominis decrementum pati. Si ergo humiles actus apud Deum, & homines honorifici monacho sunt, quam ob causam illos refugit? Nonne
aper-

aperta fatuitas est ?

Ratio quinta . Profectò inter nostros mos percrebuit, vt magna fieret concertatio, ad humilia obsequia alijs præcienda, vel precibus impetranda : qua ex contentione insignis Dei gloria cum miro monachorum profectu existit . Nostis hoc . Qualis ergo ausus foret, aduerso flumine nauigare, & consuetudinem hanc antiquæ sanctitatis æmulam, ob indomitas passionés auferre, vel remorari ? Absit hæc dementia, vel proteruita .

Ratio sexta . Exprimi nequit, quàm Deo spectatori placeat strenuitas fortium militum superbiz, sensum humilium actuum assiduitate extinguere conantium ; quando videlicet in palæstra monastica, monachus propriæ existimationis stimulo excitatus à Prælato anxie flagitat, imponi sibi postremum aliquod ministerium, cui assuescat, donec sensus ille deficiat, dæmonq; timidus recedat, veritus ne fortè dimicantis meritum augeatur . Porro gratissimum est diuinæ maiestati spectaculum hoc, deberemusq; nos omnes id clementissimo exhibere Deo, cui velle placere, filiorum, quales nos esse decet, proprium est .

Quid ergo moramur ? Quomodo sitim humilium obsequiorum, & actuum sedare possumus ? Obseruate motus naturæ, & gratiæ . Natura cupit honorari, gratia despectum suggerit . Natura dotes claras ostendat, gratia exalat, & vilia prodit . Natura optat præesse, gratia subesse . Natura primum, accubitus, gratia postremum exquirat . Quid ergo vultis ? An naturam gratia præ-

præferatis ? Absit. An prudentius consilium non probetis eorum, qui ibant gaudentes à conspectu concilij, quoniam digni habiti sunt pro nomine Iesu contumeliam pati ? Ne cœptum iter intermittite, patres, sed qui collum iugo Christi subdidistis, animadvertite, quo consortio digni existimemini, & quàm foret turpe subiectas Christo ceruices erigere. Optabilius est, nouissimo, quàm primo spiritualium nuptiarum loco recumbere, ut audiatur postea honorifica, & lætitię plena monitio illa : Amice ascende superius. Bene est, ut votum non ambiendi emiseritis, quod humilitatis votum inter nostros cœpit appellari. Cæterum non satis officium expleretis, qui ad eximiam sanctitatis celsitudinem aspirare cœpistis, si votum illud à Deo inspiratum frequenti humilium actuum exercitio minimè confirmaretis. Agite ergo, & in schola mansuetorum, & humilium de profectu contendite. Ne sinatis lucri immensi occasiones elabi, sed oblatas arripite, quin, & non oblatas quærite. Utinam adesset Pynuphius aliquis, qualis ille, qui cum in Aegypto sanctitatis fama claret, humanam refugiens laudem, à monasterio numeroso, cui præerat, clam recedens, ad intima Tabennensium monachorum secreta contendit, ubi veste mutata, prolixis precibus, ut susciperetur, obtinuit : monachoq; horti cultori, in adminiculum destinatus, cum triennium humillimè ministrasset, à fratre quodam qui ex Aegypto aduenerat, cognitus, & à Tabennensibus, quibus occultus inseruiuerat, stupentibus honoratus, summa cum mœstia,

246
Cass.
coll. 2.
cap. 1.

ta, & lachrymis, quod ministerij illius occasionem amisisset, in cœnobium, cui præfuerat, redactus est. Hæc digna est tantæ virtutis æstimatorio. Nos minora suademus. Ne ergo animo concidite, sed ad humilitatis palmam per humilia obsequia properate.

TEXTVS DECIMVS SEXTVS.

Exhortatio fratrum, ut Priorem suum honorent.

Vos quoq; ceteri fratres, Priorem vestrum honorate humiliter, Christum potius cogitantes, quàm ipsum, qui posuit ipsam super capita vestra. Et Ecclesiarum præpositis ait: Qui vos audit, me audit; & qui vos spernit, me spernit: ut non veniatis in iudicium de contemptu, sed de obedientia mereamini vitæ æternæ mercedem. Hæc breviter scripsimus vobis, conuersationis vestræ formulam statuantes, secundum quam viuere debeatis. Si quis autem supererogauerit, ipse Dominus, cum redierit, reddet ei. Utatur tamen discretione, quæ virtutum est moderatrix.

Observatio thematum, quæ ex hoc textu duci possunt ad exhortationes solitas.

Dici potest de honore Prælati deferendo, mox de operibus supererogationis, eorumq. modo.

Exhortatio de honore praelatis deferendo.

Cap. XXXVII.

Vltimus hic regulæ textus, si ad me referatur, non modica ex parte, sua carebit energia; neque enim is sum, qui vllum honorem merear. Quia vero res, de qua agitur, vniuersè accepta momenti maximi est, dicendum videtur de honore praelatis deferendo, qui ad monasticam disciplinam magnopere confert, vt è rationibus subiectis censei poterit.

Ratio prima. Filij vniuersi ductu quodam naturæ parentes honore afficiunt, neque gens vlla adeo fera, & inculta est, quæ in hanc sententiam minimè conspiret. Cum ergo monachi praelatos suos parentum loco habeant, cum ipsa naturæ propensione pugnabunt, si eis honorem deferre recusent. Etsi enim ab eis, quod ad naturam spectat, geniti non sint, naturæ tamen lumen dicat, vt postquam parentum vices gerunt, paternum honorem accipiant. Et quidem ratio hæc vim multam acquirit, si praelatorum nostrorum mores verè paterni spectentur, siue culturam spiritus, siue corporis necessitatem contemplemur: vtroq; enim ex capite, carnales parentes, vel æquant, vel certè superare contendunt. Qualis autem deformitas esset, his honorem debitum adimere?

Ratio secunda: Praelatus non, vt pater tantum, sed vt magister, & vt Dei Vices gerens honore maximo afficiendus est. Vt enim parentis,

& magistri functiones sileamus, quisnam titulus illustrior, & honore dignior excogitari potest, quàm qui ex munere illo enascitur, quo prælatus Dei vices gerit? Porro qui perspicaces, mentis oculos nati sunt, profunda animi demissione, Prælatum venerantur, memores amplissimi honoris, qui debetur ijs, quos Christus in excelsissimum fastigium euexit aïens: Qui vos audit, me audit, qui vos spernit, me spernit. Nihil enim altius in hoc genere, mente concipi posse videtur.

Ratio tertia. Prælatus est quidam canalıs, vel aquaductus, per quem cœlestia dona in subditos deriuantur: Illi quippe Deus adest, affulget, instruit, vt subditos moderetur: eamq; diuinæ lucis, & consilij gratiam, in bonum subditorum cedere compertum est. Quis ergo non afferat honorem ei, per quem Deus tot bona largitur? Nimia cœcitate pleriq; laborant, qui in prælato, nihil altius, quàm corporis præsentiā cogitare norunt, quos humi repere, & parum spirituales esse palam est. At eis rependitur, vt steriles sint.

Ratio quarta. E contrario abusu, vel enormi errore iudicare licet, quàm sit debitus prælatis honor. Profecto, qui eò processit, vt prælatum aspernetur, pessimus monachus, & damnationi proximus est. Quem meritò reponimus in illo numero infeliciū monachorum, quibus peiores homines nusquàm reperire licet. Ita enim se res habet, & sanctus censuit Augustinus, qui neque meliores, quàm qui in cœnobijs profecerunt,

runt, neq; peiores, quàm qui ibi deliquerunt, se-
expertum fuisse commemorat. Quòd licet in
alijs peccatorum generibus, ad proportionem
sanctitatis, quam status exigit, crescentibus ve-
rum quoq. probetur; ceterum in ea imprudentia,
qua prælati contemnuntur, maximè verum est,
cùm in contemptu illo plus multò malitiæ, quàm
in alijs peccatis, quæ à monachis committi so-
lent, inesse credatur.

228

Ratio quinta. Quàm sit turpe, prælatos non
venerari, facile perspiciet, qui iram Dei conce-
ptam in eos, qui in hoc genere peccant, dignè
perpenderit. Sanè cum Aaron, & Maria aduer-
sus Mosè parùm reuerenter locuti essent, appa-
ruit Deus, & è nube, velut è tribunali grauitè
reos reprehendit, lepraq; Mariam continuò in-
pœnam respersit. Cùmq; Mosès, vt erat mitissi-
mus, pro ea precaretur, minimè vt optabat,
exauditus est, donec Maria septem diebus, castris
exclusa, vitimoq; reuocata, coëptum iter persequi
permisum est, Deo iniuriam Mosè illatam exem-
plo tremendo vleiscente, vt discerent posteri,
quem honorem ijs, qui præsunt, deferre deberent.
Nimirum iniuria prælatis irrogata, in Deum, cu-
ius nomine præsunt, refunditur, sicut scriptum
est, qui vos spernit, me spernit.

No. 16

Contemplamini nunc, patres, quid de honore
prælatis debito opinari debeamus. Quid de re
hac porrò grandi dicam vobis? Incredibile pla-
nè videtur, monachum officio satisfacere suo,
qui prælatum non intuetur ijs pæne oculis, qui-
bus Christum ipsum aspiceret. Si autem hoc

intuitu candido, simpliciq; illum spectet, ardua-
 quaq; perueniet, debitoq; illum honore venera-
 bitur, quod clarissimo David erga Saulem, tunc
 regno prædidentem exemplo patebit. Venerat
 Saul, tribus electis militum septus millibus, ad
 peruestigandum David, quem interficere cupie-
 bat, ut in regum historia memoria proditum est.
 Cumq; in antrum quoddam, egerendi causa, se
 recepisset, & in recessu antri interiore David
 cum comitibus lateret, peropportuna insonti
 occasio Saulis necandi oblata est, quod milites
 vehementer hortabantur, promentes, ut credi
 debet, iustissimas tyranni occidendi causas, præ-
 fertim cum in summo ipsi vita discrimine versa-
 rentur, nisi cum inculpata tutele moderatione
 inimicum perimerent, qui ad ipsos interimendos
 eo furens accesserat. Rationes profecto vali-
 dissimæ urgebant. Et tamen David oram chla-
 mydis Saul tantummodò præcidit: hominem
 omnino nec tetigit, neq; attingi à militibus passus
 est. Quin etiam conscientia remorsum sensit,
 quòd oram chlamydis præcidisset. Quid est hoc?
 Qua de causa non infert manus tyranno, à quo
 parùm abest, ut capiatur innocens, ac necetur? Er-
 go ne conscientia innocentis torquetur, quòd ve-
 stis oram præsecet, qui iure potuit hostem iniu-
 ste persequentem trucidare? Quid causa subest,
 ad tyrannum tantopere reuerendum? Cur con-
 fringit militum animos, ne in hostem insiliant?
 Ipsi enim urgent. Cur eos retardat? Audite
 verba David: Propitius sit mihi Dominus ne
 faciam hanc rem Domino meo Christo Domini,

ut mittam manum meam in eum, quia Christus Domini est. Ecce quam rationem profert, cur eum attingere non audeat, neq; lædi à militibus sinat, quia scilicet Christus Domini, quasi diceret: Bene animaduerto, quàm sit Saul crudelis, & quàm iniuste me persequatur. Animaduerto etiam, me & vos milites meos in periculo extremo constitutos esse, ut ab eo capiamur, ac necemur. Cæterum omnia hæc mihi ferenda videntur, quia Christus Domini est, quia videlicet rex est, loco Dei præsidet. Ratio verò hæc altè ad eò illius animo infedit, ut egressus è spelunca Saullem nihil tale opinantem pronus in terram adorauerit, & crudelis tyranni feritatem ad fletum vsq; lenierit. Expendite nunc quo affectu, & quibus externis actibus eum, qui præerat, honorauerit. Si ergo David tunc miles puro intuitu regni præsidem suspiciens, & non qualis esset, sed cuius loco præesset considerans, interim dum ad necem ab eo quærebatur, illi honorem tantum detulit; cur monachus prælatum, qui non vitam adimere, sed tueri cupit, non honore afficiat? Cur monacho satis non sit, nosse, prælatum, Christum Domini esse, ut æquo animo illius mædata ferat, nec audeat ullam, vel leuissimam ei iniuriam irrogare, tametsi ab eo acerbè tractetur? Porro exemplum hoc ad eò videtur efficax, ut monachus quisq; timoratus, non solum ubi à prælato suauiter accipitur, verùm etiam si fustibus, & alapis cadatur debeat illum, & amare, & honore pariter afficere? Ne rationibus humanis viam aperiat, & opus fidei politice interpreta-

ri velitis : Christum ipsum in prælato intuemini, eiq; reddite honoris tributum, quod lex ipsa exigit. Certò statuite, mitem prælatos honorandi morem, ritum esse Sanctorum antiquissimum, Deoq; gratissimum, & in cœlesti patria, cumulatè remunerandum. Ergo in opus incumbite, & quod debetis, officium explentes spe altè nixa, in præmia vobis parata mentis aciem, & pia vota collimate.

Exhortatio de supererogationis operibus.

Cap. XXXVIII.

Postquam regulæ auctor leges paucas selectas, & ad instituti nostri appositas tulit, adiecit verba illa. *Si quis autem supererogauerit, ipse Dominus, cum redierit, reddet ei.* Quasi apertius diceret. Præscripsimus pauca, quæ prudens exigebat legislatio: ceterum nobis exploratum est, vos his limitibus ita includi velle, ut maiora moliri neutiquàm prohibeamus. Maiora interdicare minimè debuimus, imo admonemus, Christum vobis maiora patrantibus mercedem, cum redierit, redditurum. Hæc regulæ auctor; qui patrum illorum, quibus leges scripsit, spiritum sanè validum contemplatus, monuit denique prudentiam, ne quid nimis. Erit ergo maiorum nostrorum exemplis consona, supererogationis tractatio, quam hisce rationibus digeremus.

Ratio prima. Filij huius sæculi, qui iuxta Christi oraculum, prudentiores filijs lucis, in
gene-

generatione sua sunt, sibi minimè satisfaciunt; si ea tantùm bona vtilia, honorifica, & delectabilia exquirant, quæ ad vitam decenter ducendam, sufficiant: sed inexplibili cupiditate plura, & maiora conantur, ut ex congesta in annos multos pecunia, ex horreis plenis, ex curribus, equis, hortis, palatijs, ex honorificis titulis pretio multo emptis, facile perspiciatis. Cur ergo, ubi de bonis æternis parandis agitur, metâ vobis præfigatur, quam transilire nolitis? Porro seculi cupiditas à bonis monachis, in argumentum celestis prudentiæ vertenda est.

Ratio secunda. Viri, qui in sæculo cordati censentur, si quid mediocre in regum aulis quarant, eam vim, ac navitatem adhibent, quæ ad maiora fat esse videatur. Si enim medioeri honori mediocre curam dumtaxat impenderent, vix, aut nunquam voti compotes evaderent, si expertis fides habenda sit. Quocirca ut tutiorem agendi morem sectentur, ea solitudine mediocria conquirunt, quæ ad magna satis foret; atque ita securius eis res ex sententiâ succedunt. Si ergo hic cordatorum virorum mos in temporalibus est, cur id prudentiæ genus ad res non traducatur æternas, ut securior earum fiat acquisitio? An in rebus diuinis perquirendis ea desideretur prudentia, quæ affluenter impenditur humanis?

Ratio tertia. Experientia constat, monachos etiam fervidos, qui annis prioribus, supererogationis opera necessarijs addebant, decursu temporis conflorescere, ac vix necessaria opera

præstare. Quid ergo si sub initium vltra necessaria, nihil maius cogitassent? Profectò & è necessarijs, temporis processu, aliquid demerent, ut crebris etiam experimentis probatur. Et hæc profectò ratio experientia confirmata apud sapientes monachos, hoc efficit, ut grandiora exequi conentur præfagientes, quod futurum creditur, ut ubi disciplinæ monasticæ pondere se fatigatos senserint, omittant aliquid eo usque supererogatum, & quod legitimum est, perseveranter retineant.

Ratio quarta. Profectò generosi animi in re hac, quam pertractamus, domesticum, & satis efficax exemplum habent B. Tereziæ Fundatricis nostræ, cui adeò modicum visum est, quod ex legibus nostris Deo redditur, ut sponte rarum illud votum emiseric, exequendi, quod inter multa occurrentia, Deo gratissimum crederet. Non enim animo illi grandi satisfuit, quæ nobis imperata sunt, explere, & ut sibi satisfaceret, quod in quovis eventu Deo acceptius esset, se facturam pollicita est. Parùm ergo parenti nostræ congruunt, qui sibi metam lege præfigunt.

Ratio quinta. Christus Redemptor noster genus humanum vna sanguinis sui gutta perfecte redimere potuit: & tamen quasi ruptis fontibus abyssi magnæ, ac disruptis cæli cataractis totum profudit sanguinem, & nostræ salutis siti rapidissimum dolorum, ac irrisuum torrentem exhaust. Qualis ergo gratitudo est illa tepentium monachorum, qui fatentur quidem, se, quæ præscripta sunt, efficere velle, nolle tamen maiora

moli

moliri? Si enim idē nolunt ampliora, quia legitima sufficiunt; an minor dolorum acerbitas a Christo perdata ad eos redimendos non sufficeret? Profecō ratio hęc nobilissimam orbis terrarum partem domuit, domitamq. ad egregia virtutum opera, sine meta præstanda vehementer impulit. . 2 1 4 1 4

Vos ergo, patres, Christi castra oculis internis lustrate, & lectissima, Martyrum, Confessorum, Virginum agmina recensete: comperitisq. permulta, & planē grandia ultra Dei præcepta, & consilia voto promissa patrasse. Neque enim diuina lege, aut Ecclesiastica, aut monastica adigebantur ad tot, tamquē grauiā pœnitentiz opera ieiunia, vigiliās, verbera, & id genus alia, quibus parum absuit, vt modum excederent. Cæterum scriptum est: *Si dederit homo omnem substantiam domus suæ pro dilectione, quasi nihil despiciet eam*; atque ita cum Christum amore summo diligerent, nihil se magnum agere crediderunt, tametsi se ipsos amore incensi, laboribus penē conficerent, aut sanguinem quoque profunderent. Hęc altē recondite, neque discretio illa siue prudentia, quæ virtutum est moderatrix, vos ab hoc proposito retardet. Si enim grandia concessu Prælati tentetis, prudentia minimē deerit, vti deest ijs, qui arbitrato proprio virtutis opera metiri gestiunt. Qui verō obedientiæ ductu reguntur, non est, cur scopulos formident, cū Deum moderatorem, ac fautorem nacti sint, maioraq. interdum efficiant, quā se præstare posse putassent. Christum er-

251

Cant.
8.

go impensè diligite, & vos totos obedientiz credite, grandiaq. audete : vt Christus ipse rediens, coram vniuersi mundi theatro, vos amplissimis honoribus æquus remunerator exornet.

FINIS.

ERRATA.

<i>Pag.</i>	<i>Lin.</i>	<i>Errata.</i>	<i>Corrige.</i>
3	3	tanta regulæ	tantæ regulæ
ibid.	31	alicui	alicuius
8	23	indiciu	iudiciu
33	11	pascuz uæ	pascuz suæ
ibid.	30	delebat	delibat
46	24	obedientia	obedientiæ
50	23	aduersum	aduersam
57	27	fuspitarent	fuspirarent
81	26	longas	longa
131	7	& ad	sed ad

852

